

1  
1





1  
DE CONSOLATIONE  
EDITA

SVB NOMINE CICERONIS,  
ANTONII RICCOBONI  
DEFENSOR,  
Seu pro primo eius Iudicio,  
ADVERSVS SECVNDAM  
CAROLI SIGONII  
ACCVSATIONEM,

Ad Clarissimum Virum  
LAVRENTIVM MASSAM,  
SERENISS. REIP. VENETAE  
A' SECRETIS.



CVM PRIVILEGIO.

VENETIIS, Apud Georgium Angelerium.

M. D. LXXXIV.



ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE

ANTONIO BILLORE



# DIALOGI

PRAEFATIO

AD CLARISS. VIRVM  
LAVRENTIVM

MASSAM,

SERENISSIMI  
VENETI SENATVS

A SECRETIS.



VM omnia, quæ à Deo  
opt. max. creata sunt, Lau-  
renti Massa, uir Clarissi-  
me, suam perfectionem  
appetant; cunctaq. ani-  
malia, in eo potissimum  
excellere, quod sibi maxi-  
me conuenit, concupi-  
scant; atq. hoc animal, plenum rationis, &  
consilij, qui uocatur homo, ad rerum ueritatē  
indagandam, ac intelligendam à natura, immo  
potius ab ipso naturæ parente Deo conforma-  
tum esse uideatur: mirantur non nulli, & me-  
rito mirantur, quæ nam sit causa, quamobrem  
id bonum, quod in ueritatis cognitione positū  
est, quodq. solum perficere naturam hominis

A 2 potest,



potest, paucissimi consequantur. Omnem tamen admirationem deponant, necesse est, si animaduuerterint, idem hominib. contingere, quod brutis euenit animalib. quæ cum quodam naturæ impetu in suas actiones ferantur, & potius, ut ita dicam, agi, quàm agere uideantur, ea tamen, quæ ipsa præscribit natura, non semper præstant. idq. fit, non modo, cum ui ac necessitate quadam detinētur, quominus id ipsum, quod sibi propriū est, efficiant, uerum etiam, cū aliter assuefacta sponte agunt. Leo enim non solum in cauea inclusus, & catenis cōstrictus, sed etiam hominis indultia mansuefactus naturalem feritatem minime exercet. quod dici quoque de ceteris animalib. fere omnib. potest. Quid? quòd res etiam inanimatæ multis tenentur impedimentis, ut eò, quò naturaliter tendunt, non ferantur? Ignis enim non semper loca tenet superiora: lapis quandoque sursum detinetur alia similiter non numquam impediuntur. Quòd si ea, quæ simplicis sunt naturæ uel absolute, ut simplicia corpora, uel cū homine comparata, ut plantæ, & animalia rationis expertia, quæ quò simpliciora sunt, eò pauciorib. egent, & ob id etiam impediri pauciorib. possunt, multis sunt impedimentis subiecta: cui mirum uideri debet, hominem, animal tam multiplex, & uarium, qui non impulsu naturæ ducitur, sed in suis actib. dominatur, uolunta-

uoluntatem habens principium actionum suarum, quique plurimis auxiliis eget, & ideo difficultatibus prope innumerabilibus urgetur, tam raro finem suum adipisci, & ueritatis perfici cognitione? Ac uaria quidem sunt pro hominum uarietate impedimenta: ego uero fateor, cum in aliis, tum in Consolatione edita sub nomine Ciceronis diiudicanda me ualde fuisse impeditur, quominus omnia initio uidere potuerim. Quod me satis purgare apud Carolum Sigonium debebat, si eius graui iudicio minus satisfecissem. Constat enim omnibus, & ipse perspectum, ac cognitum habet, quam graue, quamque arduum sit, in publico aliquo, eodemque clarissimo gymnasio docere. quod munus cum superiori proximo anno, mense Aprili, in hac celeberrima Patauina Academia obirem, atque in curriculo uersarer publicarum explicationum, mandauit mihi is, qui apud me potest, quaecumque possum, omnia, semperque donec uiuam, pro singularibus suis, atque immortalibus in meritis, poterit, Hieronymus Mercurialis, Medicus clarissimus, & Comes perillustis, ut, quid de illo Consolationis libro sentirem, breuiter scriberem. Quamobrem raptim, & propterans, prout publicum negotium meum postulabat, sententiam meam, ut potui, litteris consignauimus. Quam cum ipse Carolus Sigonius, longe minus occupatus, quippe qui uacatio-

cationum scribebat tempore, & rem per otium, quod ipse ait, ut sedatiore, sic intentiore mente, ac cogitatione lustrauerat, duab. ornatissimis orationib. tamquam absurdissimam reprehendisset, purgavi me, quod festinans scripsissem, ac propter præpoperam quandam festinationem meam omnia complecti nequiuissem. cumq; ad ea, quæ is mihi obiecerat, pro uirib. respondissem, & prioris iudicii mei argumenta aliquius esse ponderis, & momenti ostendissem, tamen in fine tertiæ disceptationis meæ, ut ea seponerentur, concessi, & ad ea, quæ cursim persecutus fueram, eum argumentorum cumulum adiunxi, qui omnem eximere posse dubitationem mihi uideretur. Sigonius autem, nouis relictis argumentis, adhuc in ueterum perstat refutatione. ad quem tamen si satis esset respondere, me, ut hæc relinquerentur, iam dedisse, totamq. uictoriæ spem in illorū grauitate, & firmitate collocasse, tamen, quoniam ad eorum defensionem rursus prouocor, quæ præpeditus celeriter scripsi, mihi ipse non deero, ut aduersario quamuis potentissimo me iterum lacessenti resistam, & me incolumem, quantum possum, conseruem. Cuius rei desiderio tenentur naturaliter non solum homines, uerum etiam animalia ratione carentia, ut se pro uirib. tueantur, & quæ nocere possint, propellant. Quare non temere uidebor fecisse, si naturæ sequens impul-

impulsionem ad ea, quæ contra me edidit Siginus, rescripsero, & operam etiam, atq. etiam dederò, ne me auctoritate sua sane gravissima prorsus opprimat. Neque enim in causa tam iusta cedere facile debeo, pro ueritate ipsa propugnans, quam omnib. esse gratius præferendam, ipse confessus est. Quoniam uero idem uarietate scribendi oblectatur; quemadmodum cum is contra primum iudicium meum duas orationes scripsisset (οἱ πονηρὸν γὰρ τὸ πρᾶγμα ἔχοντες, ἢ δοκοῦντες, λέγουσι τὰ κύκλω, καὶ προσιμίζονται) ego quattuor disceptationes rescripsi: sic, cum ipse Dialogum de controuersis nostris confecerit, ego quoque Dialogum contexam, cum aliis doctis uiris, tum tibi in primis, Laurenti Massa, uir Clarissime, cuius auctoritati plurimum semper tribui, iudicandum. Te enim potissimum de reb. meis ferre iudicium cupio, tum quia tu facile potes, tum quia, si labores, & uigiliæ meæ tibi, patrono meo, probatæ fuerint, id ualere potest ad singularem tuum in me amorem confirmandum. Neque enim de tua præstantia dubitandum est, qui ad eius ordinis amplitudinem uirtutum tuarum admiratione peruenisti, quod uiris tantum non solum fide, diligentia, sapientia, sed etiam eloquentia exquisita ornatis patere aditus solet: qui præter alia multa, & magna, quæ dedisti, sapientiæ, atq. eloquentiæ documenta, cum Serenissimus

Venetiarum Princeps, Aloysius Mocenicus, in funere laudandus esset, nec facile inueniretur, qui admirabilib. ac prope diuinis tanti Principis uirtutib. oratione satisfaceret, ipse ualde idoneus existimatus es, qui ad Principem exorandum adhibereris, & adhibitus tam præclare id muneris obiuiisti, ut omnib. fueris admirationi. Ego uero maximopere curare debeo, ut, quòd mihi semper incredibiliter faueris, numquam tibi in mètem ueniat pænitere. Tu me in hac præclara sede, in qua tresdecim abhinc annos ueteris doctrinam eloquentiæ profiteor, tuis prope manib. collocasti. Tu me, ut ampliori præmio afficerer, iam bis adiuuisti. ita, ut omnem dignitatem, & commodum meum fatear à tua benignitate, & humanitate, tâquam à fonte, deduci. Quamobrem causam meam tibi in primis & maxime idoneo ad indicandum, & summo patrono meo, probari exopto. Sed iam felicib. amplissimi nominis tui auspicijs Dialogi exordium capiam.

# DIALOGVS

INTER  
CAROLVM SIGONIVM,  
ET  
ANTONIVM RICCOBONVM.



SIGONIUS.



EGISTINE libellum meum,  
quem Accusatorem inscripsi?

RICCOBONVS.

Et legi, & miratus sum.

SIG. Cur, queso, miratus?

RICC. Quod artificio tuo mihi iniuriam facere tamdiu perseueres. SIG. De qua iniuria conquereris? RICC. De ea præcipue, quod me accusatoris nomine significasti. Memini enim, quod scriptum reliquit Cicero libro secundo Officiorum, non solum periculosum esse, sed etiam sordidum ad famam, aliquem committere, ut accusator nominetur; idq. contigisse M. Bruto, summo genere nato, illius filio, qui iuris ciuilis in primis peritus fuit. SIG. Quid? nonne idem scripsit, & L. Crassum admodum adulescentem non aliunde mutuatum esse, sed sibi ipsum peperisse maximam laudem ex illa accusatione nobili, & gloriosa, ob quam C. Carbo, homo eloquens,



eloquens, & consularis, est condemnatus: & idem fecisse adolescentem M. Antonium: & P. Sulpicii eloquentiam accusatione illustratā esse, cum seditiosum, & inutilem ciuem C. Norbanum in iudicium uocauit? non ne in Diuinatione in Verrem testatus est, P. Lentulum, qui princeps senatus fuerat, accusatorem fuisse M' Aquillij, & à P. Africano, homine uirtute, fortuna, gloria, reb. gestis amplissimo, post duos eius Consulatus, & Censuram L. Cottam in iudicium uocatum esse? Cur igitur, si his, & alijs fuit laudabilis accusatio, tibi turpe putas nomen accusatoris? R I C C. Quia eo modo accipio, quo mihi tribuisti. Video enim te ita me appellasse, non ut laudares, & honorares, sed, ut turpitudinis mihi notam inureres. Equidem non ignoro quandoque accusationem laudandam esse, maxime uero in adolescentia, & cum exercetur aut Reip. caussa, aut patrociniij, quemadmodum ego litterariæ Reip. caussa, & patrociniij, quod suscepi ueteris eloquentiæ, profiteri non sine laude possem illius Consolationis accusationem: sed non magis illum librum accusaui, quàm Ciceronem defendere conatus sum à perniciosis illorum uocib. qui eius nomini absurdissimum opus tribuere audent. S I C. Agnosco artificium oratorium, ut etiam accusationes nominari quodammodo defensiones possint. Itaq. Cicero in Diuinatione in Verrem suam accusationem appellat defensionem his uerbis: Qui nunc popula-



ti, atq. uexati cuncti ad me publice sepe uenerunt, ut suarum fortunarum omnium causam, defensionemq. susciperem. & in tertia actione: Quamquam in hac causa multo plures partes mihi defensionis, quam accusationis suscepisse uideor.

Ricc. Posteaquam Orationum Ciceronis mentionem fecisti, mihi uenit in mentem illius dicti, quod legitur pro Sex. Roscio: Accusatores esse in ciuitate utile est, ut metu contineatur audacia, quorum alij anserum, alij canum similes esse dicuntur. Alij enim uestrum, inquit Cicero, anseres sunt, qui tantummodo clamant, nocere non possunt: alij canes, qui & latrare, & mordere possunt. Sed, uter nostrum nomine accusatoris dignior sit, breuiter uideamus. SIG. Quid? tu me etiam accusatorem appellabis? Ricc. Sane, idq. tuis ipsius uerbis comprobabo. Nam, cum ego id fecissem, quod mei muneris putauis esse, ut, quid de illo Consolationis libro sentirem, breuiter aperirem, & nullam certam personam accusassem, sed eam maculam, quæ penitus iam infederat in Ciceronis nomine, quod uir sapientissimus, & eloquentissimus talem Consolationem talib. erratis, & Latinitatis sordib. refertam composuisset, delere conatus essem, statim tu palam me accusasti, quod Ciceronis nomine eum librum priuarim, quem propter præstantiam suam ab ullo recentiorum factum esse uerisimile non est, & Ciceroni maledixerim, ac, quæ propria eius sunt, ei detraxerim, atq.

hoc modo magnum scelus commiserim. Quamobrem ego tui accusator non fui, nisi forte præter opinionem meam, si, quod multi crediderunt, tu ipse illius libri auctor fuisses, cuius nimis, & plus nimio amans uisus es. Tu uero non præter animi tui sententiam, sed sciens, & uolens, non occulte, ut profiteris, sed aperte, palamq. in luce, atq. oculis omnium mei accusator fuisti; idq. tu idem non negasti, cum me sub nomine accusatoris ita tamen tecum colloquentem induxisti: Quid? tu tuis rationib. haud satis occursum existimas, quib. tu illum esse Ciceronis aperuisti, meq. qui id abnuerem, arguisti? Haud prorsus. SIG. Mittamus quæso ista, atque, si quid de re dicendum est, id agamus. RICC. Iis, quæ præter rem facta sunt, ab re non est respondere. Conqueri præterea possum, quod in principio accusationis tuæ falsò mihi quiddam tribuisti. SIG. Quid nam falsò tribui? RICC. Quod scripserim, qui librum illum, de quo controuersia est, ediderunt, eos scriptum adulterinum, perinde ac testamenta testamentarij, subiecisse; de quo crimine iam me excusaueram. Verba enim prioris mei iudicij sunt: Quemadmodum non de sunt quidam improbi homines, qui quasi artem quandam faciliant supponendi falsa testamenta pro ueris, testamentorum subiectores, & testamentarii nuncupati: ita non nulli reperiuntur, qui, lucelli sui caussa, ut lectorem inducant hiantem, libris quandoq. etiam ineptissimis ueterum scriptorum

rum nomina præponere non uerentur, quos ad exemplum testamentariorum fortasse eleganter librorum subiectores possumus appellare. Hic non obscure loquor de ijs, qui libris ineptissimis ueterum scriptorum nomina præponunt. Iam ij, qui librum Consolationis ediderunt, uel edendum tradiderunt, aut ei præposuerunt nomen Ciceronis per quamdam, ut ita dicam, imposturam, quod numquam credidi: aut non præposuerunt, sed præclaro nomine insignitum aliunde habuerunt. si primum esset (εἰρήσεται γὰρ τὰ λυθὲς) de eis sine dubio loquerer: sed me id non putasse, ex eo constat, quod talem Consolationem tali nomine præditam non Venetijs ortam esse, sed aliunde ad manus eorum, qui eam typis imprimendam curarunt, peruenisse scripsi in hunc modum: Cum huiusmodi libro propter iniuriam temporum careremus, dici non potest, quantum superiori proximo anno à grauisimis quibusdam uiris mihi gaudij allatum sit, cum affirmatum est, eum Venetias delatum esse, ut in lucem, atq. aspectum hominum proferretur. Hæc in priori illo iudicio. Si est, quod sequitur, quam eis fecisse iniuriam uideri possum? De quo ita me in prima disceptatione mea purgaui: Cum scirent, quod ego sine dubio ignoraueram, ornatissimum uirum eiusmodi Consolationem edendam tradidisse, ipsum à me, quod apertissime negaui, et nego, minus honorate significatum esse diuulgarunt. Verum, cum alia omnia cogitasset, præter quam  
eius

eius offensionem ; in maxima maleuolorum hominum admurmuratione eam cepi consolationem , quòd, cum fama sit haberi Venetijs manuscriptum Consolationis librum, trecentorum prope annorū antiquitatem præferentem, potuerit uir ornatissimus existimare, locutum esse me, non de eo, qui librum edendum tradiderit, sed de eo, qui abhinc trecentos annos fortasse confinxerit; ut nemo profiteri debeat, se hac de re succensere, nisi qui se ipsum simulasse istam Consolationem confiteatur, et simul mihi causæ uictoriam concedat. Hicne tu legisti, & nihilominus inter eum, cuius ego gratiam appetui, & me ipsum fouere inimicitiam studes? SIG. Scis ex arte nostra, τῷ μὲν διαβάλλοντι κακοηθισέον, ἐπὶ τὸ χεῖρον ἐλαμβάνοντι: τῷ δὲ ἀπολυομένῳ ἐπὶ τὸ βέλτιον. Quare mirari non debes, si, dum te arguo, omnia in peiorem partem trabo. RICC. Egregium uero artificium, nisi inter eos adhiberetur, qui inter se exercere amicitiam profitentur. Equidem uideo te causæ tuæ mirabiliter seruire, quemadmodum etiam, cum causam affers, quamobrem ad mea ultima nō respondisses, nisi me requirere responsum animaduertisses. Dicis enim te ab huiusmodi officio præcipue propter nimiam huius disputationis tenuitatem abhorre-  
re, & cupiditatem meam, ut respondeas, ex eo cognoscere, quòd ego nomen tuum, cum ipse meum suppressisses, enunciaui. Ergo, quam disputationē tu tamquam grauisssimam tanto contentionis ardo  
re su-

re suscepisti, ut fulgurare, & tonare instar Periclis in illis tuis orationib. uisus sis, quæq. satis graue habere argumentum uidetur, ut liber grauisimo uiro, Ciceroni, & quidem grauisimo tuo iudicio tributus diiudicetur, atq. uel Latina lingua, eo si uirtus cognoscatur, tãquam præclaro monumento cumulata esse intelligatur, uel is, si adulterinus sit, à nostris blibliothecis, et scholis ablegetur, idem leuissimam esse significas; fortasse leuissimam alia de causâ, quàm tu censes, quia de leuissimo libro disceptatur, qui tamen tamquam grauisissimus defenditur. Sed ab ea magis initio, quàm num, abhorrere debebas. Conqueri autem uideris, & immerito conqueri, quòd, cum ipse meum nomen suppresseris, ego tuum enunciauerim. primum enim paria sunt nominare aliquem, et aperte indicare; immo uero paria non sunt, quia illud est sine contemptione aduersarij, maxime uero si is cum honore nominetur: hoc cum contemptione, dum eius, tamquam indigni alicuius, nomen retinetur. Deinde uero causam non uideo, cur uiri honorati illis ipsis in reb. nominandi nō sint, in quib. se ipsos nominauerint. Iam aperte me ipsum indicati non solum in inscriptione operis à te editi, ubi nominatur Consolatio Ciceronis, Iudicium Antonij Riccoboni in Consolationem editam sub nomine Ciceronis, Orationes duæ Caroli Sigonij pro Consolatione; & palam cognoscitur, Sigonium ea de re Riccoboni aduersarium esse: uerum etiam in

meorum ipsorum uerborum refutatione. Quæ enim uerba reprehenduntur tamquam incerti auctoris, ea in eodem uolumine mea esse apparet: ut non sine magno contemptu meum reticuisse nomen in re manifesta uidearis; quasi profiteri erubueris te longe superiorem cum inferiori controuersari, perinde ac Ajax Telamonides cum Cebrione pugnaret. Sed, si tu fueris Ajax, fortasse me Cebrionem non inueneris. Cum autem illarum duarum orationum, quas in me scripsisti, te auctorem cum maxima tua laude nominaueris; cur ego ad illas respondens tacere nomen tuum debebam? Combusseras ne templum Dianæ, ut tãquam Herostratus nominandus non esses? In eo tamen ab illo differs, quod ille etiam ob perpetratum facinus prædicari de se, ac nominari uolebat: tu uero etiam illarum orationum sane pulcherrimarum (ue reor enim luculētissimas appellare, quoniam id ad reprehensionem meam trahis, de quo postea uiderimus) illarum inquam ipsarum orationum, in quib. nomen tuum inscripsisti, te auctorem nominatum esse indignaris. Sed, pace tua dixerim, προφάσεως δέεται, μόνον ἢ πονηρία. Videris enim quemlibet pretextum arripere, ut me oppugnes. SIG. Non est ita: sed, quod ego feci, tu sequi debebas, ut quasi in incertum auctorem uterque nostrum agere uideretur. RICC. Qua nam lege ego astringebar, ut id facerem? SIG. Amicitie lege. RICC. Ergo lex amicitie permittit, ut  
amicus,



amicus, qui alia omnia agens præter quàm amici  
offentionem in incertam scripsit personam, in libri  
inscriptione tamquam aduersarius nominetur, &  
in ipsa libro suis ipsius uerbis ante lectorum oculos  
positis, & refutatis sub personæ incertæ simulatio  
ne aperte refellatur, omnibusq. quasi machinis op  
pugnetur: & non permittet, ut se ipsum etiam  
nominatim, maxime uero in re manifesta, & quæ  
disimulari non potest, defendat? Verum, ut hoc  
mittamus, quod factum mutari non potest, uelim  
ut ea, quæ contra me postremo disputasti, repetere,  
& quid respondeam, audire ne graueris. S I G.  
Voluntati, studioq. tuo parebo. Sed, si in ijs reb.  
quæ certiores sunt, patimur eruditos a nobis homi  
nes pro arbitrio disfidere, in re tam cæca, atq. ob  
scura, grauitè te accepturum, me tecum discrepa  
re, non arbitror: præsertim uero, cum sola argumen  
torum cõtentione inter se facta futurum sit, ut om  
nis error ex animis hominum euellatur, & ueritas  
ipsa prodatur, quam non testimonijs, & auctorita  
tib. sed ipsa re, & ratione debemus exquirere.  
Ricc. De me rectè opinaris: te enim quamuis  
eruditissimum, eundemq. mihi amicissimum non  
mecum sentire, patienter fero, si modo non animi  
contentione, sed opinionis dissensione dissentis.  
Quod testimonia, & auctoritates reijcis, rem, &  
rationem complecteris, oratorie facis. Tamen non  
ignoras non solum non habenti testes sua esse ar  
gumenta, sed etiam ἔχοντι πρὸς μὴ ἔχοντα, ὅτι

οὐχ ὑπέδικα τὰ εἰκότα: καὶ ὅτι οὐδὲν ἄν εἴδειμαρτυ-  
 ρῶν, εἰ ἐκ τῶν λόγων ἱκανὸν ὡς θεωρῆσαι: & quod  
 tunc maxime testib. est fides adhibenda, cum illi  
 sunt grauisissimi, qualib. ego usus sum, & cum ip-  
 sis testib. adhibitis etiam ratio suffragatur. Quo-  
 niam uero mea libri de Consolatione indicandi ra-  
 tio parum tibi asserre momenti uidetur ad abrogan-  
 dam ei Ciceronianam auctoritatem, quod nam tu  
 modo eam institui oportere censeret? **Sic.** Non  
 est, quod Sus Minervam. uerum, ut mea fert opi-  
 nio, quemadmodum ego scripsi, hunc librum Cice-  
 ronis uideri, quod omnes sententiae, fragmenta,  
 exempla, uerba, quae Consolationis olim fuisse con-  
 staret, in hoc ipso admirabili quodam ordine, & sin-  
 gulari constantia legerentur: sic tu ostendere debui-  
 sti, aut omnia, aut certe aliquid horum abesse, quae  
 aperte germani huius libelli laudem, & gloriam  
 continerent. quod tu nulla in parte animaduersionum  
 tuarum fecisti, uerum eorum exemplo, qui cū  
 partum subditicium arguunt, nulla tamen deesse  
 signa legitimi parentis ostendunt, totum corpus re-  
 linquens, atq. neuos tantum, & crepundia intues,  
 hoc pacto in tota actione tua scripsisti, Si Cicero  
 hic esset, hoc, aut illo modo scripsisset, aut non scri-  
 psisset. Quod quis affirmare pro certo potest, nisi  
 is, qui aut plus, quàm satis sit, coniecturae, ac iu-  
 dicio suo tribuat, aut cui Cicero in aures arcana  
 sua insusurrare consilia soleat? **Ricc.** Agis qui-  
 dem de te modeste, cum illo contrito, ac perunlgato  
 pro-



prouerbio, *Sus Mineruam: sed amice facis, ut me doceas, quam rationem inire debuerim, & simul significes magnam eius, qui illam Consolationem simulauit, diligentiam, atq. industriam, qui sua cautione fecit, ne quid eorum, quæ Consolationis olim fuisse constaret, (quæ tamen facile cognosci potuerunt ex ijs, qui illius libri fragmenta accuratissime collegerunt) deesse uideatur. Eam uero rationem non tenui, neq. laboraui in nouis fragmentis inueniendis, quæ ab hoc libro abessent, ne forte mihi cōtingeret, quod tibi uidetur contigisse, qui, dum laboras, ut aliquod nouum fragmentum inuenias, locum nobilissimæ orationis pro Milone, & locum Petrarchæ pro fragmentis recipis. Neq. est, quòd illum admirabilem ordinem celebres, illum in quā tuum, quem non esse admodum Ciceronianū coniecturis probaui. Neque, quòd singularem illam constantiam iactes, quæ, ut ostendi, potius potest, singularis rerum, quæ tractantur, inconstantia nominari, cum ille simulator raro sibi constet. Venis ad eorum exemplum, qui, cum partum subditiuum arguunt, nulla tamen deesse signa legitimi parentis ostendunt, neq. similiter dicis totum corpus reliquisse, & nauos tantum, ac crepundia intuitum esse. Ego uero mihi uideor plurima signa ueri Ciceronis ab eo partu abesse satis demonstrasse, & totum corpus ita excussisse, ut mēbrum reliquerim nullum; ac satis esse putauī explicare, non solum in principio libri positam esse sententiam ab*

*surdam; deinde insertam disputationem de senectute repugnantem alteri Ciceronis disputationi, de quo nulla facta est excusatio; & multa deprauata; & fragmenta eodem ordine, quod à fragmentorum inuestigatorib. edita sunt, interposita; & quædam exempla aliter commemorata, quam à Cicerone fuisse narrata uideantur; & usurpata quædã uerba minus Ciceroniana; alia minus propria; non nulla minus latina: uerum etiam totum opus diuisum in undecim partes ita errorib. repletum esse, Cicerone indignis, ut nulla eius pars sit, quæ merito reprehendi non possit; & tribuere huiusmodi librum Ciceroni nihil aliud sit, nisi facere Ciceronem imprudentem, qui contraria, & repugnantia scripserit; Dialecticæ ignarum, qui absurde quædam concluderit; ueteris historiæ inscium, qui non bene memoriam temporum replicauerit; non bene antiquitatis monumenta excusserit; Grammaticæ rationis expertem, qui etiam solacismos, si dijs placet, commiserit. Quid est totum corpus intueri, si hoc non est? Hæc me tu, quæ notari, appellas nauos tantum, atque crepundia? Sed ad hos nauos, & ad hæc crepundia alia multa facile adiungerem, nisi, quæ adhuc scripsi, satis esse posse existimarem; nec plus, quam satis est, coniecturæ, ac iudicio meo tribuo, qui etiam, te notante, usque adeo titubanter, ac timide res tango, ut, quo iudicio præditus sum, ne ipse quidem mihi satis confidere, aut plurimum in meis animaduersionib. momenti*

menti ad uictoriam constituere uidear; nec profiteor me à secretis esse Ciceronis, qui, ut tu putas, ne Ciceronem quidem agnosco: sed te existimo nō solum egregie, cum uelis, poetarum munere uel in soluta oratione fungi, qui ex nihilo aliquid efficiunt; & historicorum, in quorum præclaro numero fulges, qui uerum profitentur, & tantum uerbis exprimunt, quantum res ipsa continet: uerum etiam præclarum oratorem agere, qui modo augeas, quod longe minus est, ut cum istam Consolationem plus nimio laudas, modo extenuas, quod reuera maius est, ut cum mea ipsius argumenta improbas, et nauos, ac crepundia nominas. SIG. Existima, quidquid uelis, dummodo non me quasi importune tuis laudib. obtrectantem, aut parum amici munere, officioq. fungentem accuses. Quid enim aliud ago, quàm quòd te in scriptorem incognitum infestius inuadentem, ac sæuū tui mucronem ingenij distringentem, quasi intercurrentes à conatu illo non omnib. fortasse probato deterreo, inquiens; Caue, ne iruas, hominem ignoras, nobilis est, amicus est, ualet ingenio, excellit doctrina, & quod caput, est, bonitate præstat, & innocentia? RICC. Non te accuso, sed à tuis accusationib. me defendo; nec te oppugnare conor, sed tibi repugnare. Gaudeo uero te aliquid remittere de pristina illa tua contentione, dum non acrius, uel solebas, Ciceronem ipsum impugnari contendis: sed remisius scriptorem incognitum inuadi confis-

teris. Ita uero me dii ament, ut, cum illum scriptorem incognitum descripsisti, mihi Sigonium describere uisus es. Sed uide, quid tibi tribuam, & merito tribuam: etiam si tu ipse affirmares istum librum tuum esse, exercitationis causa, & experienti ingenij conscriptum: tamen, pace tua dixerim, propter multa, & magna errata, quæ numquam tibi tribuerem, ut alias quoque dixi, ne tibi quidem ipsi crederem. Quod si est alterius uiri nobilis, amici, ingeniosi, docti, probi, & innocentis, qui uiuat, cum clara etiam diuini numinis contestatione affirmo, me numquam de eo aliquid scripturum fuisse, si existimassem uiuentem aliquem, maxime uero amicum, scriptis meis laesum iri, sed spectasse uetustiore illum simulatorem, cuius librũ haberi Venetijs manuscriptum, trecentorum prope annorum antiquitatem præferentem, dictitatum, & in uulgus iactatum est. Quando autem res eĩ in locum adducta est, ut mihi ab ea, quam iam pridem dixi, sententia recedere non sit integrum, quẽadmodum si is amicus meus, priusquam Consolationem edidisset, me ipsum consulisset, illud consilij dedissem, ut eam accuratius consideratam, & emendatam, non ut Ciceronis, sed ut suam ad imitationem Ciceronis conscriptam, ederet, ex qua ipse posset, maxime si errores essent correcti, magnam sibi gloriam comparare: sic, si nunc meum peteret consilium, ei consulerem, ut lateret, & in alijs exercitationib. suis diligentior esset, nec tantum

sibi

sibi arrogaret, ut posset sua scripta pro ueterum scriptis, & maxime Ciceronis, diuulgare. Cuiuscunque autem liber sit, mihi necesse est primam meam de eo sententiam tueri, maxime uero quia eam non uideo satis ex ueritate adhuc fuisse reprehensam. Quamobrem, ut tandem ad causam nostram ueniamus, cum in priori meo iudicio actio coniecturas attulerim, de reb. quinque, de uerbis tres, quid dicis de prima?

## PRO PRIMA CONIECTURA IN PRIMAM SENTENTIAM CONSOLATIONIS.

SIGONIVS.

**P**ERSVADERE conatus es, si Cicero tale principium Consolationis suae fecisset, Quamquam recentib. morbis medicinā adhibere, uetant sapientes, eum postea in quarta Tusculana id fuisse significaturum, quia solet Cicero citare priores libros in posteriorib. cum res aliqua illorum in his commemoratur. RICCOB. Cur actum agimus? cur minima, & confessa persequimur, maxima, et controuersa non curamus? Nonne quamuis dubitandi causa id scripsissem, (ad dubitandum enim probabilia omnia ualent) tamen postea ostendi magnum me momentum ea in re minime collocare, ac concessi potuisse Ciceronē eadem de re in duob. uel plurib. libris agere etiā si-

ne ulla mentione repetitionis? An uero dicis te ab  
 horrere à rerum tenuitate, & tamen tantopere, et  
 tamdiu in reb. tenuib. immoraris? SIG. Addidi  
 sti te eam rem obseruasse non tamquam necessa-  
 riam, quæ perpetuo seruaretur, sed ut uerisimilem,  
 quæ plerūque ita se haberet apud Ciceronem, ma-  
 xime uero de libro Cōsolationis, cuius sententias,  
 cum oblata est occasio, commemorandi, eius ipsius  
 libri mentionem facere solitus est. Tamen non so-  
 lum non plerumque, sed ne semel quidem obserua-  
 ta est. RICC. Vt tu intelligis, fortasse uerum: ut  
 ego sensi, nō uerū. Tu. n. distinxisti, Ciceronem eius  
 modi significationem præbere solitum fuisse, non  
 quoties aliquam alicuius scriptoris sententiam ite-  
 rauit: sed quoties aut totum libri argumentum,  
 aut insignem eius disputationis locum aliquem  
 retractauit. Ego uero maioris dubitationis caus-  
 sa non magis unum, quàm alterum modum nota-  
 ui, sed in uniuersum locutus sum, ac consuetudinē  
 Ciceronis probaui, quod in prima Tusc. testatus  
 sit se egisse de animorum natura in Consolatione,  
 & se uitam hominū deplorasse in eo libro, in quo  
 se ipsum, quantum potuit, consolatus est: & in ter-  
 tia Tusc. se in Consolatione collegisse, Maximū,  
 Paullum, Catonem, alios; & fere se omnia genera  
 consolandi in Consolationē unam coniecisse. SIG.  
 At hæc cadunt in secundum membrum distinctio-  
 nis meæ, non in primum. RICC. Distingue, ut  
 lubet. Sat enim habeo, si mihi fuisse aliqua dubi-  
 tandi



randi occasio indicetur. SIG. Quid? quòd subiunxisti, Ciceronem in Tusc. ita scripturum fuisse: Quodq. uetat Chrysippus, ut in Consolationis principio scripsimus: & tamen Cicero in Cons. non nominauit Chrysippum, sed sapientes, quæ uox cadere poterat in alios etiam, quàm Chrysippum, ut in Hippocratem, & Platonem, quos ante Chrysippum eiusmodi sententiam prodidisse monstrauit? RICC. Potuit nominare Chrysippum in Tusc. declarando uocem sapientum, si posita fuisset in Consolatione, ut, quamuis uox sapientum posset cadere in alios, quàm in Chrysippum, tamen intelligeretur, quem de sapientib. potissimum significasset. Sed inaniter facimus, qui illam sententiã Consolationis ulli sapientum attribuimus, quæ adeo falsa est, ut nec Chrysippi, nec Hippocratis, nec Platonis, sed alicuius imperiti censend. sit, quod in meis disceptationib. demonstraui. SIG. Dixisti etiam, te illud, Vt in principio Consolationis scripsimus, non retulisse ad id, quod præcessit, Quodq. uetat Chrysippus, sed ad id, quod sequitur, Ad recentes quasi tumores animi remedium adhibere. At uide, quàm hoc facile recta adhibita distinctione potueris: nescio enim, quomodo referri possit, Vt in principio scripsimus, aliò, quàm ad id, quod antecessit. RICC. Quilibet, opt. uxor, si ita scriptum fuisset, intelligere facile posset, ut ego intellexi, scriptum fuisse in eo principio, non uetare Chrysippum, sed ad recentes quasi tumores anim. u

animi remedium non adhibendum, et totam sententiam significatam esse, nō auctorem sententiae demonstratum, ut postea in Tusc. illud, Vetat Chrisippus, esset positum ad illud explicandum, quod legeretur in Conj. Vetant sapientes. Hoc tamen relinquo studiosorum iudicio, & huiusmodi res omnes leuiores existimo, quā quæ ab utroque nostrū diutius tractari deberent, iccircoq. cas, dum in secunda disceptatione primam coniecturam tractarem, in postremum locum reieci; quib. tu obruere grauiora cupiens argumenta, prope in uestibulo disputationis tuæ usus es; neq. hoc facto contentus, quiddam etiam præter rem adduxisti, ut unam uocem meam reprehenderes. S I C. Quid nam, quæ so? R I C C. Nempe, quod ego in prima disceptatione dixeram, non occasione huius sententiae, quā in prima Coniectura pertractamus, sed ut animū in te meum omnib. declararē, me iudicium tuum, si possem, libenter meo ipsius antelaturum fuisse: sed, quoniam à prima mea sententia iam edita mihi recedere non liceret, iccirco ad duas luculentissimas orationes, quib. ei multas erroris tenebras obijcere conatus esses, responsurum esse. S I C. Non'ne id imprudenter dictum est, Duab. luculentissimis orationib. tenebras obijcere? Ecquid in meis illis, quas luculentissimas uocas, orationib. tandem fuit, quod iudicij tui officere luminib. qui uerit? Quando enim alias luculenta, id est, lucis plena quæ essent, reb. ullis tenebras offuderunt. R I C C.



**Ricc.** Intelligo, me à proposito auocari: quid enim hoc ad sententiam, qua de agimus? maxime uero non ex hac ipsa disputatione desumptum, sed aliunde, & quidem longe petitum? Sed, quamuis sciam, hoc esse artificium eorum, qui iniustam causam tuentur, ut à re ipsa abducant aduersarios, eamq. digressionib. obruant: tamen tibi satisfaciam, ut aliquantisper tecum digrediar. Ac primum quidē tibi magnas gratias ago, quòd, cum tu semper ingenio meo faueris, laudiq. studueris, ut ego semper credidi, meum etiam studium adiunes, docens proprietatem uerborum. Deinde, si lapsus sum, aio me ea propemodum incuria usum esse, qua tu quòque uti uisus es, cum in prima tua oratione Cicero nem ipsum ita loquentem induxisti: Qui se in uita iuste, caste, atq. integre praestitissent, pro Qui se in uita iustos, castos, atq. integros praestitissent. & Quod facit itare Demosthenē obseruari, ut eademmet uerba, quoties apte caderent, adhiberet. Quis enim umquam dixit, Idemmet, nisi tu, & ego tuo exemplo, modo dicendi non satis considerato? Postremo puto me recte locutum esse. Nam, tametsi tibi uidetur absurdum, ut luculenta, & lucis plena ullis reb. tenebras offundere dicantur: tamen non absurde fortasse significatur, illa efficere, ut hæc nullam propriam lucem habere uideantur. Vis exemplum? afferam, & quidem, ut arbitror, optimum. Nihil enim aliud est tenebras offundere, nisi obscurare. Id quod si tribuitur soli, multo magis tribui

lucu-

luculentissimis orationib. potest. Atqui reminiscere uerba Ciceronis in lib. 3. de finib. sic scriben-  
tis: Obscuratur, & offunditur luce solis lumen lu-  
cernæ. Significo igitur primum meum editum  
iudicium esse tamquam lumen lucernæ, tuas uero  
orationes, tamquam lumen solis, ita ut illæ huic  
tenebras offundant, id est, illæ hoc obscurent. Quā-  
quam cau, quantū potui, ne prorsus obscurarent.

SIG. At lux, & tenebræ sunt res inter se omnino  
diuersæ, & dissimiles. RICC. Quid nīd Aristote-  
les enim laudat translationes, & similitudines du-  
ctas à reb. quæ manifestō similes non sint, & scri-  
bit, καὶ ἐν φιλοσοφίᾳ εὐσούχου εἶναι τὸ ὁμοίον, καὶ ἐν  
πολὺν διέχουσι θεωρεῖν. & Cicero solet dicere ali-  
quid esse in dissimili genere persimile. Quæ caus-  
sa fuit, quamobrem, cum Typographus pro lucu-  
lentissimis uocem lutulentissimis impressisset (quæ  
fortasse magis tuo sensui quadraisset) id non pas-  
sus sim, sed uocem luculentissimis reponendam es-  
se curauerim, aliter fortasse facturus, si tuum sen-  
sum melius nouissem. Sed uis'ne, ut ad propositū  
redeamus? SIG. Sane, si placet. RICC. Perge  
igitur repetere, quod mihi obiecisti. SIG. Illam  
sententiam, Vetant sapientes, recentib. morbis me-  
dicinam adhibere, contendisti sua fuisse ratione  
muniendam ex præcepto Aristotelis, tamquam cō-  
trouersam, & ulli alteri repugnantem, Principijs  
obsta. quæ tamen probabilis erat, & iccirco non  
indigebat ratione. si quidem probabile dicitur,

quod

quod probatur aut omnib. aut plerisq. aut certe  
 sapientibus. Sapientes autem fuisse Hippocrates,  
 Plato, & Chrysippus. Quare non eguit ratione.  
 Ricc. Caue, quæso, ne hoc tamquam certum po-  
 nas, Quidquid est probabile, id nulla indigere ra-  
 tione. pleraq; enim probabilia iccirco probabilia  
 sunt, quia talib. rationib. probentur. Quod ut cō-  
 firmem, agam tecum Dialectice. Non enim ue-  
 reor, ne putes me adiuisse Dialecticos, ut putasti  
 Medicos: si quidem ars nostra ἐστὶ ἀντίστροφος τῇ  
 διαλεκτικῇ, non Medicinæ. Sed ad rem. Quoddā  
 persuasibile (sic enim Quintilianus appellat τὸ  
 πιθανόν) indiget ratione. Omne persuasibile est  
 probabile. Ergo quoddam probabile indiget ra-  
 tione, si dubitas de maiore, audias Aristotelem,  
 τὸ πιθανὸν τινὲς πιθανὸν ἐστὶ. καὶ τὸ μὲν εὐθύς  
 ὑπάρχει πιθανὸν δι' αὐτὸ, καὶ πιστόν: τὸ δὲ τῷ  
 ἐνδείκνυσθαι δοκεῖν διὰ τοιούτων. De minore  
 credo te non dubitare, quia scribit idem Aristot.  
 quædam esse μὴ πιθανὰ, διὰ τὸ μὴ ἐξ ομολογουμέ-  
 νων εἶναι, μὴ δ' ἐνδόξων. unde colligitur persua-  
 sibile esse confessum probabile. Declarat alibi  
 hoc probabile confessum, καὶ τοῦτο δ' ὅτι οὕτω  
 φαίνεται δῆλον εἶναι ἢ πᾶσιν, ἢ τοῖς πλείστοις. Cum  
 igitur sic uidearis argumentari, Quidquid est  
 probabile, non eget ratione: illa sententia est pro-  
 babilis, quia probatur Hippocrati, Platoni, &  
 Chrysippo: ergo non eget ratione: primum nega  
 maiorem propositionem: deinde uero etiam mino-  
 rem,

rem, & minoris approbationem. Talis enim sententia, quæ omnem excludit medicinam à recentibus morbis, tantum abest, ut Hippocrati, Platoni, Chrysippo probata sit, ut nemini umquam, quippe quæ falsissima est, probata sit. quod satis in secunda disceptatione mea confirmaui. Quare, pace tua dixerim, consecutio tuæ argumentationis nihil ualet. **SIC.** Alij iudicabunt. Sed multa probabilia collegisti, quæ ut tu putas, nisi habeant rationem adiunctam, absurda uideantur, ut Non posse mentiri quemquam, aut contradicere, neq. de rebus duabus, iisdem contrarias orationes habere, quia id probabatur Antistheni: & omnia, quæ sunt in hac rerum uniuersitate, esse unū, quia probabatur Melisso: & alia eiusmodi, quæ attulisti, quæq. egebant ratione, ut crederentur. Non est tamen mea sententia ita. Hec enim, & eiusmodi alia, quæ protulisti, theoremata erant illa quidem improbabilia, antequam suis ab auctoribus probarentur: uerum, postquam confirmata fuerunt, probabilia euaserunt. Itaq. eis uti sine ratione post licuit: quia à sapientibus iam auctoritatem acceperant. Ut paradoxæ stoicorum, antequam ab eis probarentur, fuere incredibilia: ubi probata sunt, credibilia esse cœperunt. Quare Cicero in paradoxis tractans tamquam Stoicus paradoxum illud, Peccata hominum esse paria, etiam subiecta ratione firmavit. quia peccata, inquit, non euentis, sed uitij hominum metienda sunt. In quo peccatur, id potest aliud

aliud alio maius esse, aut minus : ipsum illud peccatum, quoquo te uerteris, unum est. at in oratione pro Milone eo usus est pro argumento probabili, neq. ulla ratione munivit. Cur de Africani morte questio nulla lata? quia non alio facinore clari homines, alio obscuri necantur. Quod cum sit falsum, tamen est probabile, quia Stoicis est probatum. Scimus autem uerum, & falsum uim suā ab ipsa rerum natura sumere. probabile autem, & improbabile ab hominum, & praesertim sapientum opinione. RICC. Primum declaro illa, quae probata sunt Antistheni, Melisso, & aliis, à me commemoratis, me intellexisse probabilia non simpliciter, sed quodammodo probabilia. erant enim paradoxa, & paradoxum non est simpliciter probabile, sed quodammodo probabile. Quare Arist. declarat propositionem dialecticam in hunc modum : ἐστὶ δὲ πρότασις μὲν διαλεκτικὴ ἐρώτησις ἐνδοξός, ἢ πᾶσιν, ἢ τοῖς πλείστοις, ἢ τοῖς σοφοῖς. καὶ τεύτοις, ἢ πᾶσιν, ἢ τοῖς πλείστοις, ἢ τοῖς μέλισι γνωρίμοις, μὴ παράδοξος. Dicitur ἐνδοξός μὴ παράδοξος, ut distinguatur ab illis interrogationib. quae sunt paradoxa. sunt enim quaedam probabilia paradoxa, quae proprie dicuntur Theses, de quib. sic idem Arist. θέσις δὲ ἐστὶν ὑπόληψις παράδοξος τῶν γνωρίμων τινὸς κατὰ φιλοσοφίαν, οἷον ὅτι οὐκ ἐστὶν ἀντιλέγειν, καθάπερ ἔφη Ἀντισθένης, ἢ ὅτι πάντα κινεῖται καθ' Ἡράκλειτον, ἢ ὅτι ἐν τῷ ὄν, καθάπερ Μέλισσος φησι. Deinde obseruato te existimare τὰ ἐν-

δοξον, quod sine dubio est probabile, & τὰ παρὰ-  
 δοξον, quod tu conuertis improbable, & ego con-  
 uerterem præter probabile, inter se prorsus contra-  
 ria esse, ita ut simul stare numquā possint. Appel-  
 las enim paradoxa Antisthenis, Melissi, & alio-  
 rum, improbabilia. & paullo post scribis: Quid  
 est παρὰδοξον, nisi improbable, quia ἐνδοξον est  
 probabile. Ego tamen puto, cum ἐνδοξον, & ἀδο-  
 ξον, id est probabile, & improbable sint contra-  
 ria, ἐνδοξον tamen, & probabile posse esse παρὰδο-  
 ξον, & præter probabile, quia probetur alicui, &  
 tamen sit præter opinionem aliorum omnium, uel  
 plurimorum. SIG. Quomodo istam tuam per-  
 plexam differentiā probabis? RICC. Probabo  
 sic: & mihi explicatam reddam: Quod est præ-  
 ter uerisimile, est paradoxum. Quoddam probabi-  
 le est præter uerisimile. Ergo quoddam proba-  
 bile est paradoxum. SIG. Nego minorem. RICC.  
 Probo minorem, & tibi gratulor, ac mihi gaudeo,  
 quòd ex Rhetoricis Dialectici facti sumus.

Quoddam uerisimile est præter uerisimile. Omne  
 uerisimile est probabile. Ergo quoddam probabi-  
 le est præter uerisimile. Probatur maior ex Poe-  
 tica Arist. ubi sic legitur. Ἐστὶ δὲ τοῦτο, ὅταν ὁ σα-  
 φὲς μὲν, μετὰ πονηρίας δὲ ἐξαπατηθῇ. ὥσπερ Σί-  
 συφος. & ὁ ἀνδρεῖος μὲν, ἀδίκος δὲ ἡττηθῇ. ἔστι δὲ  
 τοῦτο εἶδος, ὥσπερ Ἀγάθων λέγει. εἶδος γὰρ γίνε-  
 ται πολλὰ & παρὰ τὸ εἶδος. & ex Rhetorica, ubi  
 sic: καὶ ἐν τοῖς ῥητορικοῖς ἔστι φαινόμενον ἐνθύμημα  
 παρὰ



παρὰ μὴ ἀπλῶς εἰκὺς, ἀλλὰ τι εἰκὺς. ἔστι δὲ τοῦτο, οὐ  
καθόλου, ὥσπερ καὶ Ἀγαθὸν λέγει. τὰ χ' ἅντις εἰκὺς  
αὐτοῦ τοῦ ἔῃναι λέγει ὅρτοισι πολλὰ τυγχάνειν  
οὐκ εἰκὺς γίγνεται γὰρ τὸ παρὰ τί εἰκὺς, ὥστ' εἰ-  
κὺς, καὶ τὸ παρὰ τὸ εἰκὺς. *Id ex doctrina Aristotelis*  
*colligitur, duplex esse uerisimile, unū, quod sit ple-*  
*rūque, ut cū astutus decipit, & fortis superat : alte-*  
*rum quod raro, & dicitur uerisimile præter uerisi-*  
*mile ex sententia Agathonis, ut cum astutus deci-*  
*pitur, & fortis superatur. Itaque uerisimile qui-*  
*dem est, debilem non uerberare, & robustum uer-*  
*berare : sed uerisimile quoque est debilem uerbe-*  
*rare, & robustum non uerberare, non simpliciter,*  
*sed quoddam uerisimile, id est, Agathonis, & præ-*  
*ter uerisimile. Probatur minor ex lib. 2. Priorum,*  
*ubi definitur uerisimile in hunc modum, τὸ εἰκὺς*  
*ἔστι πρίτασις ἐνδοξος. Quemadmodum igitur du-*  
*plex est uerisimile, unum simpliciter uerisimile, al-*  
*terum uerisimile quoddam, & præter uerisimile ;*  
*sic probabile est duplex, unum simpliciter proba-*  
*bile, alterum probabile quoddā, & probabile præ-*  
*ter probabile, id est, ut Græci loquuntur, ἐνδοξον*  
*παράδοξον. Ac probabile quidem simpliciter est*  
*μὴ παράδοξον, ut scripsit Aristot. de propositione*  
*Dialectica : probabile uero quoddam potest esse*  
*παράδοξον, ut de Thesi notauimus. Miror præte-*  
*rea te doctissimum uirum dixisse, illa Theoremata*  
*Antisthenis, Melissi, & aliorum fuisse quidem im-*  
*probabilia, antequam suis ab auctoribus proba-*  
*rentur :*

rentur : uerum, postquam confirmata fuerunt, probabilia euasisse, & tunc usurpari sine ratione potuisse. Illa enim tantummodo sunt probabilia, τῶν ἐνδείκνυσθαι δοκεῖν διὰ τοιούτων, nec umquam sua sine ratione sunt proferenda. alioquin uidebuntur absurda. Nam quod uis illud paradoxum Stoicorum, Peccata hominum esse paria, probatum fuisse à Cicerone, tamquam Stoico, in Paradoxis, & commemoratum pro Milone loco probabilis sine ulla rationis subiectione, ubi legitur: Non alio facinore claros homines, alio obscuros necari: dico, pro Milone recitari non paradoxum, sed unam de rationibus paradoxi, quæ in tractatione ipsius nulla probatione confirmatur, ubi traditur æque peccare homines, si priuatis, ac si magistratibus munus inferant: pro Milone autem uidetur aliqua ratione muniri in hunc modum; Interfit inter uitæ dignitatem summorum, atq. infimorum: mors quidem illata per scelus ipsæ pœnis teneatur, & legibus; nisi forte magis erit paricida, si quis consulem patrem, quàm si quis humilem necauerit. Adde huiusmodi dictum pro Milone, quod putas sumptum esse ex Stoicorum effato, non esse paradoxum, nec mere Stoicum, sed & probabile simpliciter, & Peripateticum. Nam Cicero uersabatur tunc in corrigente iustitia, & uindicante scelera, ac maleficia, quæ neminem habet eximium, & metitur eodem omnes modulo, seruatque analogiam, non ut distributina, Geometricam, quæ imparibus



ribus imparia tribuit, sed Arithmeticam, quæ eadem omnibus. Non est igitur dicendum, Cicronem eo in loco uti Stoicorum Paradoxo, sed potius aut Peripateticorum dogmate, aut etiam opinione communi, quod in ciuitate ius æquum omnibus esse debeat. Sed quorsum tam multa? ut intelligatur, non satis firmam esse illam rationem tuam, aliquid non egere ratione, quia probabile sit. SIG. Dixi, quod mihi uidebatur. tu puta, quod uis. Declarasti autem sententiam Aristotelis, quod, cum egit de addenda, uel non addenda sententiæ ratione, non intellexit, quod ego significo, tunc rationem non addendam, cum aliquo modo sententia probabilis est, addendam, cum probabilis non est; sed, tametsi probabiles sunt sententiæ, eas tamen ratione muniendas, si controuersæ uideantur, aut præter opinionem, si obscuræ, si contra ea, quæ in ore multitudinis sunt posita. Sed quomodo erunt probabiles, si sint, ut tu uocas, præter opinionem, quas ille uocauit paradoxas? sic enim subiecit: Sententiæ ratione egentes sunt, quæ aliquod paradoxum dicunt. RICC. Modo ostendi paradoxum non prorsus repugnare probabili, ut aliquod probabile possit esse paradoxum. SIG. Hæc sententia, Recentibus morbis medicinam non esse adhibendam, non est paradoxa, quia congruit cum sententia sapientum. quare non desiderat rationem. Et, si paradoxa esset, tamen probabilitatem ab auctoritate sapientum, quos hic nominauit, acciperet. RICC. Iam intelligo,

cur in declarandis sententijs ratione egentibus ex doctrina Aristotelis mentionem feceris tantummodo paradoxi: uolebas enim ad id uenire, ut diceres, eam sententiam non esse paradoxam, & ideo ratione non egere. At scripsit Arist. in hunc modum, Ἀπὸ δὲ εἴξως μὲν δεόμεναι εἰσιν, ὅσαι παρὰ δόξον τι λέγουσιν, ἢ ἀμφισβητούμενον. & infra, περὶ τῶν ἀμφισβητούμενων, ἢ παρὰ δόξων μὴ ἀνευ ἐπιλόγου. Ergo sententiæ indigent ratione non solum cum sunt paradoxæ, ut, Eruditioni opera danda non est, quia eruditi inuidiæ subiiciuntur, & ignaui fiunt: uerum etiam cum sunt aliquo modo controuersæ, ut Bonum est, cui contrarium est malum, quia si bellum sit malum, pax est bona. Addidit, δὲ γνώμη χρῆσθαι περὶ τῶν μὴ παρὰ δόξων, ἀδύλων δὲ προστιθέντα τὸ διὸ τὶ σπογγυλώτατα. Itaque, cum sententia non est paradoxa, sed obscura, etiam requirit rationis subiectionem, ut si sit enigmatica, qualis illa: Cauendum est, ne cicadæ humi canāt: sequeretur enim rerum omnium uastitas. Idem docuit, cum aliqua probatione proferendas esse sententias, & παρὰ τὰ δεδομυστευμένα, id est, contra ea, quæ in ore multitudinis sunt posita, ut Non oportet, ut aiunt, amare tamquam obscurum, sed tamquam semper amaturum: insidiatoris enim alterum est. Iam uero dicis eam sententiam non esse paradoxam, quam ne ego quidem paradoxam appellauim, etiam si illa tua probatio non satis sit firma, quia congruit cum sententia sapientum. non enim con-

gruit,

gruit, ut aperte monstraui. Quod autem conficis, quoniam paradoxa non est, ideo eam nullam desiderare rationem, uereor, ut tibi possim concedere. Nam, si non est paradoxa, at est controuersa, et aliquantulum obscura, & contra illud, quod ore omnium contritum, ac peruulgatum est, Principijs obsta. Itaque ex illis sententijs est, quæ, ex doctrina Aristotelis, aliqua ratione sunt fulciendæ. Sed puto eam nulla ratione munitam fuisse, quia nullam rationem haberet, tamquam omnium falsissima, ut sæpe iam dixi. Quod addis, si paradoxa esset, eam accipere probabilitatem ab auctoritate sapientum, non solum nego a sapientibus fuisse approbatam, sed etiam, si approbata fuisset, parum probabilem existimarem, nisi adiunctam haberet rationem. SIG. Nonne dixisti hanc aduersari illi alteri, Principijs obsta? RICC. Quidni dixerim? SIG. Atqui quomodo hæc inter se pugnare sententiæ possunt, cum non ex eadem artium ambæ officina prodierint? RICC. Declares, quid uelis, sine commemoratione, ut cum præfatione honoris loquar, Cunni. SIG. Facio consulto, ut fastidiosissimas aures tuas offendam, postquam hunc litterarum concursus tantopere damnas. Sed audi, quæ requiris. Aristoteles, ubi loquitur de sententijs ratione aliqua fulciendis, sententias eas intelligit, quæ γνῶμαι dicuntur, quas definit uniuersalia pronunciata de ijs reb. quæ aguntur in uita, id est, de moralibus, non de ijs, quæ tractantur in artibus.

Ricc. Fortasse, dum dicit Aristot. περί τῶν αἰ πράξεις εἰσὶ καὶ αἰρετά, ἢ φευκτὰ ἐπὶ πρὸς τὸ πράσσειν, intelligi possunt, quæcumque pertinent ad electionem, & fugam in actionibus humanis, siue sint actiones contemplandi, siue morales, & quarum etiam effectio est, dummodo eligendæ, uel fugiendæ sint. Tamen si enim ἡ θεωρία, ἡ πράξις, ἡ ποιησις inter se aliquo modo distinguuntur, ut prima pertineat ad contemplationem sapientiæ, altera ad actionem prudentiæ, tertia ad effectiorem artis operosæ: tamen ἡ πράξις quandoque accipitur in uniuersum pro qualibet actione humana, aut sapientiæ, aut prudentiæ, aut artis operosæ. Itaque in principio Ethicorum nominantur actiones pro effectiionibus, ubi legitur, ὧν δ' εἰσι τέλη τινα παρα τὰς πράξεις, ἐν τούτοις βελτίω πάσκει τῶν ἐνεργειῶν τὰ ἔργα. & in definitione felicitatis ponitur ἡ πράξις generatim, quæ pertinet tum ad contemplandum, tum ad agendum, quæadmodum in Rhetoricis εὐδαιμονία definitur εὐπραξία μετὰ ἀρετῆς. & Cicero ipse lib. 5. de finib. duplicem actionem commemorat, primum considerationem, cognitionemque rerum celestium, & earum, quas à natura occultas, & latentes indagare ratio potest: deinde Rerump. administrationem, aut administrandi, sciendique prudentem, temperantem, fortem, & iustam rationem, reliquasque uirtutes, & actiones uirtutibus congruentes, quæ uno uerbo honesta dicuntur. Iam in definitione sententiæ actiones for-

tasse

tasse generatim intelligendæ sunt, in quibus omnibus posse uersari sententia uidetur, dummodo aliquid exprimat, quod eligendum, aut fugiendum sit. Nam, tametsi de rebus uniuersalibus, quarum non est electio, uel fuga, non sunt sententiæ, ut Rectum curuo contrarium esse, tamen, si dicatur aliquid, quod pertineat ad electionem, uel fugam, nõ solum de uirtutibus moralibus, ut de fortitudine, Fortes fortuna adiunãt, sed etiam de uirtuti us intelligendi, ut de sapientia, Nequaquam oportet, quicumque natura uir prudens factus est, eum filios suos eximie sapientes instruere, Nam præter aliam ignauiam, quam habent, inuidiam ciuium aperiunt infestam; & de artibus, ut de arte Medica, Aegri quia non omnes conualescunt, non ideo nulla medicina est; & de arte militari, Mars belli communis; & de arte futorum, Ne futor ultra credam; & de alijs similiter; hæc omnia uidentur sententiæ appellari posse. SIG. Ego solis moralibus sententiæ nomen tribuo. Quamobrem neque superiora Theoremata Antisthenis, & aliorum philosophorum à te prolata eiusmodi sententiæ sunt, quia de Physicis ferme, non de Ethicis deriuata sunt: neque Aphorismi Hippocratis eodem modo, quia è media medicina petiti sunt. Quare medicinam non esse recentibus morbis adhibendam, cum ex Aphorismis ductum sit, proprie sententiæ huiusmodi nomine decorari non potest. RICC. Ne ego quidem dixi illa superiora Theo-

remata esse sententias : sed tantum id agebam , ut ostenderem , aliqua esse aliquo modo probabilia , quæ nihilominus ratione egerent , contra quam tu enunciaſti . Neque illud de medicina recentibus morbis non adhibenda , ex Aphorismis Hippocratis ductum esse tibi aſſenſus ſum , quod falſiſſimum eſſe demonſtraui . Neque fortasſe , ſi ductum eſſet , nomine ſententiæ priuarem , cum ſit ex ijs , quæ ad electionem , uel fugam uidentur pertinere . Sed , ut tibi dem , ſententiæ nomen aliò trahi non poſſe , quàm ad mores : non tamen dabo , illam ſententiam , quemadmodum in principio Conſolationis prolata eſt , non eſſe moralem . Mihi enim moralis uidetur , nec de eo dubito : quia , licet utatur per translationem è Medicina petitis uocibus , ut etiã illa Ouidij : Sero medicina paratur , &c. tamen & hæc , & illa eſt è Philoſophia morali , quæ proficitur eadem & remedium amoris , & conſolationem doloris , cum & amor , & dolor ſint perturbaciones , quas aut lenire , aut tollere pertinet ad moralem . Nam uidemus etiam Ciceronem in Tuſculanis facere medicinam & amori , & dolori : & is liber ſine dubio moralis eſt . Si ergo . Quemadmodum huiusmodi propoſitionem non eſſe ſententiam exiſtimo , ſic illam eſſe cenſeo , quæ tota moralis eſt : Principijs obſta . cuius Cicero eſſe compos nequirit , cum eam cuderit non antiquus medicus , ſed Ouidius Poeta , minor multo natu , quàm Cicero .

Ricc. Quasi uero hæc ſententia non ſit ita naturaliter



raliter in mente omnium impressa, ut inter illa, quæ Arist. appellat δειννοσιγιμένα, censerī nō possit, & nō etiā cognōsci potuerit sub alijs uerbis ante tempus Ouidij ex præceptis medicorum, ut ex Aphorismis Hippocratis, quorum undeuigesimus in libro secundo est; In principijs morborum, siquid mouendum uidetur, moue, quem in secunda quoque disceptatione mea citauī. Sed expecto, quid tibi uelis. Sic. Hoc mihi uolo, has propositiones aut nō eiusdem generis esse: aut, si sint, inter se nō nisi in speciem discrepare. Quo constituto efficitur, ut una alteram haud redigat controuersam: & propterea prior illa ne hac quidem de causa fuerit aliqua ratione corroboranda.

Ricc. Quattuor conclusione tua complexus es, quæ haud quaquam, ut uerum fatear, mihi probantur. Primum huiusmodi propositiones nō esse eiusdem generis, cum illa nō moralis, hac moralis sit, quas ego censeo eiusdem generis, & morales: deinde, si sint, inter se nō nisi in speciem discrepare, quas ego re uera discrepare existimo, cum una uetet, altera requirat in principijs morborum remedia: præterea unam nō reddere alteram controuersam, quod ego fieri puto, cum altera alteri aduersetur: postremo priorem illam nō fuisse aliqua ratione corroborandam, quam ego iudico nō minus, immo uero etiā magis muniri ratione debuisse, quàm posterior ab Ouidio munita fuerit in hūc modum: Principijs obsta, sero medicina paratur,

Cum



*Cum mala per longas conualuere moras.*

**SIG.** Sentias, quidquid uelis: quoniam suo cuique iudicio est utendum. Miratus quoque sum ualde, quod & in primo iudicio scripseris, & in secundo repetiueris, Ciceronem in quarta Tusc. nonnullam Chrysippeæ sententiæ rationem significasse, ita dicentem; Quod uetat Chrysippus, ad recētes quasi tumores animi remedium adhibere, id nos fecimus, naturæque uim attulimus. Caue tamen ita existimes: neque enim hoc, Naturæ uim attulimus, est ratio, sed declaratio eius, quod dixit: Id nos fecimus, nempe naturæ uim asserendo, ut magnitudini medicinæ doloris magnitudo concederet.

**RICC.** Scripsi, & repetiui Ciceronem non attulisse, sed significasse, & innuisse, non simpliciter rationem, sed nonnullam rationem Chrysippeæ sententiæ. Verba primi mei iudicij sunt; Cicero nonnullam rationem Chrysippeæ sententiæ significauit, dicens, se naturæ uim attulisse, atque innuens id Chrysippum uetuisse, quia natura id refugeret. Verba secundi; Notauimus melius fecisse Ciceronem in 4. Tusc. qui nonnullam Chrysippeæ sententiæ rationem significauit. Nonne satis caute locutus sum? Cur autem non potest uideri nonnulla ratio Chrysippeæ sententiæ, ut intelligatur, recētes quasi tumores animi non esse remedijs instigandos, quia natura eam instigationem refugiat, etiam si requirere aliquam delinicionem uideatur? **SIG.** Tu ipse considera: uix enim ego possum sentire, quod tu sentis.

*sentis. Quod attinet ad Hippocratem, & Platonē, quos testatus es melius se gessisse, cum rationem attulerint sententiarum suarum, quā se gesserit hic auctor, qui sententiam suam non confirmauit; si rationem Hippocratis reddidit, officio suo functus est, nempe medici, & quidem cum de medicina præciperet. RICC. Quasi uero non etiam scriptor Consolationis debeat reddere rationem earum rerum, quas scribit. SIG. Ne me interpelles.*

*RICC. Perge, ut lubet. SIG. At orator, qui propositionem illam per similitudinem adhibet, quoniam accepit ut probatam, propterea non tenetur eius subijcere rationem, ut Medicus. RICC. Nequeo satis intelligere, quid sentias. Nam, ut etiam notavi in quarta disceptatione mea, modo putas autorem Consolationis fuisse philosophum, & sapientem, modo oratorem. Nempe Philosophum in tuo commentario fragmentorum, & sapientem in prima tua oratione, ubi legitur; Vt sapiens remedium à philosophia petiuit; ac cōtractis in unum omnium, qui de luctu minuendo scripserant, commentarijs, Consolationem confecit. Oratorem uero non solum in secunda oratione tua, ubi dicis eum in Consolatione tamquam oratorem in foro causam cum insigni aliqua orationis amplitudine egisse: uerum etiam in hoc loco secunde tue accusationis. Sed, ut fuerit quoque orator, cur non debebat (malo enim sic dicere, quā tenebatur) eius sententiæ subijcere rationem, quæ esset tam controuersa?*

uersa? non enim spectare debet orator, quid sibi probetur, sed quid probari alijs possit: propterea quod τὸ πιθανὸν τινὶ πιθανὸν ἔστι, ὅλης οὐ σὺν πρὸς ἄλλους τῆς πραγματείας τῆς περὶ τῶν ῥητορικῶν. Verum est igitur, quod scripsi, melius fecisse Hippocratem. Sed, quid de Platone dicis? SIG. Si Platorationem aliquam tibi uisus est attulisse, pro arbitrio, & disputationis suæ commodo fecit.

RICC. Egregie. SIG. Neque enim ille sapientū, ut hic, nomen, auctoritatemq. prætendit. RICC. Ergo nomen sapientum non prætendit, si ut philosophus se consolatus est, & ut sapiens remedium a philosophia petiuit? SIG. Ne attendas id, quod alibi dixi, sed quod hic. Quid plura? Si ille rationem protulit, tanto illam probabiliorem effecit, ut huic post satis fuerit dicere, Vetant sapientes; quemadmodum cum in primo de Diuinatione dixit: A natura deorum, ut doctissimis, sapientissimisq. placuit, haustos animos, & delibatos habemus. RICC. Satis probaui aliàs, non esse eandem sententiam Platonis, & auctoris Consolationis, & si esset, non tamen putarem, quia ille sua ratione illam probabiliorem reddidisset, iccirco licuisse eam sine subiectione rationis proferre, quasi omnibus notum esset, quidquid ipse Plato scripsisset, uel confugiendum esset ad Platonem, si quis sententiæ rationem requireret: sed existimarem, capiendum esse exemplum ex ipso Platone, ut eius uestigijs insisteret, quicumque uti huiusmodi sententia

tentia uellet, & non nisi cum additione rationis  
 uteretur. Illa autem sententia libri primi de Diui  
 natione per se credibilior erat, quàm hæc Consola-  
 tionis. SIG. Considerasti quoque Plutarchi, &  
 Senecæ locum. Sed hi nulla parte te adiuuant;  
 nam ille, ut hic, peritissimos medicos nominauit;  
 Seneca uero, aut si quis est alius, si modo rationem  
 ullam eius significauit, iure quodammodo fecit,  
 quia sapientum testimonio abstinuit. RICC. Non  
 solum Plutarchus peritissimos medicos nomina-  
 uit: sed etiam in sua enthymematica sententia ra-  
 tionem inclusit, ut alibi monstraui. Seneca uero, cū  
 rationem sententiæ suæ significauerit, fecit id,  
 unā cum Plutarcho, quod tu factum fuisse negasti  
 in secunda oratione tua ad hunc modum; Neque  
 Plutarchus, neque Seneca in consolationibus suis  
 hanc culpam exhorruerunt, uerum ambo in exor-  
 dijs eandem sententiam nulla ratione fultam adhi-  
 buerunt. SIG. Procedamus longius, & hæc mi-  
 nora relinquamus. Quid est, quæso, quod dicas,  
 banc propositionem neque probabilem esse, neque  
 ueram, neque Hippocratis, neque Platonis, neque  
 Chrysippi satis auctoritate firmatam, si paullo an-  
 te dixisti, Non negaui hanc propositionem proba-  
 bilem esse? RICC. Meminisse debes, duas esse re-  
 fellendi rationes, quas non solum Hermogenes, sed  
 etiam Ammonius in Categorias Aristotelis com-  
 memorat, alteram per ἀντιπαράστασις, quam non-  
 nulli appellant obfistentiam, cum, quod obijcitur,  
 admit-

admittentes ostendimus id nobis non officere: alteram per *ἐκασίαν*, quam uocant instantiam, cum ad uersario nihil concedimus, sed totum subuertimus. Primum usus sum obsistentia, ut non negarem eam propositionem esse probabilem, quod tu aiebas, sed dixerim, imperfectam esse, quia suam non habebat adiunctam rationem: deinde instantia, ut probarem ipsam nec probabilem, nec ueram esse, nec illorum quidem, qui à te citati sunt, satis auctoritate firmatam. *SIC.* Quod ais, tres esse Medicinæ partes, quarum prima uictus ratione, altera manu, tertia pharmacis medetur, itaque falsum esse illud, ut generatim dicatur, recentibus morbis medicinam non esse adhibendam, si non tertiam, aut secundam, at saltem primam; hæc scilicet medicus curat: orator uero de exacta ueritate huius propositionis non laborat, neque, quemadmodum intelligenda sit, querit; satisque habet scire, ita sapientibus placuisse. Itaque non erat, quod tu propterea consuleres medicos: neque enim hoc dixit, Quamquam recentibus morbis medicina non est adhibenda, sed, Quamquam uetant sapientes recentibus morbis medicinam adhibere. Quomodo uero intelligenda sit, si quis scire auebit, medicos ipsos, ut te quoque uideo fecisse, adibit. *RICC.* Rursus auctorem Consolationis nominas oratorem, quem alibi philosophum nominasti; qui si non querat, quomodo id, quod dicit, intelligendum sit, non ne stultus existimabitur? *SIC.* At, ut dixi, satis habet scire, ita sapien-

*sapientibus placuisse. Ricc. Quibus sapientibus. cum id non nisi insipientibus placere potuerit? Tu uero, qui profiteris te nouisse singularē, ut dicis, ingenij mei ubertatem, ac eximiam scientiæ copiam, nā male existimas de ingenio, ac sciētia mea, cum de re tam nota me putes medicos adiuuisse, idq. non semel mihi exprobres. Quis enim est, qui, cum aliquantisper litteras degustauerit, ignoret id, quod uel Ambrosius Calepinus litteris consignauit, tres esse Medicinæ partes? quis non intelligit semper earum aliquam in principijs morborum conuenire? Cur tibi licuit citare Hippocratem, & non mihi? Cur egomet intelligere non potui & Hippocratem, & Platonem, & alios scriptores abs te citatos non prohibuisse simpliciter medicinam, in principijs morborum, sed tantum pharmaceuticā? quid negotij erat intelligere illam sententiā Consolationis absurdam esse? Hæccine erat tanta difficultas, ut consulendi esse medici uideretur? Sed, quod me fecisse quodammodo uitio uertis, si te facere dignum indicasses, fortasse te tam facile persuasurum esse non putasses, illam inanem sententiam ipsius Hippocratis, Platonis, & aliorum auctoritate firmari. Fortasse igitur tu magis, quàm ego, auxilio medicorum indigebas. Quod si, ut obijcis, medicos consuluissem, & adiuuissem, non ne fecissem id, quod ars docet nostra, ut à peritis discerem, quod esse proprium artis nostræ minime uideretur? Renoca quæso in memoriam, quæ Cicero*  
*sub*



sub persona Crassi dixit lib. 1. de Orat. si, quæ cate-  
 ris in artib. aut studijs sita sunt, orator ignoret, tan-  
 tumq. ea teneat, quæ sint in disceptationib. aut in  
 usu forensi, tamen his de reb. ipsis, si sit dicendum,  
 eum cognoscere debere ab ijs, qui tenent, quæ sint  
 in quaque re; si de re militari dicendum fuisset  
 Sulpicio, eum quærere debuisse a C. Mario affine  
 suo; sin de iure ciuili, communicaturum fuisse cum  
 Q. Scauola; sin de philosophia, cum Sex. Pom-  
 peio; atque si constat inter doctos, hominem igna-  
 rum Astrologiæ Aratum de cælo, stellisq. dixisse, si  
 de rebus rusticis hominem ab agro remotissimum  
 Nicandrum Colophonium poetica quadam facul-  
 tate, non rustica scripsisse; nihil esse impeditenti,  
 cur non orator quoque de rebus ijs dicat, quas ad  
 certam causam, tempusq. cognoscit. Mittamus ta-  
 men hoc, quod utcumque fuerit, parum interest: &  
 inter nos fixum maneat illud, sententiam positam  
 in principio Consolationis non solum imperfectā  
 esse, quod, quamuis probabilis esset, tamen suam  
 non haberet adiunctam rationem, uerum etiam  
 eiusmodi, ut nec probabilis, nec uera censenda esse  
 uideatur. SIG. Iam dixi, oratorem id minime cu-  
 rare oportere. Verum ueniamus ad senectutem.  
 RICC. Tu citius, quàm ego: quoniam citius or-  
 tus es. SIG. Quasi uero nescias minores natu pos-  
 se etiam citius, & maiores natu tardius senescere,  
 prout illis κακογνῖα, his εὐγνῖα contigerit. Vt e-  
 nim κακογνῖα γηράσκει ταχὺ, καὶ λυπηρῶς: sic εὐ-  
 γνῖα



ἡ γῆρα habet βραδυτὴν γήρας, καὶ ἀλυπίαν. Sed per  
iocum me à proposito abducis. Veniamus igitur ad  
materiam senectutis, et breuius, si placet, agamus.

Ricc. Si tibi, etiam mihi.

## PRO SECVNDA CONIECTVRA,

quòd in Catone, ubi laudata est  
senectus, nulla adhibita sit  
excusatio senectutis in  
Consolatione ui-  
tuperatæ.

### S I G O N I V S.

**A**RGVMENTATVS es, si Cicero hunc  
librum de Consolatione scripsisset, et  
senectutem tantopere vituperasset, eū  
ea de re post in Catone se excusatu-  
rum fuisse, ubi ipsam senectutem à quattuor illis  
accusationibus defendit, quòd auocet a rebus ge-  
rendis, quòd corpus faciat infirmum, quòd priuet  
omnibus uoluptatibus, quòd haud procul absit à  
morte: Et, quamuis in Dialogo Ciceronis, qui se-  
nectutem ab illis quattuor uitjs uindicauit, non  
Cicero fuerit, sed Cato imitatione expressus, cen-  
tum ante annos natus, quàm Cicero; tamen potuiss  
se eum in procemio se excusare, quemadmodum  
in procemio libri primi de Orat. se excusauit, de  
Commentariolis suis inchoatis, atque rudibus, qui  
D sibi

sibi puero, aut adolescenti exciderant. Illud tamen etiam, atque etiam attende, ne istud quidem, quod ais, ipsum efficere in proœmio potuisse. RICC. Dixi Ciceronem potuisse se excusare non solum in proœmio, sed etiam in ipso Dialogo sub persona Catonis, non nominatim, sed in uniuersum, ut diceret, in Consolationibus ubi agitur de cōdicionibus ætatum, solere senectutem uituperari, sed id fieri, ut causæ seruiatur, uere autem omni laude esse dignam; ut scilicet prudens Lector, qui & Consolationem, & illum Dialogum esse Ciceronis non ignoraret, quò illa uerba tenderent, posset animo comprehendere. Sed, quod ais ipsum efficere, quod dixi, in proœmio non potuisse, miror te sic loqui. Nam, si licet in proœmijs περὶ τῶν ἔξω τοῦ πράγματος scribere, cur non licuerit τὰ περὶ τὰ πράγματος attingere, atque aliquem locum repurgare, qui dignus esse purgatione existimetur? Tametsi enim scripsit Cicero, separatum proœmium uitiosum esse, & connexum ita principium consequenti orationi esse oportere, ut non tamquam citharædi proœmium affictum aliquod, sed cohærens cum omni corpore membrum esse uideatur: tamen, cum id intelligendum sit potissimum de causis deliberatiuis, & iudicialibus, τῷ προαύλει, quod sit ἐν αὐλείῃ, & est separatum à legitimo cantu, non solum simile esse potest τὸ τῶν ἐπιδεικτικῶν προοίμιον, παράδειγμα δὲ τὸ τῆς ἐλένης προοίμιον: verum etiam proœmia historiarum, ut Sallustij in coniu-

coniuratione Catilinæ, & in bello Iugurthino, ac  
 quæstionum infinitarum, ut Ciceronis in prima Tu  
 sculana, & in alijs. Quoniam igitur præmia in  
 huiusmodi quæstionibus possunt esse separata, ic  
 circo uolumen habebat Cicero præmiorum, ex  
 quo sæpe eligebat, cum aliquod σύγγραμμα insti  
 tuerat. unde factum est, ut in libro de gloria po  
 suerit idem præmium, quod in Academico ter  
 tio, quòd non meminisset, se illo abusum esse, ideo  
 que cum agnouisset erratum suum, statim nouum  
 præmium exarauerit, & Attico miserit, ut uetus  
 defecaret, nouum agglutinaret, quemadmodum  
 scriptum est ad ipsum Att. Quod si admittuntur  
 quandoque præmia separata, cur fieri præmium  
 non potest, in quo res aliqua excusetur? S I G. Di  
 cam, si attenderis. Si dedita opera primum uitupe  
 ratio senectutis, deinde laudatio conscripta esset,  
 tunc in præmio fieri purgatio debuisset, quia li  
 ber libro, argumentum argumento obiectum es  
 set, quemadmodum factum est, cum Gabinius a  
 liàs à Cicerone oppugnatus ab eodem defensus  
 est. Sed, quoniam in Consolatione inter ærumnas  
 humanas obiter etiam senectutis incommoda re  
 lata sunt, in Catone uero de industria senectus per  
 Catonem à quattuor illis uulgatis criminibus libe  
 rata est, ideo non debuit fieri in præmio purgatio.  
 R I C C. Vide, quam legem præmijs imponas, quæ,  
 ut ostendi, in talibus quæstionibus prorsus libera  
 esse possunt; & tamen per te, & nouam istam do-

Erinam tuam uitiosa sint, si ullam contineant ex-  
 cusationem, nisi liber libro, argumentum argumen-  
 to obijciatur. Quod quale sit, diligentius considera-  
 bis. Nam, licet liber libro, argumentum argumen-  
 to non prorsus opponatur, tamen aliquid, quod fit  
 in uno, & est diuersum ab eo, quod fit in altero, po-  
 test legitimè excusari; ut in oratore ad Brutum  
 sic; Ego idem, qui in illo sermone nostro, qui est  
 expositus in Bruto, multum tribuerim Latinis,  
 uel ut hortarer alios, uel quòd amarem meos, re-  
 cordor longe omnibus unum anteferre Demosthe-  
 nem. & in libro de Fato sic; Quod in alijs libris  
 feci, qui sunt de natura Deorum, itemque in ijs,  
 quos de diuinatione edidi, ut in utramque partem  
 perpetua explicaretur oratio, quòd facilius id a quo  
 que probaretur, quod cuique maxime probabile  
 uideretur; in hac disputatione de Fato casus qui-  
 dam, ne facerem, impediuit. SIG. Quid? quòd  
 illa excusatio non fuit necessaria, quia accusatio,  
 quæ adhibetur in Consolatione, non repugnauit  
 defensionì, quæ post suscepta est in Catone?  
 RICC. Ain tandem, non repugnauit? profecto, si  
 repugnare, est aduersari, obistere, contra pugna-  
 re, nescio quibus technis persuadere te posse exi-  
 stimes, alteram disputationem, in qua senectus ui-  
 tuperatur, accusatur, & misera, atque infortunata  
 ostenditur, non repugnare alteri, in qua senes lau-  
 dantur, defenduntur, & non miseri, nec infortu-  
 nati ostenduntur, de quo quia in disceptationibus  
 meis

meis plura dixi, quàm quæ hic repeti debeant, nihil mihi aliud addendum arbitror, nisi me id, ut alia, litterarum studiosis iudicandum relinquere.

**SIG.** Quæsiuisti, quo ego tandem modo probaturus sim, Ciceronem in Consolatione sua tanta senectutis incommoda persecutum esse, cū id haud aliunde appareat, & Plinius cum ceteras etates ærumnosas afferret, unam tamen hanc senilē omiserit. Ergo, nisi probauero singula, quæ sunt in hoc libro, fuisse in Consolatione Ciceronis, causâ cecidero? si probaro, tum demum ineptæ reus imitationis ero? **RICC.** Cur tibi potius uis credi, senectutem in Consolatione uituperatam esse affirmanti sine ulla probatione, quàm mihi neganti? Id quod licet probares, ob alia tamen multa non tu ineptæ reus imitationis per me esses, cuius nunquam me esse accusatorem professus sum: sed ab illis, qui tam multas & rerum, & uerborum sordes Ciceroni tribuunt, per me Cicero ex instituto meo defenderetur. **SIG.** Nonne satis id tibi argumenti uidetur, quòd Plato in Axiocho, cum item de contemnenda morte differeret, etatum, ut hic, singularum miseras persequens, summas ipsius quæque ingrauescentis ærumnas exposuit. quas Plinius non attigit, ne in re clarissima laboraret. **RICC.** Modo nominaſti Platonem in Axiocho, modo Aeschinem. Sed id nihil ad rem. Dico autem non ualere argumentum, quia in Axiocho senectutis ærumnæ expositæ sunt, etiam id factum

esse in Cons. Ciceronis, cum aliqua senectus bona esse possit, qualis illa, quam Arist. inter partes felicitatis εὐνησιν appellat, & non omnis senectus sit mala, quod tamen in ista Consolatione consolationis indigente, tanquam certissimum ponitur. Quæ uera causa fuit, quamobrem Plinius, ubi miseras hominum recensuit, nullam senectutis habuerit mentionem, & non ea, quam tu affers, quia in re clarissima sibi non esse laborandum existimauerit. Cum enim alias quoque res clarissimas narrauerit, ne hunc quoque prætermisisset, quia clarissima esset: sed prætermisit, quia senectutem per se non esse miseram iudicauit. SIG. Sentias tu, quidquid uelis: ego quoque idem faciam.

PRO TERTIA CONIECTURA,  
quòd multa sint non solum aliunde sumpta, & paullisper immutata, sed etiam plerumque deprauata.

**S**ED expone deinceps, quæ tu tertio loco posuisti. RICC. Is est, quòd multa, ut historiae, fabulae, uersus, sententiae, sint aliunde sumpta, & paullisper immutata cum magna plerumque deprauatione. SIG. Tu Ciceronem multa repetisse scripsisti: ego pluribus allatis exemplis monstrari, id rectissime factum esse. RICC. At  
qui



qui non fuit illis tam multis opus: neque enim ego hoc negavi. SIG. Addidisti multa fuisse leuiter immutata: at docui quoque, eundem alijs quoque in libris commutata multa repetijſſe, & cū idem argumentum fuerit Consolationis, & Tusculanæ, recte eadem utrobique, uel paullulum uariata tractaſſe. RICC. Vide, utrum hoc ſit contra me, qui magis locorum ſpectaui deprauationem, an potius contra te, cum repugnet illi admirabili ingenij amplitudini, ac ſingulari uerborum copię, quam uel ipſo Cicerone ab inferis excitato expreſſiſti, ut, quod factitare Dēmoſthenem obſeruaffet, qui, ut tu locutus es, eademmet uerba, quoties apte caderent, adhiberet, id fere nunquam ipſe faceret; quod & res miram ingenij tenuitatem, & nimiam uerborum inopiam indicaret. quam repugnantiam aliàs notaui. SIG. Habeo, quid reſpondeam, ſi uelim, ſed contendiſti in Conf. multa eſſe deprauata. RICC. Hoc ſcilicet robur eſt argumentationis meæ. SIG. Velim, ut ea perpendamus. Huic autem quæſtioni ſatisfacere cumulate non poſſum, niſi hoc mihi maxime neceſſarium præſidium comparerem, ut Ciceronem iſdem, quæ tu inferis, criminibus ſe obſtrinxijſe in alijs quoque ſuis monumentis oſtendam, atque id ualere præcipue ad partem hunc legitimum oſtendendum exiſtimem. Etenim ſiquis aliquem alicuius filium eſſe iccirco abnueret, quod pater integer eſſet, filius autem fortasſe aut pedum, aut oculorum uitio laboraret; ego, ſi



ad me eiusmodi causa delata esset, cum alia, tum hoc in primis asserrem, eundem patrem alios quoque eiusmodi aut claudos, aut lusciosos liberos suscepisse, meque putarem praeclare operam meam nauasse. **R I C C.** Dii immortales, quam seuum est telum hoc, quod tibi paras, ut non possis scriptorem cum, quem tu ipse incognitum appellas, id est, simulatum Ciceronem sanare, nisi uerum ferias Ciceronem. Quod faciunt quoque tecum quidam amici tui, uiri clarissimi, ut adulterinum Tullium plus nimio, atque indigne defendentes, germanum accusent. Ego igitur, qui in hominem incognitum inuehor, & cognitum defendo, accusator nominabor: uos uero, qui cognitum accusatis, & incognito (si non uobis, at certe alijs) tantopere fauetis, eritis defensores? Sed ueniamus ad deprauata. **S I G.** Expone ista. **R I C C.** Ordinar ab historijs. In Tusculano scriptum est, Decium patrem pugnassee cum Latinis, filium cum Etruscis, nepotem cum Pyrrho: in Consolatione Decios pugnassee cum Latinis, cum pater tantummodo decertarit. **S I G.** Sic alibi quoque locutus est, ut docui, Cicero, ut cum de Deciorum patris, & filij deuotione differeret, Latinos tantummodo nominarit. **R I C C.** At operae pretium est uidere, quomodo docueris: atque interim cauebimus, ne tuo telo Ciceronem offendas. **S I G.** In libro secundo de Finibus scripsit sic; P. Decius, cum se deuoueret, & equo admissio, in media aciem Latinorum irrueret, aliquid de uoluptatibus suis

suis cogitabat? & paullo post; Quod quidē eius factum nisi esset inre laudatum: non esset imitatus quarto consulatu suo filius; neque porro ex eo natus, cum Pyrrho bellum gerens, cecidisset in prælio, seq. è continenti genere tertiam uictimam Reip. præbuisset. R I C C. Non est locus similis. Nam Cicero de Finib. tres Decios tripliciter indicauit; patrem, Cum se deuoueret, & equo admissus in mediam aciem Latinorum irrueret: filium, Quarto consulatu suo: nepotem, Cum Pyrrho bellum gerens. Simulator uero simpliciter dixit, Decios cum Latinis pro patria dimicantes sese hostium telis obiecisse. Itaque Cicero non errauit: simulator uero errauit. Vides ne telum tuum contra Ciceronem nihil adhuc ualere? S I G. In Tusc. ubi tres deuotiones, patris, filij, nepotis expressit, tria etiam nomina hostium protulit, Latinorum, Etruscorum, Pyrrhi: cum tamen commodius pro Etruscis Gallos reponere potuisset, quod Decius filius cum solis Gallis, Liuiio teste, conflixerit. R I C C. Tametsi Decius filius in Etruria, nō cum Etruscis, sed cum Gallis pugnavit: tamen, quia in Etruria illud bellum Samnites, Galli, Etrusci, & Umbri contra Romanos communibus armis gerebant, non est mirum, si Cicero pro Gallis nominauit Etruscos, apud quos illud ipsum bellum gerebatur. S I G. Scite, ergo, quoniam Caesar pugnavit cum Pompeio in Macedonia, pugnavit cū Macedonib. R I C C. Non est simile. Nam Galli, & Etrusci

*Etrusci arma inter se coniunxerunt, & bellandæ societate coniuncti erant, ut quodammodo, quod contra illos gerebatur, etiam contra hos geri uideretur. Nam sic Pompeius, & Macedones. Quæramus igitur, quomodo Ciceronem excusemus, nõ quomodo reprehendamus. Addidisti in orationibus tuis, fortasse esse mendum librarij, ut legi debeat Decius, non Decij. Ego respondi, sequentia uerba non congruere, si legatur in hunc modum; Decius cum Latinis pro patria dimicantes sese hostium telis obijciebant. Si G. Si hoc non placet, exerceo rursus telum meum, ac dico, non procedere: Hic liber mendosam aliquam habet historiam: ergo non est Ciceronis: quia nullus est ferme liber Ciceronis, in quo non eiusmodi aliquid hæreat labis, exempli gratia, ut in secunda mea oratione dixi, duo duces cum Antiocho Rege Syriæ depugnant, Acilius Glabrio, qui Catone uiro consulari legato ascito ipsum è Græcia depulit, & L. Scipio, qui fratre Africano in Asia debellauit, teste Linio, & ceteris sine ulla controuersia omnib. Cicerone uero in libro de senectute Catonem Tribunum militarem cum Glabrione fuisse, pro Murena in Asia cum L. Scipione uersatum esse prodidit, nimium eo deceptus, quod Scipio Glabrionem exceperit R. I. C. Quid est accusare, si hoc nõ est? At, quemadmodum non uidetur ualere hoc argumentum; Hic liber mendosam ex aliqua parte habet historiam, ergo non est Ciceronis: ita hoc ualere potest;*

test; *Hic liber non unam aliquam, sed multas habet mendosas historias, & non solum historias mendosas, sed multa alia & in reb. & in uerbis uitiorum genera, ergo Ciceronis existimari non debet.* SIG. Dum auctor Consolationis Scipionem dixit occubuisse in Hispania, cum Scipiones dicere debuisset, quis non uidet id aut librarij uitio, aut pro Ciceronis arbitrio factum? neque enim, quia Scipionem dixit, alterum exclusit. RICC. Prætextus librarij multos adiuuat. Quodnam autem arbitrium fuit Ciceronis, ut, cum diligens fuerit lib. 3. Officiorum, & in Catone, in Scipionib. commemorandis, quos fortes uiros appellauit, & dixit iter Pænis, uel corporibus suis obstruere uoluisse: in Cons. autem sua ea usus sit negligentia, ut unum Scipionem nominauerit? SIG. Si Gracchum præterijt, qui in Tusc. nominatus est, fortem uirum in uno præterire, in altero nominare, non est mendosam historiam adhibere. RICC. Non dixi esse mendosam historiam adhibere: sed negligentiam. Verba mea sunt: Gracchum præterijt non sine negligentia. SIG. Si hæc tu hunc scribentem audire non potes, quo tandem modo Liuium a quo legere animo potes? qui libro 34. L. Valerium Tribunum pl. sic contra Catonem loquentem induxit, ut se Origines eius aduersus eum reuoluturum esse denuntiaret; quas constat Catonem non solum ante consulatum non confecisse, sed uix post annos 40. id est, extrema iam ætate instituisse. quod & Probus

bus in uita prodidit, & ipse apud Ciceronem de se paucis ante mortem diebus testatus est, inquiēs: Septimus mihi Originum liber est in manibus.

Quod uitium si imitator hic concepisset, quas tu bone Deus strages huius libelli etiam me probante fecisses? RICC. Longe fuge: telo suo hic petit omnes. Ergo non satis erat Ciceronem accusare, si non etiam Linium accusares? Verum de eo post uiderimus. Colligo tamen ex ista tua accusatione, quod Ciceronem auctorem Consolationis non nominas, sed imitatore quendam. SIC. Iam ueniamus ad fabulas. RICC. Veniamus. Et, quoniam nihil fere noui attulisti: sed tantum exprefisti, te non deteriora putare, quæ ego praua, & deprauata esse ostendi: sat habebo dicere, me longe à te discrepare, quod melius in Tusc. quàm in Conf. dictum esse arbitrer. In Tusc. sic; Fertur etiam de Sileno fabella quædam, qui, cum à Mida captus esset, hoc ei muneris pro sua missione dedisse scribitur, docuisse Regem, non nasci hominem longe optimum esse, proximum autem quàm primum mori. In Conf. Sileni quæ fertur fabula idem certe confirmat, qui captus à Mida missionem doctrina redemit. docuit autem Regem, nunquam nasci optimum esse, sed celeritate mortis proximi accedere. Nolo hic repetere probationem meam, quæ omnib. est in promptu, ex qua illud melius, hoc deterius esse, satis apparere potest. Tantum dico, cum conatus sis ostendere doctrinam quandoque accipi pro ipso

ipso docendi actu, sumptis auctoritatibus à Mario Nizolio, quas ego quoque uideram, me illud potissimum spectasse inter cetera, quòd pro uerbo Docuisse posita sint duæ uoces, Doctrina, & Docuit. quod meliusne, an peius sit, alij iudicabunt.

SIG. Alias persequere fabulas. RICC. In Tusc. Simile est quiddam in Consolatione Crantoris. ait enim Terinæum quendam Elisium, cum grauitè filij mortem mæreret, uenisse in Psychomantium querentem, quæ fuisset tantæ calamitatis causa: huic in tabellis tres huiusmodi uersiculos datos;

Ignaris homines in uita mentib. errant.

Euthymus potitur fatorum munere læto.

Sic fuit utilius finiri ipsiq. tibiq.

In Cons. sed Crantor noster patri filij mortem ægerrime ferenti responsum ait datum in Psychomantio filio suo bene, beateq. esse, utiliussq. futurũ fuisse, si etiam pater pari ratione fati concessisset. Hoc quidem dixi breuius esse, sed non elegantius, ubi etiam de Latinitate, nedum elegantia dubitatur: illud uero illustrius, dilucidius, suauius.

SIG. Ego, & si de re leui hæc est dissensio, tamen quæro, quod tu nomines elegans? sanè, ut exposuisti, illustre, dilucidum, suauè. & quidem elegantia Rhetores nominant, cum Latine, & plane dicimus. Latine, id est, emendare: plane, id est, dilucide, atque aperte, quod uerbis præcipue consequimur usitatis, & proprijs. RICC. Non ignoro hoc esse præceptum auctoris ad Herennium lib. 4. ubi

sic



sic legitur: *Elegantia est, quæ facit, ut unumquod que pure, & aperte dici uideatur. Hæc distribuitur in Latinitatem, & Explanationem. Latinitas est, quæ sermonem purum conseruat ab omni uitio remotum. Explanatio est, quæ reddit apertam, & dilucidam orationem. Ea comparatur duab. reb. usitatis uerbis, & proprijs. Hæc ille. qui fortasse tecum significantius nominaisset puritatem, quàm Latinitatem, ut præceptum commune esset omnibus linguis, & non uni Latinæ, ac necesse non esset noua uocabula subintelligere, Hebraicitatē, Græcitatē, & alia similiter. Demetrius uero Phalereus latius declarat γλαφυρὸν λόγον, id est, elegantem, ornatam, ac omni uetustate refertam orationē, ac complectitur non solum usitata, & propria, sed etiam nitida, & omnibus modis uenusta. SIG. Cur elegantior uox est fabella, quàm fabula?*

RICC. Quia nitidior, SIG. At non quæ nitidiora, sed quæ usitatoria, & elegantie pleniora, RICC. Spectaui Phalereum, non istum tuum autorem ad Herennium. Sed, quando me ad eius doctrinam uocas, ne ab eo quidem discedam. Nonne primum genus elegantie requirit Latinitatem? SIG. Sane. RICC. At minus Latine locutus est: dixit enim Filio suo, pro eius. SIG. Quæstio est hæc satis inter Grammaticos agitata. uerum ego unum tantum aduersus te reuoluam exemplum Ciceronis ad Att. Cōsules flagrant infamia, quodd C. Memmius candidatus pactionem in senatu recitauit,



citauit, quam ipse suus competitor Domitius cum  
 consulib. fecisset. Etenim, si tu ipse exponis, Suus,  
 id est, proprius sui ipsius C. Memmij competitor,  
 cur non item hic potes interpretari, Filio suo, be-  
 ne, beateq. esse, Suo, id est, proprio sui ipsius patris?  
 RICC. Quia, cum pronomen Suus sua suum, cum  
 supposito debeat conuenire, suppositum illius loci  
 ad Att. est C. Memmius, & ideo interpretandū  
 est, suus competitor, id est, proprius sui ipsius C.  
 Memmij competitor: in loco autem Consolationis  
 suppositum est Crantor noster, ut, si legatur Filio  
 suo, interpretandum sit proprio sui ipsius Cranto-  
 ris. Alterum genus elegantie uerba postulat usita-  
 ta, & propria. At illud, Fatis concessisset, minus  
 usitatum est, maxime apud Ciceronem, qui nun-  
 quam eo dicendi genere usus est. Itaque uides, quo  
 modo ego hoc, quā illud, minus elegans esse intel-  
 lexerim, SIG. Transeamus ad uersus, RICC. In  
 Tusc. Nec tam flebiliter illa canerentur;

*Hæc omnia uidi inflammari;*

*Priamo ui uitam cuitari:*

*Iouis aram sanguine turpari.*

*In Conf. Hinc illa miserabiliter decantata;*

*Hæc omnia uidi inflammari:*

*Priamo ui uitam auferri:*

*Iouis aram sanguine turpari.*

*Mutata est uox Euitari in uocem Auferri: & lo-  
 cus est deprauatus. SIG. In quo tandem hæret hoc  
 uitium, in significatione, an in usu? sanè dices in  
 neutro.*

neutro. RICC. Immo in significatione, quia significantius est, Vitam euitari, id est, non uitā reddi, quā uitam auferri; & adhibere minus significans pro significantiori, nihil aliud esse, nisi deprauare intelligo, Præterquā quod, ut aliās dixi, tollitur pulchritudo similiter desinentium, si dicatur auferri; & uerbum Euitari grauius est, quod quandam redolet antiquitatem. SIG. Afferendus est antiquorum usus, ut odorem hunc hauriam.

RICC. Haurire potes ex eo, quod est uox ex Hecuba antiqui Ennii, propter antiquitatem quidem nostris temporibus inusitata, sed tamen testimonio Ciceronis tribus in locis confirmata, non solum in prima Tusc. sed etiam in 3. & in lib. 3. de Orat. ut dubitare non debeamus, quin Ennius ea usus sit, & quin auctor Consolationis eam fortasse non intelligens mutare ausus sit. SIG. Age nunc exponere sententias, quas corruptas putas.

RICC. Tam multæ sunt, ut, si omnes persequi uelim, non facile orationis exitum inueniam. SIG. Ego edā unam emendatius ex Apologia Socratis expressam in Cons. quā in Tusc. cuius caussa tu prorsus hanc Consolationem explodis. Sic scriptum est in Cons.

Quod si morte sensus extinguatur, &c. sin migrationem esse uolumus in eas oras, &c. In Tusc. uero: Quod siue morte sensus extinguatur, &c. Sin uera sunt, quæ dicuntur. Quis enim Latine dixit unquam, Siue, Sin? Quis contra non dixit, ut hic, Si, Sin? Quod cum ita sit, quid est, quod huic

Com-

*Commentario tam acriter oblatres? RICC. Omnia tolerabiliora sunt, quàm hoc, quòd Sigonius, quamuis Sigonius, uel ipsum Ciceronem reprebendere de parum emendata audeat elocutione. Sed, παρρησιάζομαι γὰρ πρὸς σε, quāuis Sigonius multum ualeat in lingua Latina, quid tamen est Sigonius ad Ciceronem? Ergo prauum imitatore Ciceroni in linguæ candore præferre audes, cui ne dignus quidem foret, qui matellam porrigeret?*

*SIG. Eiusmodi ingenij illud quoque in primo iudicio, hunc ad cunnum natum hominem esse.*

*RICC. Si tam sæpe rem turpissimam elocutione sua repræsentat, quid aliud dicendum est? quem tu non solum excusas, sed etiam frequenter imitaris, ut cum dixisti in prima oratione: Cum negocijs ipsis: in secunda; Cum nostris necessarijs; in isto Dialogo tuo; Cum non ex eadem artium ambæ officina prodierint: & alibi sæpe similiter. Cū autem possint ea sufficere, quæ ad Ciceronē a tuo seuissimo telo in secunda mea disceptatione attuli defendendum, cur dicor oblatrare, qui furem nondum uidens non oblatro, sed te Ciceroni oblatrantem, quantum possum, reprimo. SIG. Quid? an tu Liuianam uerbi huius tralationem nobile non agnoscis, qua Catonem dixit Africani magnitudinem allatrassē? an te maiore Scipione maiorem fingis? nam, si despecto Liuiio similitudinem quæris, quid potest esse similis? ut enim canes allatrāt ignotos, sic tu scriptorem incognitum arguis.*

ut illi reclamant furibus, sic tu imitatori, id est, furi alienæ industriæ maledicis. In autem hoc responso facetus esse uoluisti, nam tu incassum fecisti, quia risum ex alieno, & quidem notissimo ioco quaesisti. **Ricc.** Scio scriptum esse apud **Liuium** lib. 48. ad hunc modum; Morte **Africani** creuere inimicorum animi, quorum princeps fuit **M. Porcius Cato**, qui uiuo quoque eo allatrare eius magnitudinem solitus erat. Ibi commemoratur **Cato** tamquam inimicus **Africani**, & obtrektor, idcircoque ei tribuitur illa, quæ nobilem appellas, allatrædi translatio. Sed, quoniam tam nobilis est, non uerebor eam tibi quoque tribuere, qui allatras **Ciceronis** magnitudinem, mihiq. tributam aspernabor, qui in maledicendo prædicationem, nobilitatemq. despicio. Nec me maiore **Scipione** maiorem fingo, etiam si tu mihi quoque in hac re tamquam **Scipioni** maiori **Cato** maior oblatres, pro quo temere te **Scipionem** maiorem uideo nominasse, non enim **Scipio**, sed **Cato** allatrabat. Nec **Liuium** despicio, ut tu, qui præter causam modo eum reprehendisti. Quod, si, ut canes allatrant ignotos, sic ego tibi uideor scriptorem incognitum allatrare, (quem modo **Ciceronem** esse contendis; modo scriptorem incognitum confiteris, ut, quid sentias, tu te nescire profitearis) uide, ne tu appellari non solum canis, sed etiam rabidus canis congruentius possis, qui nullam distinctionem adhibes personarum, & notos quoque allatras, & mordes. Quæ in re ea alte-

*ra est similitudo, quod, quemadmodum, auctore Lu-*  
*ciano, quos rabidus canis momorderit, non solum*  
*ipsi rabie agitantur, sed uim etiam retinent eundem*  
*imprimendi morsum, unde fit quedam rabidorum*  
*catena: sic, quos tu superiore proxima aestate,*  
*quo tempore canum rabies pestifera in primis ho-*  
*mini est, opinionis tue prauitate quasi rabie infe-*  
*cisti, illud tuum in vulgus iactans, AVT CICE-*  
*RONIS, AVT CICERONE MAIORIS, alios*  
*ita infecerunt, ut, qui talem rabiem curet, diuinum*  
*quid habere iudicandum sit. In te igitur fortasse*  
*Græcorum quadrat prouerbium, δῆγμα κυῶς*  
*αὐττῶντος. Quod addis, ut canes reclamant furi-*  
*bus, sic me imitatori alienæ industriæ reclamare,*  
*id apertius facerem, si furem uiderem, & homi-*  
*nem agnoscerem. obiurgarem enim, quod se uel-*  
*let pro Cicerone uenditare, & ab incepto deter-*  
*rerem. Cumque abs te reprehendar, quod alieno, et*  
*quidem notissimo ioco usus sim, immerito me re-*  
*prehendi arbitror, quia in præceptis esse non uideo,*  
*Vt ab alienis, & notissimis iocis caueamus; quem*  
*admodum ne tu quoque indignum iudicasti, alie-*  
*no, & trito prokerbio uti, Sus Mineruam, & alijs*  
*similiter. Satis igitur patienter illam tuam obla-*  
*trandi tuleram mentionem. Sed, quoniam me rur-*  
*sus instigasti, patere tu quoque me sic, quamuis in-*  
*uitum, respondisse, & recordare esse in præceptis*  
*nostris, διαβάλλειν τὸν διαβάλλοντα. Quid au-*  
*tem ais de locis Mureti imitatione expressis?*

**SIG.** *Haud quaquam faciam, quod ante feci, ut Ciceronem à mortuis excitem, qui te acrius hæc dicentem obiurget, ac Muretum à se sumpsisse ostendat, nam uideo te grauiter illud tulisse. Verum ut Cleanthes quondam à magistro suo defecisse cō discipulum audiens, terra pede percussa dicam;*

*Audis'ne hæc Amphiaræ, sub terram abdite?*

**RICC.** *De tribus locis putas Muretum sumpsisse duos ex ista Consolatione, quam tamen ipse affirmavit, ut dixi in prima mea disceptatione, exercitationem esse iuuenilem, & paruifaciendā. Eundem arbitraris in tertio loco imitatum esse Ciceronem de finib. quod ne ego quidem negaui; ita tamen, ut auctorem Consolationis non Ciceronem de finib. sed Muretum imitatione expressisse, mea disputatione confecerim, de quo tertio loco est tam uerum, quàm quod uerissimum, te parum amice miras mihi tragædias excitasse, ut etiam Ciceronem ab inferis excitatum contra me loquentem induxeris. quod tuum institutum nunc quoque retinens, quemadmodum Cleanthes cōtra Heracleonem Dionysium condiscipulum, cum pede terram percussisset, uersum ex Epigonis dixisse in 2. Tus. commemoratur; Audisne hæc Amphiaræ sub terram abdite? Zenonem significans, à quo degenerare illum dolebat: sic tu contra me, terra pede percussa, eundem uersum protulisti, Ciceronem significans; cui tamen uter nostrum sit amicior, apparet, cum tu eius manifestus sis accusator, ego defensor.*



*fenfor. Itaque si te inclamantem audiret, animaduertens te non solum absurdissimam Consolationem sibi tribuere, sed etiam multa errata obijcere, & multa probra inferre, instar Homericæ Achillis, quereretur hoc, ut opinor, modo;*

*Corq. meum penitus turgescit tristib. iris,*

*Cū decore, atq. omni me orbatū laude recordor.*

*Atqui non est, Sigoni, cur Ciceronem inclames, si ipse non est istius Consolationis auctor, sed alius incognitus scriptor.*

**PRO QVARTA CONIECTVRA,**  
quòd inserta sint fragmenta eodem ordine, quo à fragmentorum investigatoribus edita sunt, & quibusdam aucta, atque in quibusdam deprauata.

#### SIGONIUS.

**S**IGONIVM diuinare potuisse negas. Ne ipse quidem tale de se aliquid profitetur. Neque enim se diuinasse ait, sed ratione ducere uerum quædam quasi per uestigia coniecisse. **Ricc.** Si diuinasse te non profiteris, tam acriter non foueres ordinem à te excogitatum, tãquam diuinitus afflato: qui qualis sit, aliàs considerabimus. **Sig.** Immo nunc. Adhuc enim causam alienam defendi, quoad potui: nunc mea mi-



hi erit tuenda, qua, ut sentio, non aperte, sed occulte quasi quibusdam cuniculis oppugnatur.

Ricc. Nonne pollicitus es, te ad ultima mea non responsurum? cur ergo ad hoc uis respondere, quod in ultima disceptatione mea obieci? Sig. Ut me ipsum defendam. Ricc. Te non oppugnaui, nec ordinem tuum damnaui: sed illis, qui nullum aliū ordinem seruari potuisse dictitabant, ostendi potuisse. Quod ut uerum esse intelligas, audi, quid in illa quarta disceptatione mea dixerim. Cum enim explicassem primam, secundam, & tertiam medicinam, à Cicerone ipso traditam, ita subiunxi: Hæc triplicem medicinam mihi uerisimile est à Cicerone conformatam fuisse, sumpto exemplo ex eius ipsius Consolatione, antea conscripta: in qua primum uidetur tractasse primam medicinam, ut doceret mortem esse potius bonum, quàm malum, ea potissimum ratione, quæ in prima quoque Tusc. mirabiliter ornata est, quia animus sit immortalis. hæc enim est Ciceroniana ratio pluribus in locis usurpata, qua probatur, mortem esse bonum: deinde adhibuisse alteram medicinam, ut communem uitæ condicionem deploraret, à cuius malis abduci bonum esset, & suum quoque casum multorum clarissimorum uirorum exemplo mitigaret: postremo tertia medicina usum esse, ut officium suum marendi, & lugendi ad filiæ conuerteret consociationem. Ego profecto hunc ordinem seruasse in ipsis Consolationis fragmentis ordinādis; atque,

atque, si in fingenda huiusmodi Consolatione iniuria temporum amissa me exercuisssem, eundem ex præscripto Ciceronis retinuisssem; ac primum de immortalitate animorum disputasssem, quod sine ullo meo dubio est talis disputationis fundamentum, & pertinet ad primam medicinam, ut demonstretur mortem non esse malum, sed bonum: deinde de miserijs hominum, quæ ad secundam medicinam uidentur attinere: postremo de consecratione filie, quæ officium spectat merentis, & lugentis. Auctor autem istius Consolationis ordinem seruauit Sigonianum, sanè ingeniosum, egregium, et præclarum, (non enim damno) sed non necessariū, ut primum de misera hominum condicione, deinde de animorum immortalitate, postremo de consecratione Tullie disputaret. Hæc ego ibi ad uerbū.

S I G. At quomodo ad hanc tu potuisti opinionem delabi, cum deploratio miseriarum ex eo Crantoris loco accepta sit, ubi homines luendorum scelerum causa natos significauit, Lactantius autē auctor sit, Ciceronem in principio Consolationis illā sententiam usurpasse? R I C C. Ad hanc opinionē ueni, posteaquam præscriptum Ciceronis de triplici medicina consolandi animaduerti, & obseruaui, quænam ex sententia ipsius Ciceronis esset prima, quæ secunda, & quæ tertia; ac uidi, quæ ipse ratione probare soleret mortem esse potius bonū, quàm malum, quæ prima est medicina. Illam uero sententiam, quam ex loco Crantoris acceptam es-

se dicis, *Laetantius* citat sine ulla *Crantoris* mentione. Sic enim ait; Quæ ignorantia effecit, ut quosdam dicere non puderet, iccirco nos esse natos, ut scelerum pœnas lueremus. & paullo infra; Quid *Ciceroni* faciemus? qui cum in principio *Consolationis* suæ dixisset, luendorum scelerum causa nasci homines, iteravit id ipsum postea, quasi obiurgans eum, qui uitam non esse malis plenam putet. Neque uero illa sententia me impedit, quominus putem in prima parte *Consolationis* potuisse de animorum immortalitate tractari: potuit enim pertinere ad declarandam ipsam animorum immortalitatem ex *Pythagoreorum* doctrina, qui cum dicerent luendorum scelerum causa nasci homines, constituebant migrationem animorum ex corporibus in corpora, & hoc modo animos esse immortales putabant, qui luendorum scelerum causa ex corporibus in corpora migrarent. Fieri enim illa migratio dicebatur, ut scelera luerentur. Quod tu quoque sensisti, cum, cur uocem Quasi adieceris, quam imitatore à te sumpsisse notauisti, aperuisti his uerbis: Dices, si ergo *Laetantius* Quasi non adiecit, cur *Sigonius* addidit, cum dixit, Misérias hominum mihi uidetur deplorasse, qui quasi luendorum scelerum causa in hanc uitam prodierint. quæris, quamobrem? nempe, ut doceret, se migrationem illam animorum ex corporibus in corpora non probare, quam illi constituerunt, qui homines luendorum scelerum causa na-

sci dixerunt. neque enim cum fide Christiana consentit, ut plurib. Lactatius in eodem loco disseruit. Hæc tu in secunda oratione. Quare uides, illam luctu dorum scelerum mentionem factam fuisse, ut animorum declararetur migratio, id est, ipsa ex mente Pythagoreorum immortalitas. S I G. Quomodo putes, te aliter hoc tempore facturum fuisse iactare, cum alias in Commentario tuo de historia pag. 64. scriptum ita reliqueris? Cicero in Cons. miseris hominum deploratis, leuissime omnia esse ferenda ostendit, ac de æternitate animorum, & de filia inter deos consecranda disputauit. ita ut ordinem ipsum Sigonianum ex omni parte probaris? R I C C. Probaui, quia nimium Sigonio credidi. scripsi enim illa, cū didicissem ex tuo in Fragmenta Commentario: sed re nunc penitus, diligenterq. perspecta, illa ipsa fortasse mihi sunt dediscenda. S I G. Fac Ciceronem potuisse, ut tu uis, commodius distribuere, num ideo quoties aliquid tibi melius dici potuisse ab eo reperies, toties librum illum Ciceronis auctoritate mulctabis? R I C C. Minime uero: sed nunc mulctabo, cum ex præscripto ipsius Ciceronis aliter ab eo fuisse factum mihi constiterit, ut de Cons. uidetur constare. S I G. An uero, qui oratorem, atque officia eius nuper maledictis multo acriorib. prosciderunt, eos libros propterea Ciceronis esse negarunt? R I C C. Si talia habuissent argumenta in eos libros, qualia ego in hunc habeo, etiam si ea tu magis maledicendo diminuas,

minuas, & quasi nauios, ac crepundia floccifacias, quàm reuera refutes, idem fortasse fecissent, quod ego nunc facio. S I G. Noli tua ista saniora ad corrigendum non minus prudentiæ, quàm eloquentiæ parentem consilia adhibere, nequis te forte parum sano esse consilio putet. R I C C. Noli tua auctoritate ad fouendum non minus imprudentiæ, quàm infantie auctorem uti, nequis te forte imprudentem, & prauo esse iudicio existimet.

S I G. Non sit Cicero, quia Sigonij auctoritatem, iudiciumq. secutus est: ergo Cicero erit, si quod fragmentum Ciceronis expresserit, quod non præmonstravit Sigonius. At, si hoc fateris, prout fateri necessario debes, habemus, quod uolumus.

R I C C. Negavi aliàs istam tuam necessariam consecutionem, & cur negauerim, aperui. Sed quænam sunt ista fragmenta in Cons. expressa, & à Sigonio non præmonstrata? S I G. Vt illud, quod Seneca citauit, nec certi loci notatione insigniuit hoc modo; Gladiatores, ait Cicero, inuisos habemus, si omni modo uitam impetrare cupiunt: fauemus, si contemptum eius præ se ferunt. R I C C. At Seneca hausit non ex libro Consolationis, sed ex oratione pro Milone, ubi sic legitur: In gladiatorijs pugnis timidos, & simplices, & ut uiuere liceat, obsecrantes etiam odisse solemus: fortes, & animosos, & se alacriter ipsi morti offerentes seruare cupimus. S I G. Qui tandem in mentem tibi uenit hoc affirmare? nonne uides uerba omnia inter se dis-

crepare? Senecam uerò cum dixit, Gladiatores, ait Cicero, uerba se prolaturum eius innuisse? ut Cicero in Catone: Etenim, ut ait Homerus, ex eius lingua melle dulcior fluebat oratio. **Ricc.** An uero non affirmabo, quod uerissimum debet existimari? Ergo habemus locum certum, unde sententiam ductam esse, dici potest, & quidem clarum, & apertum nobilissimæ orationis Milonianæ, & eam incertæ isti Consolationi assignabimus? Verba enim discrepant, quia Seneca sententiam Ciceronis suis uoluit uerbis exprimere. Sententia uero eadem est. Nam Cicero ait: In gladiatorijs pugnis: Seneca, Gladiatores, ille, Timidos, & suppli- ces, & ut uiuere liceat, obsecrantes: hic, Si omni modo uitam impetrare cupiunt, ille, Odisse solemus: hic, Inuisos habemus, ille, Fortes, & animosos, & se alacriter ipsi morti offerentes: hic, Si contemptum eius præ se ferunt, ille, Seruare cupimus: hic, Fauemus. Quòd si uerba Senecæ uis es se prorsus Ciceronis ex Consolatione, cur uerba Consolationis putas esse quoque Ciceronis, in quibus non nulla mutatio facta est? Inuisos habemus, populus Rom. inuisos habet: Fauemus, Fauet ijs: Si omni modo, Qui omni modo: Si contemptum, Qui contemptum. Si hanc mutationem toleras, & tamen sententiam Ciceroni tribuis, cur etiam ferre non debes mutationem factam à Seneca, & nihilominus tribuere sententiam Ciceroni pro Milone, ut uere est? **Sig.** At Seneca cum di-



xit Gladiatores, ait Cicero, uerba se prolaturum esse innotuit. RICC. Cur non potuit solam sententiam innuere? SIG. Simile est, quod legitur apud Ciceronem in Catone. RICC. Homeri uerba sunt lib. 1. Iliadis de Nestore;

τοῦ καὶ ἀπὸ γλώσσης μέλιτος γλυκίων ῥέει αὐτοῦ.  
Verba Ciceronis sunt Homeri sententiam exprimunt;

Ex eius lingua melle dulcior fluebat oratio. Possunt citari eadem uerba: potest etiam citari sententia mutatis uerbis. Quod ita clarum est, ut probatione non egeat. Quare ualde mirandum est, te alioquin in Ciceronis scriptis exercitatissimum, eius notissimam sententiam pro Milone non solum inter incerta Ciceronis fragmenta enumerasse, uerum etiam postea esse locum Consolationis existimasse, & quamuis locus Miloniana sit tibi in memoriam reuocatus, tamen adhuc, ne uidearis de sententia deiectus, quod in alijs multis facis, de eo contendere. Sed alia nona fragmenta, si qua habes, quæ auctor Consolationis expressit, & tu non præmonstrasti, persequere. SIG. Hoc, quod attuli, satis esse potest. RICC. Immo id, ut ostendi, nihil te adiuuat. Quid? nonne alterum commemorabas à Petrarcha citatum? SIG. De eo nihil dico amplius. RICC. Recte facis. satis enim monstravi illa uerba Petrarchæ in libro decimo Senilium non esse fragmenta Consolationis. Videsne igitur, quàm repente ista tua fragmentorum nouitas diffu-

diffuxerit? Sed progrediamur. SIG. Notasti uocem *Quasi* omissam à Lactantio, additam esse de meo eo in loco; *Humanæ uitæ* incommoda ita diligenter, & accurate expressit, ut quasi luendorum scelerum causa nasci homines, & in hanc lucem ingredi possis agnoscere. Sic enim scripseram: *Miserias hominum* mihi uidetur deplorassee, qui quasi luendorum scelerum causa in hanc uitam prodierint. ego uero interpretatus sum illam uocem non fuisse opus à Lactantio commemorari, quia intelligendum sit, non *Quasi* luendorum scelerum causa homines nasci, sed *Quasi* possis agnoscere; & contendi me alio spectantem, *Quasi* luendorum dixisse, ne assentiri uiderer prauæ illi gentilium sententiæ, atque ibi a Lactantio exagitata. RICC. Ommitte, quæso, istā tuam quasi agnitionem: nemo enim esset, qui uocem *Quasi* non referret ad uocem *Luendorum*. Nec uelis prudentiam tuam in hoc ostendere, ut causam explices, cur tu addideris *Quasi*, quod in uerbis tuis uis referri ad illud *Luendorum*, & non in *Cons.* Quis enim non uidet istam tuam esse tergiuersationem? SIG. Nonne etiam tu eodem in loco commentarij tui de historia, iisdem uerbis eandem sententiam es complexus? Cicero in *Cons.* ut philosophus semet ipsum, quantum potuit, consolatus est, miseris hominum deploratis, qui quasi luendorum scelerum causa in hanc uitam prodierint, Quod uerum, an falsum sit, postea cogitabis. RICC. Hoc non indiget cogitatione:

gitatione : est enim plus, quàm uerum : propterea quod, ut alias quoq. dixi, tunc maiorem tibi fidem habui, quàm fortasse debebam. Nunc uero, re diligentius considerata, & ordinem illum tuum suspectum habui, & uocem Quasi à te additam. S I G. Ergo discedis ab eo, quod alias scripsisti. R I C C. Discedo iusta de causa. δοξαι δὲ, inquit Aristot. ἂν ἴσως βέλτιον εἶναι, καὶ δεῖν ἐπὶ σωτηρίᾳ τῆς ἀληθείας, καὶ τὰ εἰκῆα ἀναρῆν. Quod si etiam propria pro conseruatione ueritatis tollenda sunt, cur non quoq. aliena ? Nam, ut idem tradit, ὅσοι προτιμᾷ τὴν ἀλήθειαν. Hæc autem solet esse causa erroris inter ceteros, quia homines alicuius quandoque magni uiri auctoritatem sequuntur, atq. in eam tanquàm in numen aliquod etiam relicta ratione intuentur. S I G. Notasti quoq. additum esse illud, Et in hanc lucem ingredi, tāquam glossema illius uocis Nasci. At, quemadmodum Cicero, cum dixit, Non nasci longe optimum, nec in hos scopulos incidere uitæ: sic postea ornatus oratorij gratia adiecit, Et in hanc lucē ingredi. Nā materiam quidem ipsam Consolationis à philosophis ipsis accepit: tractationem uero ab oratorib. R I C C. At id simile non uidetur: siquidem Cicero ad illud, Non nasci longe optimum, adiecit, Nec in hos scopulos incidere uitæ, ut causam quodammodo afferret, cur esset optimum non nasci, ne scilicet in hos uitæ scopulos incideretur. Nasci uero, & in hanc lucem ingredi, ferè idem est. præterquam  
quod

quòd non satis appositè illud adiectum uidetur à tuo simulato Cicerone, quia, siluendorum causa scelerum nascuntur homines, potius in tenebras miseriarum, quàm in lucem felicitatis ingrediuntur. Quare melius dictum esset, ut à germano Cicerone, Nasci, & in hos scopulos incidere uitæ: & hic esset uerus ornatus oratorius. Quamquàm quod dicis Consolationem Ciceronis fuisse materia philosophicam, tractatione oratoriam, ut scilicet tacite te defendas, qui Ciceronem in eo libro modo philosophum, modo oratorem facis, haud scio, an omni ex parte uerum sit. Nā prima disputatio Tusculani mihi uidetur esse eiusdem generis, cuius fuit Consolatio: & tamen Cicero in præfatione profitetur, se rem philosophicam agere & materia, & tractatione. & cum prope finem scribit in hunc modum; Num igitur etiam Rhetorum Epilogum desideramus, an iam hanc artem planè relinquimus? significat disputationem ante huiusmodi Epilogum esse totam philosophicam. Ratio afferri potest sane facilis, & expedita, cur illa disputatio censeatur philosophica, & Epilogus oratorius, quia illa est minus accommodata ad communem hominum intelligentiam: hic magis appositus ad uulgi sensum. Modus enim tractandi est is, qui tractationibus formam affert. Et, ut modus tractandi philosophicus est exquisitior, ac minus popularis: sic oratorius minus exquisitus, & popularior, atque ad rudes homines magis accommodatus, & ut ait Cice

ro de Orat. non aurificis statera, sed quadam populari trutina examinandus. ἔσι γὰρ τὸ ἔργον τῆς ῥητορικῆς ἐν τοῖς τοιούτοις ἀκροαταῖς, οἱ οὐ δυνάμνται διὰ πολλῶν σωροῶν, οὐδὲ λογιέσθαι πύρρωνθεν. καὶ ὁ κριτὴς ὑπέκειται εἶναι ἀπλοῦς, ut patet ex Aristotele. Quamobrem, si uolumus dijudicare, utrum modus tractandi adhibitus in Consolatione, non ista simulata, sed uera Ciceronis, fuerit philosophicus, ut ego existimo, an oratorius, ut tu tradidisti, debemus illud intueri, utrum magis spectauerit rei ueritatem, quàm uulgi opinionem, an magis se accommodauerit ad hominum multitudinem, ad quam refertur tota ars persuadendi, quàm ad rem ipsam, & maluerit persuadere alijs capiendam esse Consolationem in obitu propinquorum, & amicorum, quàm se ipsum consolari. Ego uero, libere ut dicam, quod sentio, Consolationem Ciceronis existimo philosophicam fuisse, non solum materia, sed etiam tractatione, qua se argumentis ex penetratilibus philosophiæ depromptis consolatus est. & ideo ab eo inter libros philosophicos fuisse enumeratam in principio libri secundi de diuinatione, de qua, ut tu quoque refers in commentario Fragmentorum, ita ibi scriptum est: Quid ego de Consolatione dicam? quæ mihi quidem ipsi sane aliquantum medetur: cæteris item non multum illam profuturam puto. spectauit enim ibi magis, quid ipse sentire, ut sapiens, & philosophus, & quo animo esse deberet, quàm quid alijs persua-

persuadere, ut orator, posset. SIG. Habes liberam opinandi facultatem. Quod autem dicis de glossomate, totum est à te; Neque enim, In hos scopulos incidere uitæ, ipse tamquam caussam attulit, cur non sit optimum nasci. Neque hoc tum intendit, sed simpliciter sapientis sententiam retulit, qui dixit, Optimum esse non nasci, idq. auctore Lactantio more suo ornavit. Illa uero, quæ tu eadem esse adiungis, sunt illa quidem, ut existimas, Nasci inquam, & In hanc lucem ingredi, uerum à Cicero-  
ne more suo, id est, oratorio duob. uerbis eandem rem explicantibus exornata. RICC. Quod dico, est quidem ab opinione mea; sed non fortasse tam absurdum, quàm putas. Non enim dico simpliciter caussam, sed quodammodo causam. Et cur non potest esse causa quædam eius, quod dicitur, Optimum esse non nasci, ne scilicet in hos uitæ scopulos incidatur? Versari autem in materia miseriarum huius uitæ, & commemorare ingressum in lucem ipsius uitæ, tatum abest, ut ornatum oratorium existimem, ut potius id tribuam imprudentiæ commemorantis. SIG. Ego aliter sentio. RICC. Tu quid uelis: & ego quoque: aliorum uero sit iudicium; sed progredere. SIG. Lactantius uerba, quæ in Cōsolatione interiecta septimo fragmento reperiuntur, dedita opera prætermisit, ne integram frustra paginam recitaret, & ad rem suam non pertinentia uerba proferret. RICC. At, quemadmodum si Lactantius suis uerbis Ciceronis sententiam re-

F. censuisset,



*cenſuiſſet, ei quodammodo licuiſſet ea tantum modo commemorare, quæ ipſi placerent, & relinquere, quæ ad rem ſuam non pertinerent: ſic recitans propria eius uerba, ſi decurtata recitare uoluiſſet, id mihi ſine dubio uidetur aliquo fuiſſe modo indicaturus. S I G. Lactantius & indicare, & diſſimulare pro arbitrio potuit, quippe nulla officii huius aut obeundi, aut prætermittendi lege conſtrictus. Cicero quidem certe, cum orationem Socratis ex Apologia commemorauit, multa è medio ſine ulla eiufmodi ſignificatione remouit. R I C C. Lactantio nulla cauſſa erat, cur diſſimularet. Ac Cicero quidem germanus in 1. Tuſc. conuertit uerba Platonis ex Apologia Socratis, nihilq. è medio remouit: adulterinus uero ſine ulla ſignificatione remouit, quòd ea furari, & ſua facere uellet, contra quàm ſolet Cicero. S I G. Illa uerba interiecta deeſſe Sigonius, Patritiusq. non ſenſit, quia uterque expers uaticiniũ fuit, atque ipſi Lactantio credidit. R I C C. Immo cum Lactantius nihil indicauerit interiectum, & omnia coniunctim recenſuerit, merito Sigonius, & Patritius putauit nihil fuiſſe interiectum, meritoq. ei credidit, quem ad unguem commemoraffe id, quod erat Ciceronis, nulla ex parte decurtatum, uerifiſimile eſt. S I G. Auſtor interiecit diuerſis de cauſſis. R I C C. Vera cauſſa fuit, quia huiufmodi immutationibus deletatus eſt. S I G. Prima cauſſa fuit, ut rationem redderet eius, quod dicere cœperat, ſe uelle exemplum*

plum ueterum in consecranda filia consecrari.

**Ricc.** At non necesse habuit causam addere, cur exemplum ueterum uellet consecrari: nam id omnibus patet ueterum uestigijs esse insistendum, & ipsam ponere ueterum rationem sufficiebat, Quod si ullum animal consecrandum fuit, illud profecto fuit, nempe animal rationis, & diuinitatis particeps, qui uocatur homo. **Si G.** Id omnib. patebat? immo erat omnibus obscurissimum, atque omnino raritate sua, & uetustate ipsa temporis exoletum. ecquando enim aliàs Romani post Romulum non dico fœminam, sed uirum inter Deos retulerunt?

**Ricc.** Distorques more tuo, quod sentio. Non enim dixi, patebat, sed patet, non Homines inter Deos esse referendos, sed Exemplum ueterum esse consecrandum. **Si G.** Altera causa fuit, ut sermonis ad Tulliam conuersionem inferret.

**Ricc.** Nō necessaria fuit illa sermonis ad Tulliam conuersio. **Si G.** Immo necessaria. Quomodo enim potuisset continenter ad Tulliam orationem traducere, inquiens, Teq. omnium optimam, ac doctissimam consecrabo, nisi præposuisset id, quod tu tollis; Neque hoc de te una mea Tullia dictum uolumus?

**Ricc.** Non uideo necessitatem huiusmodi interpositionis, ut dicat Cicero, quod legitur apud Lactantium; Assentiam eorum sapientiæ, quorum ingenijs, & inuentis omnem uitam legibus & institutis ex cultam, constitutamq. habemus: teque omnium optimam, ac doctissimam consecrabo. **Si G.** Ter

tia causa fuit, ut, quod Attico se facturum ostenderat, solueret, de Tullia Græcis litteris, Latinisque celebranda. RICC. Non soluitur, quod Attico promissum erat, sed solutum esse significatur. Verba tua sunt in prima oratione; Vt in epist. ad Att. se filiam scriptis Latinis, Græcisq. celebraturum pollicetur, inquit; Ego quantum his temporib. eruditus fieri poterit, profecto illam consecrabo omni genere monumentorum ab omnium ingenijs scriptorum & Græcorum, & Latinorum; sic in hoc libro se id fecisse testatus est, ad eam loquens: Vigebis autem memoria, quandiu monumenta extabunt illa, quibus eximia consignata sunt tam excelse laudis testimonia; quæ sempiterna fore, cum præstantissima sint, plane considerare debemus. & in secunda; promiserat Attico se Tulliam Græcis litteris, Latinisq. celebraturum: hic vero se celebrasse inquit. SIG. Video te non ex animi sententia, sed eliciendi responsi gratia locutum esse. Neq. enim dubito, quin Lactantium legeris, qui lib. 1. cap. 15. inquit; Deorum memoriam si eadem ratione ueteres consecrauerunt, qua se imaginem, nomenq. filiae consecraturum esse dicit Cicero, ignosci merentibus potest. RICC. Næ ego ex animi sententia locutus sum: & cum Lactantium legerim, eum tibi fauere non comperi. SIG. Duo inquit, se consecraturum esse, Ciceronem dixisse; nomen, & imaginem Tulliae. RICC. Quid igitur? SIG. Nomen consecrauit, cum dixit, Nunc autem de te

de te loquor, quam ego non amiſſam, aut mihi penitus ademptam uelim dicere, cum illuceſcat mentis meæ quotidie magis præclariffima nominis tui, tuarumq. uirtutum gloria. Vigebis autem memoria, quamdiu monumenta extabunt illa, &c.

Ricc. Hic non confecrat nomen, ſed dicit ſe conſecraſſe. Iam perge. Sig. Imaginem conſecrauit, cum ſubiecit; Te uero in Deorum cætu locatam ad opinionem omnium mortalium conſecrabo.

Ricc. Ain tandem, Conſecrabo ſignificat Conſecrari? Sig. Ne dicas his uerbis conſecrationem fuiſſe conſecratam, quomodo mox inferre poterit; Nunc autem te conſecrata, in cælumque recepta exultare plane uideor? Ricc. Hoc uidelicet eſt illud, quod dico: quod magis ſpectes, eod abſurdiora apparent. Hoc enim ultimum dictum non ſolum illi fragmento aduerſatur, Cedo, & manum tollo: ſed etiam in eo uidetur abſurdum, quod Cicero in Conſolatione dixit ſe filiam inter Deos conſecraturum: iſte uero ſimulator conſecrationem iã conſecratam. Qua in re nec tu in enarrando argumento eius libri, nec ego in illo Commentario meo errauimus, cum ſcripſerimus non Ciceronem conſecraſſe filiã in Conſolatione, ſed de filia inter Deos ad immortalitatis famam conſecranda, quomodo multi homines ſunt conſecrati, diſputaſſe. Sig. Vltima fragmenti pars, quæ apud Lactantium uulgo ſic legitur: Quod ſi ullum animal conſecrandum fuit, ſicut proſecto fuit, in Conſolatione eſt.

cum illustri accessione, & emendatione hoc modo:  
*Quod si ullum animal consecrandum fuit, qualia multa consecrauerunt Aegyptij, quod nullum profecto fuit. R 1 c c. Ego longe aliter sentio, illam fragmenti partem in Consolatione non esse bene auctam, & emendatam, immo potius deprauatam. In meo autem Lactantio typis Aldinis impresso illud non legitur, quod uulgo haberi dicis. Sicut profecto fuit: cuius loci sententia est: Si alia unquam animalia fuerunt consecranda, cum in primis honorem homini debitum fuisse: sed si legatur, ut in ista Cons. Quod si ullum unquam animal consecrandum fuit, qualia multa consecrauerunt Aegyptij, quod nullum profecto fuit: nimis discedetur à uerbis, quæ recitat Lactantius, cuius auctoritati multo magis, quàm huic controuerso libro credendum arbitror: ut illa accessio, illudq. emendationis studium magis mihi rei nouitatem declaret. S 1 G. Bona tua uenia dixero, longe alia fuit sententia Ciceronis, quàm ut diceret, si ullum animal consecrandum fuit, maxime hominem consecrandum fuisse. R 1 c c. Ne dicas Ciceronis, sed illius tui incogniti scriptoris, & simulati Ciceronis. S 1 G. Hoc sibi uoluit, si ulla bestia consecranda fuit, quemadmodum non fuit, si ex hominib. fortissimi præcipue uiri Hercules, Castor, & Polux, consecrandi fuerunt, eandem etiam honorem Tullie licet fæmina, eadẽ de causa tribuendum esse, quia huius extarent uirtutis, prudent-*

*prudentiæ, doctrinæ, continentię ad omnem æternitatem pressa uestigia. Num quid fingi potest hac sententia melius? RICC. Ergo ficta sententia est? SIG. Num quid proposito Ciceronis accommodatius? RICC. Immo proposito simulati Ciceronis. Nam proposito Ciceronis illa altera à me exposita quadrat. SIG. Tu uulgatam Lactantij, eamq. deprauatam lectionem consecrans interpretaris; Quid si illud animal consecrandum fuit, illud profecto fuit, id est, homo: neque attendis ipsum animalia bestias appellasse, homines autem non omnes consecrandos fuisse, sed eximia tantum uirtute ornatos. RICC. Illam lectionem deprauatam esse non arbitror: & scio etiam hominem posse animal appellari: nec Ciceronem dixisse intelligo omnes homines esse consecrandos, sed inter cetera animalia maxime hominem, non omnem, sed eum, qui esset immortalibus ac diuinis uirtutibus ornatus. Omnino, si librum non esse adulterinum existimarem, istam tuam explanationem admitterem: sed, quia suspectum habeo, à uulgata Lactantij lectione non recedo. SIG. Gloriaris me ad ultimum tuum de fragmentis argumentū nihil prorsus respondisse, quod testetur Lactantius diuersum fuisse Ciceronem in Consolatione tum ab alijs, qui alios consolati sunt, tum à se ipso in alijs locis, cū alij semper fortunam depresserint, unam uirtutem extulerint, & ipse semper fortunam à se esse superatam professus sit; at, cum charissimam filiam*



amississet, uictum se à fortuna turpiter confessus  
 sit, cum dixit, Cedo, & manum tollo. Cui testimo-  
 nio Laëtantij, & cui fragmento repugnare illud  
 dicis, Exultare planè uideor, uictorq. de fortuna,  
 ac de omni prorsus dolore triumpho. Itaque me  
 ad oppugnandum eum locum, ut inexpugnabilem  
 uocas, quem ego propter imbecillitatem intactum,  
 inuiolatumq. dimiseram. R I C C. Hoc scilicet est  
 egregium institutum tuum, ut omnia argumenta  
 mea, quantumuis graua, extenues, quæ tamen spe-  
 ro te non prorsus artificio tuo deleuisse, aut obscu-  
 rasse indicatum iri. S I G. Horum alterum neces-  
 sarium esse ais, ut aut Laëtantius, aut Cicero men-  
 tiatur. Agam tecum, ut debeo, ac cæpi, ingenue-  
 rentrum est horum. R I C C. Male me intelligis.  
 Non aio necessarium esse, ut aut Laëtantius, aut  
 Cicero mentiatur: sed affirmo Laëtantium uerum  
 dicere, & Ciceronem non mentiri, sed eum, qui Ci-  
 ceronem male simulauit. Quod autem dicis, te  
 agere mecum ingenue, ut debes, ac cæpisti; fortas-  
 se debes: sed cum me, cui profiteris te amicum es-  
 se, scriptis tuis insecteris, quomodo cæperis, non sa-  
 tis uideo. S I G. Cicero repentina filij morte op-  
 pressus, inops consilij, antequam ad remedium phi-  
 losophiæ confugeret, se tum demum à fortuna ui-  
 ctum, cui nunquam antea cesserat, exclamauit. ne-  
 que enim, ut ipse alio loco inquit, sapientis tum of-  
 ficio fungebatur: ubi uero prudentiam in consi-  
 lium aduocauit, & rationes leniendi iræ ac  
 philo-

philosophia petiuit, tum monitis eius instructus,  
 & consecrata iam filia recreatus, dixit: Nunc au-  
 tem præceptis sapientiæ aduersus omnem fortunæ  
 nim confirmatus, & te consecrata, in cælumq. rece-  
 pta, tanta affectus uoluptate, ac lætitiâ, quantam  
 animo capere maximam possum, exultare plane  
 uideor, uictorq. de fortuna, ac de omni prorsus do-  
 lore triumpho. **RICC.** Hæc dixit Cicero simula-  
 tus, non uerus, quem non ante consolationem For-  
 tunæ cessasse, & post de Fortuna uictorem trium-  
 phasse, sed in ipsa Consolatione uictum se à For-  
 tuna, confessum esse, luce clarius apparet ex La-  
 ctantio. **SIC.** Non est credendum Lactantio, qui  
 philosophis gentilibus in illis libris infestus, &  
 Christianis amicus ex quacunque re occasionem  
 insectandi, ac carpendi, præcipuè Ciceronis, arti-  
 puit. **RICC.** Non puto maiorem fidem habendam  
 isti inani imitatori, qui quandoque, quid dicat, ne-  
 scit, & præter dictum de uicta Fortuna etiâ sup-  
 ponit Tullie consecrationem factam esse, quam ta-  
 men in Consolatione dixisse Ciceronem, se nõdum  
 consecrasse, sed consecraturum esse, notissimum,  
 atq. exploratissimum est; quàm Lactantio Fir-  
 miano, philosopho grauissimo, qui quamuis esset  
 philosophis gentilibus infestus, & Christianis ami-  
 cus, nunquam tamen in re tam manifesta, cū Con-  
 solatio Ciceronis in manibus omnium uersabatur,  
 Ciceronem reprehendisset, si antequam se consola-  
 retur, & non in ipsa Consolatione Fortunæ cessis-  
 set.

set. **SIG.** Si, ut tu uis, ipse se à Fortuna uictum confessus esset, neque gloriosam de Fortuna uictoriam subiecisset; quomodo Consolationem cepisset? **RICC.** Hoc nempe est illud, quod Lactantius reprehendit, quòd cum professus sit se Consolationem capere, tamen sic iacuerit, Fortune prorsus subiectus. **SIG.** Quomodo Lactantius ipse hæc uere de illo dicere potuisset. lib. 1. cap. 15? Fortasse præ nimio luctu dicat aliquis delirasse Ciceronem. Atqui omnis illa oratio & doctrina, & exemplis, & ipso loquendi genere perfecta, non ægri, sed constantis animi, ac iudicii fuit. Et hæc ipsa sententia (nempe, Teq. omnium optimam, doctissimamq. approbantib. Dijs immortalib. in eorum cætu locatam ad opinionem omnium mortalium consecrabo) nullum præfert indicium doloris. neque enim puto illum tam uarie, tam copiose, tam ornate scribere potuisse, nisi luctum eius & ratio ipsa, & consolatio amicorum, & temporis longitudo mitigasset. **RICC.** Lactantius in ceteris laudauit Ciceronis Consolationem: in hoc damnauit, quòd se à Fortuna superatum fuisse confessus sit. **SIG.** Quid ego pluribus argumentor? Recessisset a consuetudine sua Cicero, si secus fecisset. **RICC.** Lactantius. lib. 3. cap. 28. aperte testatur, eum recessisse, & confessum esse in Consolatione se recedere, quòd pugnauit semper contra Fortunam; eamq. superauit, cum fortiter inimicorum impetus retulisset; uictum quidam

dem ab ea fractus sit, cum domo pulsus patria ca-  
ruit: tum autem, cum amiserit charissimam filiā,  
uictus sit à Fortuna. SIG. Ut timorem nunquam  
attulit sine confirmatione: sic neque mæorem si-  
ne consolatione. RICC. Adhibuit quoque idem  
mæori consolationem; ita tamen, ut Fortunam  
rerum omnium dominam agnouerit, eiq. cesserit,  
ac manus dederit. Qua in re Lactantio reprehen-  
sione dignus uisus est. Verum iam uicia exemplo-  
rum perpendamus.

**PRO QUINTA CONIECTVRA,**  
quòd quædam exempla aliter com-  
memorata sint, quàm à Cicerone  
fuisse narrata uideantur, & quædam  
prolata, quæ incertum est, an ab eo  
comprehensa fuerint.

## SIGONIVS.

**O**BSERVASTI auctorem Consolationis  
ordine præpostero prius egisse de Xe-  
nophonte, quàm de Pericle, quemad-  
modum etià prius de Q. Fabio, quàm  
de Puluillo, cum tamen uerisimile esse arbitreris,  
ex ordine temporum primum Periclem, deinde  
Xenophontem laudatum fuisse, ut Puluillum quo-  
que ante Q. Fabium, quo ipso ordine uel D. Hie-  
ronymus nominauit. Breui repetam responsiones  
meas.

meas. R I C C. Et ego earum refutationem: & si-  
quid addideris, ex instituto meo considerabo.

S I G. Cicero in hac Conf. historiam non texuit:  
sed disputationem de officio oratorij pigmentis ex-  
pressit. R I C C. Quamuis historia non scribatur:

tamen ita distinguendum uidetur, ut dicatur, aut  
disputationis seriem, nexumq. ferre, ut is ordo ser-  
uetur; aut non ferre. primo modo eum seruandum  
esse: altero prætermitti posse; quod exēplis probaui.

S I G. Si tenetur temporū ordo, recte: sin minus, ne  
illud quidem absurde. R I C C. Ne ipse quidem con-  
tendo semper seruandum esse, sed plerumque. & ite-

circo, notauī uerisimile esse Periclem, deinde Xe-  
nophontem nominatum fuisse, quia plerumque ita  
fieri soleat. Iam uero, cur disputationis series, &  
nexus non ferebat, ut ordo temporis non seruare-

tur? nullam enim causam uideo, cur non potue-  
rit Cicero Periclem in ea materia, quæ agebatur,  
ante Xenophontem nominare. S I G. Potuit: sed no-

luit, quia Xenophontem Anaxagoræ iungere uo-  
luit propter aliquam utriusque dicti affinitatem.

Vt enim Anaxagoras mortuo filio nunciato dixe-  
rat, se genuisse mortalem; sic Xenophon maiorem  
se ex filij uirtute uoluptatem, quam ex obitu mo-  
lestiam percepisse. In Pericle nulla uox præclara

commemorata: sed solum eximia in obitu filij con-  
stantia collaudata. R I C C. Si dicta Xenophontis,  
& Anaxagoræ fuerunt affinia, quia alter dixit,  
se filium genuisse mortalem; alter, ut legitur in

Conso.

Consolatione, Deos ipsos, quibus litabatur, testatus est, maiorem se ex filij uirtute uoluptatem, quàm ex obitu molestiam cepisse. (quæ uerba uidentur expressa ex illo loco *Valerij Maximi*: *Numina*, quibus sacrificabat, testatus, maiorem se ex uirtute filij uoluptatem, quàm ex morte amaritudinem sentire) si inquam aliqua fuit affinitas illorum dictorum, quàm tamen non uideo fuisse admodum magnam: *Pericles* quoque non paruam habuit coniunctionem cum *Anaxagora*, quæ eius præceptorem fuisse, eique magnificentiâ animi, atque elationem grauiorem ad popularem potentiam capessendam inieciisse; & eius ingenium maxime excitasse; atq. incendiisse, narrat *Plutarchus*. Præterea affinia fuerunt facta *Periclis*, & *Xenophontis*, qui ambo coronati coronam non dimiserunt propter obitum filiorum, nullumq. maestitiæ signum dederunt; iccircoq. coniunctim commemorati sunt, non solum à *Valerio*, sed etiam à *S. Hieronymo* in hunc modum; Proponunt innumerabiles uiros, & maxime *Periclem*, & *Xenophontem* *Socraticum*, quorum alter amissis duob. filiis coronatus in concione disseruit: alter, cum sacrificans filium audiuisset occisum, deposuisse coronam dicitur, & eandem capiti reposuisse, postquàm fortiter in acie dimicantem reperit concidisse. Sed ita me *Dij* ament, ut puto auctore istius Consolationis cum suam componeret imitationem, habuisse præmanib. *Valerium*, & ne eum nimis aperte imitari uide-



videretur, cum is in exemplis externis primum Periclem, secundum Xenophontem, tertium Anaxagoram commemorasset, nulla temporum habita ratione ordinem conuertisse, ut primum ageret de Anaxagora, inde de Xenophonte, postremo de Pericle. Adde quod præter ordinem confusum minus caute egit, quàm acturum fuisse Ciceronem verisimile est, uel quàm Valerius ipse egerit. Etenim non induxit Valerius dictum Anaxagoræ ad probandum sapientissimos homines seruorum morte etiã lætatos esse: hic uero induxit, ut dixi in quarta disceptatione, quasi ualeat ille concludendi modus; Respondit se filium genuisse mortalem: ergo morte filij lætatus est. præterea ille non simpliciter locutus est de Pericle, ut is nunquam dolori cessisse uideatur; sed scripsit eum intra quadriduum duob. mirificis adolescentib. filijs spoliatum, his ipsis dieb. & uultu pristinum habitum retinente, & oratione nulla ex parte infractiore concionatum esse: hic uero ita simpliciter locutus est, ut Periclem perpetuam ea in re seruasse animi magnitudinem denotauerit; quasi non cum mors Paralifregerit, & abiecerit, postremo ille non significauit filium Xenophontis in prælio cecidisse apud Mantineam pro patriæ salute, atq. utilitate, qui mortuus est pro salute, atque utilitate Lacedæmoniorum, quorum afflictis reb. Athenienses opitulati sunt aduersus Thebanos, & apud quos filij Xenophontis instituti fuerunt, ut legitur apud Laertium:

hic

Hic uero significauit, cū amplificans eius factum inquit; Nihil enim ad laudem illustrius, quā in eternam gloriam, aut in patriæ utilitatem intuentem, aut salutem, fortiter dolores perferentem, & cum fortuna luctantem negligere humana. & Neque enim humanis curis implicitus toto animo de patriæ salute, atq. utilitate cogitare, aut laudem sibi præclaris actionib. comparare, uel egregij quidquam suscipere, ac sustinere queat. Quod si excusetur, quia pugnare pro Lacedæmonijs, quib. opitulati sunt Athenienses, sit quodammodo pugnare pro ipsis Atheniensib. id non recusabo, dummodo hoc mihi detur, scriptorem istum potuisse cautio-rem esse. SIG. Ex Romanis à Fabio potissimum orsus est, propter insignem fortitudinem in laudando filio mortuo declaratam: & quia Fabium in omnibus suis libris uirtutis admiratione captus præcipue celebrauit. Cui tamen Puluillum ita subiunxit, ut eum tamen ætate superiorem significarit, inquit; Quod singulare uirtutis exemplum fortasse Horatij Puluilli laudem magna ex parte diminuere uideatur. R I C C. Quemadmodum Anaxagoras Periclem, Pericles Xenophontem ætate anteceffit; sic Puluillus longe ante Fabium floruit: siquidem ille fuit consul anno primo libertatis Romanæ, qui fuit post Romam conditam 344. & Aedem Iouis Capitolini dedicauit, uel eodem anno primo, ut Liuius, uel tertio, ut Dionysius scriptum reliquit; cumq. dedicaret, auditam filij

filij mortem forti animo tulit : hic uero cognomi-  
 ne Verrucosus, & Cunctator, quinque consulatuū,  
 quos gessit, primum adeptus est, an. urbis 520, ut  
 facile sit intelligere, quantum alter altero fuerit  
 antiquior. Quamobrem, cum sine ullo materiæ de  
 trimento nominari omnes ex ordine temporum po-  
 tuerint, magis laudassem, si non solum inter Græ-  
 cos, commemoratus esset statim post Anaxagoram  
 Pericles Anaxagoræ discipulus, & post Periclem  
 Xenophon: sed etiam inter Romanos primum Pul-  
 uillus, inde Fabius: tamen non negaui etiam ali-  
 ter fieri potuisse. S I G. Attendisti potissimum  
 S. Hieronymi ordinem. At is exempla Ciceronis  
 non exacte sibi recitanda, sed rem tantum indican-  
 dam constituit. RICC. Id certo scire non potes.  
 S I G. Neque omnia protulit. RICC. Id nusquam  
 apparet. S I G. Neque eodem ordine recensuit.  
 RICC. Nemo id tibi aperuit. An uero, quia istam  
 simulatam Consolationem pro uera defendis, tam  
 tuto argumentaris? Mibi uero uerisimile uidetur,  
 S. Hieronymum, Ciceronis studiosum, cum illa  
 scribebat, habuisse præ manibus ipsius Ciceronis  
 Consolationem; & multo melius recensere omnia  
 potuisse, quàm iste fecerit imitator. S I G. Habue-  
 rit: non tamen ille Ciceronem de Græcis loquens  
 nominauit, sed Græcos. RICC. Hinc nimirum ap-  
 paret, uersatum esse magis Ciceronem in exemplis  
 Romanorum, quàm externis. S I G. Idem Hiero-  
 nymus, cum Periclem præposuit, non se eum à Ci-  
 cerone

cerone sumpſiſſe, ſed à Græcis oſtendit. RICC. Non dixi eum à Cicerone ſumpſiſſe, ſed Xenophonti præpoſuiſſe, ut meliorem ordinem ab eo ſervatum eſſe, quàm ab imitatore ſignificarem. SIG. Si ergo non ſumpſit, ab eo recedere potuit. RICC. Certe potuit: ſed fortasſe non debuit. SIG. Sumpſiſſe tamen ſignificas, cum ipſum præ manib. habuiſſe tum dicis, cum hæc litteris, poſteritatiq. mandavit. RICC. Quasi uero, cum eſſet in bibliotheca ſua, & materiam Conſolationis pertractaret, non potuerit etiam ante oculos habere alios libros, quàm Conſolationem Ciceronis. SIG. Dum inſtas in hunc modum; Hic nominat Harpagum, Dionem, & Præxaſpem, quos nemo à Cicerone commemoratos eſſe teſtatus eſt, ergo Cicero eſſe non poteſt; uideo, quid agas, cui rei ſtudeas, quò conſilia referas. quippe ancipitem iam mucronem intentas, ut celerius imitatoreſ conficias, ſi duplices euadere non poſſe iſtus tuos intelligas. Nam ſi hos ab alijs nominatos dixero, ipſum argues furti: ſi abnuero, impudentia. RICC. Pace tua dixerim, nugaris. Nam, ſi à Cicerone commemoratos eſſe aliquorum teſtimonio conſtaret, ex hoc capite Conſolationem ſuſpectam non haberem, nec auctorem eius ob id furem appellarem, ſed, cum in hoc poſſe eſſe Cicero uideretur, conſiderarem, an ob alia dubitari de eo poſſet. Iam non prorsus negavi exempla Harpago, Dionis, & Præxaſpis à Cicerone allata eſſe: ſed propter eam, quam habeo

de ista Consolatione suspicionem, scripsi id mihi  
certum non esse. Si ipse aliunde exploratum ha-  
bes, profer testimonia: sin minus, non debes profe-  
cto tantum confidere istius Consolationis auctori-  
tate, nisi prius eam esse Ciceronis omnibus persua-  
deas. **SIC.** Neque hæc exempla Ciceronis esse,  
probare necesse habeo: nam etiam Ciceronis esse,  
sine eiusmodi probatione hic liber potest: & si for-  
te laborem probandæ omnibus Consolationis sus-  
cepero, frustra suscepero. Etenim tu re comper-  
ta, statim, sicut de Socrate inquit apud Platonem  
Clitipho, tamquam aliquis è machina Tragica  
Deus exclamabis, *Quò ruitis? Caute, ne hanc*  
*Ciceronis esse credatis, hoc est inepti opus imitato-*  
*ris, & ad cunnum nati.* **RICC.** Si permittis, di-  
cam te rursus nugari, profecto si Ciceronis esse  
sine huiusmodi probatione hic liber potest, tibi po-  
test, & paucis quibusdam, quos tua auctoritate  
corrupisti, non mihi, & alijs tam multis. *Quam-*  
*vis autem existimem istud opus non esse Cicero-*  
*nis, sed parum apti imitatoris, atq. eius, qui pro-*  
*pter ignorationem artis incurrat sæpe in sermonis*  
*obscuritatem, non tamen me existimo, ut dicis,*  
*tamquam aliquem è machina Tragica deum, quo*  
*parvū indigent tuæ satis infirmæ accusationes: sed*  
*quemadmodū fabulæ Tragicæ ad extremum Deo,*  
*& machina egent* διὰ τὸ τὰς πράτας ὑποθέσεις  
*ψευδεῖς, καὶ παραλόγους λαμβάνειν, ut scribit Poly-*  
*bios lib. 3. historiarum, Tragici enim poetæ, inquit*  
Cicero

Cicero lib. 1. de natura Deorum, cum explicare argumenti exitū non possunt, confugiunt ad Deū: sic, si uolueris omnes res perplexas, & inuolutas, quæ contra istum librum afferuntur, non meas, quas appellare soles, nēuos, & crepundia, sed aliorum multorum, qui mecum sentiunt, uideo te uere tamquam aliquem è machina Tragica deum esse oportere. SIG. Meminit, inquis, Capionis, Lepidi, & C. Cotta, de quibus se dubitare Cicero significauit, cum Atticum consuluit. Esto, quid mirum? dubitauit, re incognita, affirmauit, perspecta; consuluit, cum hærebat, scripsit, cum exploratum habebat. RICC. An uero id tibi declarauit aliquis, quasi è machina Tragica deus? tantum'ne credis isti imitatori, ut omnia, quæ ipse narrauit, pro certissimis habeas? SIG. Aperuit id mihi ipsemet Cicero, qui eodem tempore, cum scriberet libros de finib. L. Tubulum, de quo pariter hæsitans ad Att. retulit, in secundo reposuit. RICC. Non est par ratio de L. Tubulo. nam libri de finib. nemini suspecti sunt, in quibus exemplum ipsius Tubuli, capto prius consilio ab Att. positum est: hic uero eam apud plerosq. suspicionem habet, ut, nisi appareat alijs auctoritatib. ea exempla fuisse à Cicerone celebrata, non tam facile ob unam istius imitationis auctoritatem id credi debeat. Fieri enim potest, ut uersutus imitator ea uoluerit recensere, ut ob rerum, quæ alibi non inuenirentur, nouitatem facilius lectores falleret. SIG. Si incertus est hic



*liber, tu effecisti. Ricc. Hoc nimirum est, de quo tantopere conquereris, etiam si nēuos, & crepundia nomines. Sig. Ac ab eo quidem sic abhorres, ut ne legere quidem studio paullo intentiore uolueris. Neq. enim, si animum attendisses, C. Cottam filium, pro Rutilia matre exemplum fortitudinis inuerso plane totius rei ordine protulisses.*

*Ricc. Hoc ipsum etiam in tuis orationib. mihi obiecisti. sed non respondi, quia dignum responsione nō arbitrabar. Nunc, quoniam me rursus lactes sis, respondeo, cum enumeravi illa exempla, non dixisse me exempla fortitudinis, ut tu plus nimio interpretaris, sed simpliciter exempla, in quib. fuit mors C. Cottæ, quam Rutilia mater æquo animo tulit. nec me valde errasse existimo, cum mater, & filius ita inter se referantur, ut una persona nominata, etiam altera intelligi possit. Hoscine tu nēuos, hæccine crepundia intueris, & totum corpus negligis? Sig. Exemplum Rutiliæ Seneca ab hoc libro in suum transtulit iisdem prope uerbis. ex quo apparet hunc librum esse Ciceronis. Ricc. Nunc dicis iisdem prope uerbis. In orationibus tuis simpliciter dixisti, iisdem uerbis. Reuoco enim tibi in memoriam hic tuum dictum, Repetere volo, ne dissentientium aures fortasse præteruolet, Senecam in sua Consolatione Rutiliæ factum iisdem uerbis, quib. hic, prodidisse. Cum autem ostenderim non esse eadem uerba, nunc tu te emendans dicis, prope iisdem. Sig. Tu esse similia negas?*

gās? quid poteſt magis? R 1 C. Non nego eſſe ſi-  
 milia, ſed eadem. Adde, fieri poſſe, ut & Seneca à  
 Cicerone, hoc exemplum acceperit, etiam ſi id ex  
 uerbis Senecæ non appareat, & hic imitator à Se-  
 neca ſumpſerit, quemadmodum etiam alia Veriſi-  
 mile enim eſt, priusquàm iſtam conficeret imitatio-  
 nem, eum inter ceteros Senecam legiſſe, qui ean-  
 dem rem tractat. S I G. Ego autem dico Senecam  
 non aliunde, quàm à Cicerone ſumere potuiſſe.  
 R 1 C. Nego hoc ἀδυνάτω. S I G. Satis conſtat, ne-  
 minem ante Ciceronem de Rutilia litteris prodi-  
 diſſe, quia ipſe conſulto Attico eam primus inueſti-  
 gavit. R 1 C. Hoc fateor. S I C. Neq. poſt eum. R 1 C.  
 Hoc nego. S I G. Quia, ut inquit Peſſianus, aucto-  
 res rerum non perinde in domib. & familijs fami-  
 narum, niſi illuſtrium, ac uiro-  
 rum nomina tra-  
 diderunt. hæc autem illuſtris non fuit, ut qua Ci-  
 ceroni incognita fuerit. R 1 C. Quasi vero poſt com-  
 memorationem eius habitam à Cicerone in Con-  
 ſolatione factum ipſius redditum non ſit ita illu-  
 ſtre, & clarum, ut ab alijs ſcriptorib. ante Senecam  
 celebrari non potuerit. Sed acceperit Seneca à ſolo  
 Cicerone. ergo iſte imitator, ſi eſt uere imitator, ut  
 probaui, non potuit accipere à Seneca? S I G. Di-  
 cis, te ueriſimilia ſequi, & ulterius, quo progredia-  
 ris, non habere. & ego idem dico. R 1 C. Immo a-  
 liud ſignificas, cum me reprehendis, quaſi tituban-  
 ter, ac timide agentem; quaſi tu cenſeas, aſſeueran-  
 tius agendum quemadmodum tu facis. Sed uide,

an de ista Consolatione merito id facere possis.

SIG. Dubitare te dicis: & tamen uictoriam te sperare adiungis. RIC. Hæc inter se non repugnant.

SIG. Nihil affirmare te addis: & tamen asseueranter omnib. aduersaris. RIC. Hoc nempe solebant facere illi, qui nihil affirmabant, ut probabiliter aduersarentur illis, qui omnia asseuerabant. SIG.

Neque unquam uehementius resistis, quam cum te cedere fingis. RICC. Vere cedo: sed fortasse cum

meis tantum nœuis, & crepundijs uideor resistere.

SIG. Verum, quoniam de reb. satis dictum est, ad uerba disputationem iam conferamus.

## PRO SEXTA CONIECTVRA, quòd quædam sint minus Ciceroniana.

SIGONIVS.

**A**FFIRMASTI, elocutionem Consolationis tibi uehementer esse suspectā; eamq. magnificiendam esse docuisti Socratis dicto, qui cum hominē quendam decorum, & eleganti forma conspicuum, omnibusq. corporis ornamentis præditum diutius tacentem intueretur: Loquere, inquit, ut te uideam: significans ex ipsa potissimum locutione homines esse considerandos. conquestus præterea es, quòd miris Tragædijs excitatis contenderim, nec te, nec alios,

alios, qui elocutionem huius libri minime Cicero-  
 nianam esse putarunt, uerum putasse; ac gratula-  
 tus sim huic maxime seculo superbum istud au-  
 rium ne, an animi tui iudicium, qui pauca quædã  
 uerba fastidias, teque temeritatis accusauerim, qui  
 falsum crimen temere simulaueris: Equidem de  
 querenda, atque obseruanda dignitate, atque ele-  
 gantia dictionis tibi uehementer assentior. dictum  
 uero illud Socratis quorsum pertineat, haud facile  
 animo assequor. ille enim ex sermone adolescentis  
 certum prudentiæ specimen elicere studuit: tu de  
 oratorio ornatu, atque adeo de ipsius orationis, ut  
 ais, munditia differis. R I C C. Non est dubium,  
 quin elocutio prudens indicet animum prudentem,  
 & elegans elegantem. omnino elocutio indicat ho-  
 minem, & qualis is sit, ostendit, qui apparet quidẽ  
 potissimum ex ratione, sed ratio apparere non po-  
 test nisi ex oratione. S I G. Duas in primis, ut ui-  
 deo, res tibi à me obiectas esse exposulas, superbiã  
 aurium, & simulationis temeritatem. R I C C. Im-  
 mo uero etiam superbiam animi. S I G. Cum Ci-  
 cero in oratore Aurium iudicium superbissimum,  
 ad Herennium, Aurium sensum fastidiosissimum  
 esse tradiderit, tu id propriæ ignominie loco acci-  
 pies; & quod omnibus a natura hominib. est tribu-  
 tum, ipse præcipue recusabis, ac communem huma-  
 næ naturæ condicionem tu potissimum aspernabe-  
 ris? Vide, ne, dum te uerecundum esse defendis,  
 omnem illam, quam aucuparis, modestiæ commen-

dationem hac una expositulatione corrumpas.  
**RICC.** Si Cicero in Oratore Aurium iudicium superbissimum, & tuus ille Cicero ad Herennium (faues enim istis simulatis scriptoribus) Aurium sensum fastidiosissimum esse tradiderunt, cum communiter sensum notauerint, nemini iniuriam fecerunt: tu uero, cum communem notam minime respexeris, sed me spectans, superbientes huius seculi homines irriseris, ac non solum aurium, uerum etiam animi superbum iudicium reprehenderis; cui putas te persuadere posse, abs te nullam mihi iniuriam factam esse? nonne significasti, arrogans, insolens, imperiosum, non ferendum iudicium? Non igitur humanæ naturæ conditionem, ego potissimum, quasi bestia sim, aspernor: sed humanam iniuriam animaduerto: nec aliud magis doleo, quàm quòd dissimulare manifestam iniuriam uelis. Vide igitur tu, ne, dum superbiam istam defendis, eam tibi uindicare, & humanæ modestiæ fine prætergredi uidearis. **SIC.** Illud uero alterum te prorsus sine ratione molestè tulisse uideo, quòd dixi, oblatum huic scriptori neglectæ Latinitatis, atque elegantiae crimen graue esse, si uerum esset, multo grauius, si temere simulatum, quia respondens, temerarium te simulatorem esse negasti. Ego enim crimen temere simulatum uocaui fortuito, ac sine longa, ut sepe fit, animi meditatione conflatum, atque, ut dixit Cicero, temere effutitum.  
**RICC.** Ego uero prorsus cum ratione id molestè tuli;

tuli; eoque maiorem habeo causam tecum expostulandi, quod me adeo temerarium esse arbitraris, ut mihi persuadere possis, qui temere simulat, temerarium simulatorem non esse. Sed, qui menti, ut poetæ loquuntur, calor incidit, nolo nunc sequi, quo cunque posset ducere. SIG. Tantum abest, ut, quod alienum erat, Tragædias, quas obijcis, excitauerim, ut ne honestum quidem, quem mihi interdum res concedebat, risum captauerim. RICC. Et latratum, & Tragædiarum excitationem tu prior mihi obieciſti his tuis uerbis; Quæ cum ita sint, quid est, quod huic commentario tam acriter oblatrent, ac tãtas propterea Tragædias excitent? Quo modo autem tu Tragædias excitaueris, facile est cognoscere, cum ex alijs locis, ubi Ciceronem loquentem induxisti, tum ex eo; Desinite mihi maledicere, & quæ mea sunt, mihi detrahere, &c. Quod uero risum commemoras, desine quæso eum commemorare, ne in animum reuoces, quàm res sit ridicula, res tam ridiculas defendere. SIG. Verũ hæc, ut ex animis nostris, sic ex sermone nostro remoueamus. RICC. Vt facies, faciam, & tuis prorsus uestigijs insistam. SIG. Perge igitur, & quæ habes de uitijs huius elocutionis, profer. RICC. Num tu librum illum Ciceronis esse tibi persuadere poteris, in quo uerba multa non Ciceroniana legantur? SIG. Quæ tu tandem uerba non Ciceroniana uocas? RICC. Quæ in alijs libris Cicero non adhibuit. SIG. At nullus tam pusillus



fillus liber est Ciceronis, qui non aliquot uocibus  
 textus sit alibi ab ipso non usurpatis. **Ricc.** Haud  
 quaquam hæc mihi incognita sunt. illo uno offen-  
 dor, quòd in ceteris libris pauca uerba, in hoc non  
 dico omnium breuissimo, ut tu me loquentem fa-  
 cis, sed paruulo opere, & tantulo libello multa le-  
 gantur. **Sig.** Age uero, nonne breuior est multo  
 Cato, quàm Consolatio? certe: est enim dimidio  
 minor: at. multo plura sunt in eo noua, quàm in  
 hac. **Ricc.** Hoc aperte nego. Nam si specten-  
 tur non illa sola, ad quæ meam obiectionem restrin-  
 xisti, sed & illa, quæ simpliciter appellauimus minus  
 Ciceroniana, quorum etiam quædam in Catalo-  
 go tuo omisisti, dixi enim non solum Indecens  
 non esse Ciceronianum, sed etiam Indecentius, &  
 illum obscænum litterarum concursus tam sæpe,  
 id est nouies usurpatum) & minus propria, & mi-  
 nus Latina, quæ multo minus Ciceroniana cēsen-  
 da sunt, & non solum, quæ in primo iudicio meo  
 enumeravi, sed etiam, quæ in secundo, ad quæ mul-  
 ta quoque alia addi possunt: profecto eorum lon-  
 ge maior numerus comperietur, quàm eorum, quæ  
 alibi non usurpata in Catone obseruasti. Sed con-  
 feramus, si placet, numerum. **Sig.** In Catone ea  
 sunt; Suspicio me commoueri: accusant adeptam:  
 deplorare querelas: agere orationem: studiorum  
 agitatio: funale: magisteria: rorantia pocula: re-  
 frigeratio: desideratio: similes ut: insomnia, et cru-  
 duas: diritas: occatum: occatio: herbescentis: geni-  
 culatus:

culatus: erraticus: syluescere: acinus uinaceus: repastinationes: consutiones: insutiones: succidia: appeti: decedi: assurgere: coacescere: recoquere: peractio ætatis. Nonne hæc singularia in multo breviori libro multo plura conspiciuntur, quàm quæ tu in ampliori notasti? & tamen nemo eis umquã sic offensus est, ut eum propterea tamquam parum Ciceronianum abiecerit. R I C C. Nemo offensus est, quia nunquam fuit is liber ita occultatus, ut postea sit in lucem productus sine ullo testimonio, unde ex tenebris emergeret, quis inuenerit, ubi tamdiu occultatus fuerit, & aliarum huiusmodi rerum, quæ libri nuper inuenti fidem faciunt: quæ admodum iste productus est, non sine magna multorum suspitione. Illa uera tam multa, quæ tu affers, possunt aliquantisper diminui. Nam cur non est Ciceroniane dictum in præmio? Suspicio ÷sdem rebus te, quibus me ipsum, interdum grauius commoueri. Quod uerbum nõ redolet Ciceronem? nonne ubi legitur, Quibus me ipsum, subintelligi potest aliud uerbum, quàm Suspicio, ut uideo, sentio, & similia? Vbi uero legisti, senectutem ut adipiscantur, omnes optant: eandem accusant adepti; legendum est adepti. Quod etiam uir in litteris præstantissimus, & antiquæ lectionis obseruantissimus Aldus Mannuccius his uerbis affirmat; Sic legendum ex duodecim meis libris. In Græco κτησάμενοι. Deplorare querelas est cum ploratu exprimere, ubi non magnam admodum uideo no-

uitatem, cum utrumque uerbum sit usitatum, nec iungendi ratio sit noua, aut Latinis, aut Græcis, ut ire uiam, uiuere uitam, μεφομαί σοι μέγαν δικάαν, πόλεμον πολεμίζειν. & similiter. Agere orationem non uidetur dixisse, etiam si scripserit; Appij extat oratio. hoc ille egit, &c. Egit, idest, illa dixit, quæ uersibus persecutus est Ennius, & Roma nos libere reprehendit. In quibusdā etiam literis legitur Gessit, pro, Egit. Sed hoc parum ad rē. Accedit, quod Agere orationem pro eo, quod est pronunciare, uidetur dictum ex Latine loquendi consuetudine; cum aliud nihil sit, quàm orationē ipsam, quasi quandam in scenam, aspectumq. deducere, ut Agere fabulam, Agere, & tractare locos dicendo, Agere causam. Studiorum agitatio, cur Ciceroniane non dicitur, ut Mentis agitatio? Funale proprium est, & cum ipsa re natum uerbū, quod Cicero, si usu uenisset, non semel, sed sæpe, & sæpius usurpasset, ut etiam Florus usurpauit, quem uerisimile est è Liuiο huiusmodi uocabulum sumpsisse, cum scripsit in Epitoma 17. C. Duillio perpetuus honos habitus est, ut reuertenti a cæna tibicines canerent, & funale præferretur. Mentionem fecit de poculis minutis, atque rorantib. spectans Xenophontis, quem citauit, uerba, μικραῖς κύλινξ, καὶ τεκάζουσιν. Si conuertendi uerba Xenophontis in Symposio alibi occasionem habuisset, idem sine dubio fecisset. Quod si qua uerba nouasset, uideretur magno quidē artificio nouasse, quod

artifi-

artificium in Consolatione minime requirebatur. obseruari enim potest, & in rebus tristibus prisca adhiberi, ut in Philippicis, Ego mortem actutum futuram puto: & in lætis noua usurpari. Itaque mirum non esset, si Cicero, cum ageret de uoluptatibus senectutis, nonnullas ex his uocibus non asset, Funali, Rorantia, Refrigeratio, Desideratio, Herbescentem, Geniculate, Acino uinaceo, Erratico, Syluescat. Quamquam hæc postrema uideantur esse propria Agricultura, ut etiam alia. Quis enim non uidet, cum uocabula artium non sint immutanda, Occationes, Repastinationes, Confitiones, Insitiones, esse uocabula artis rusticæ; quarum usus non ideo in Ciceronis scriptis rarus est, quia ipse ab eis abhorruerit, sed quia de huiusmodi rebus raro locutus sit. Succidia uero, uox maxime usitata, quippe quæ etiam in prouerbio esset, cū hortum ipsi agricolæ succidiam alteram appellarent, semel à Cicerone usurpata est, quia utendi huiusmodi prouerbio nunquam aliàs ei occasio oblata est. Id quod responderi debet de certo, & uero Cicerone, non de isto tuo incerto, & ficto, qui, propter incertam & simulatam auctoritatem suam, quæcunque ipse ex arbitrio usurpauit, non facile potest omnibus tamquam Ciceronis uendicare. Magisterium autem morum legitur de prouinc. cons. Similes ut, corrupte legitur. Negat Langius, ut testatur Dionysius Lambinus, reperiri hæc uerba, Similesq. sunt, in libro uetere, & censet delenda.

da. & idem Lambinus affirmat, in membrana antiquissima P. Danielis Aureliani primo scriptum fuisse, Similesq. sunt ijs, qui gubernationem, &c. deinde alia manu postea superscriptum, Vt siqui, &c. Salua tamen & integra priore, & antiquiore scriptura. Itaque hæc lectio controuersa non adiuvat nouitatem tuam. Cruditatem, & Insomnijs, est Ciceroniane dictum. De cruditate non est dubitandum, cuius multa ab alijs afferuntur exempla. Ad Att. Hæc metuo, ne insomnia sint. Si legis Insomnia singulariter, prauè legis. Diritas, & Duritas sunt uoces Ciceronianæ. In Vat. Quamquam sis omni diritate, atque immanitate teterrimus. In Tusc. Siqua inuicta diritas casu foret. In Oratore: Duritas, & seueritas, & quasi mæstitia orationis. Vbi legis, Occatum, Nonius legit Occæcatum, cum scribit; Occationem ab occæcatis seminib. qua id efficitur, dici M. Tullius uoluit de senectute. Sparsum semen primum id occæcatum cohibet, ex quo occatio, quæ hoc efficit, nominata est, quam lectionem agnouit quoque Mannuccius. Vox autem Occacare, & Occæcatus Ciceroniana est. Appeti apud Ciceronem sæpe passiuè dictum est. Decedere est uox Ciceroniana, unde Decedi impersonales; & Assurgi impersonaliter de Inuen. Vt maioribus nata assurgatur, Vt Ciceroniane dicitur Fabulam ætatis peragere; sic posse dici uidetur, Aetatis peractio. Iam uides, quanta tui numeri diminutio facta sit. Numeremus modo, quæ in ista notau

Cons.

*Conf. & uideamus non solum, an horum numerus illorum numero æquari possit, uerum etiam, quanta sit differentia inter hæc, ubi nonnunquam etiam solæcismus adhibetur, & illa, in quibus tale uitium reprehendi non potest. Ea igitur sunt; Compage: Immerentes: Infelicitate: Vagitus, duobus in locis usurpatus: Despondeat animum: Indecentius: Indecens: Osor: Detractor: Lætitudas: Lacedæmones: Absurditas: Imperitia: Cum nullo dolore; Cum nominis gloria: Cum nostro uulnere; Cum nullo sensu: Cum neminem; Cum nec: Cum natura: Cum nihil nisi rectum: Cum nihil nisi quod rectum: Ad futuram uitam, tamquam ad patriam euolare: Præfinitum esse uitæ terminum, quem præterire nemini liceat: Animum simul cum homine interire: Filio suo, pro filio eius; Pœnitendum statum: Is se hominem esse meminerit, ut, si mors ab eo abesset, Dijs propior haberetur: De quo est apud Herodotum illum Xerxi respondisse: De quo traditum est, nihil eum putauisse; Lacenas matronas traditum est consueuisse, ac solitas esse, contra uero curabant, nec statuebant. His accesserunt tam multa, quæ in secundo meo iudicio collegi. Quæ omnia coniuncta cum tot rebus absurdis, satis declarant istum librum Ciceronis non esse. SIG. Dixeras etiam Captiuitatem esse; uocem minus Ciceronianam: & tamen ea usurpata est in oratione pro C. Cornelio. RICC. Eam bis in isto libello usurpatam intellexeram esse minus*

*Cice-*



*Ciceronianam, id est, minus, & rarius à Cicerone usurpatam, & quidem minus, si cum uocib. a Cicerone frequentatis comparctur, cum inueniatur semel in fragmento orationis pro Cornelio apud Asconium; quam à Mario Nizolio inter eas, quæ Ciceronianæ non sunt, notatam, uideo quidem te unico probasse exemplo esse Ciceronis, sed de ea sola, ut aliàs dixi, gloriari fortasse non debes.*

**SIG.** *Quid? si alias quoque eiusdem esse demonstrauero?* **RICC.** *Expecto, dum hoc facias.*

**SIG.** *Sunt Plauti, Terentij, Lucretij, Virgilij, Sallustij, Liuij, Suetonij, Taciti, & aliorum illius memoriae ferme æqualium. ergo sunt Ciceronis.*

**RICC.** *Primum huiusmodi consecutionem negaui, nego, & in perpetuum negabo. Non enim sequitur, quibuscunque uocibus illi usi sunt, omnib. Ciceronem quoque usum esse. Deinde, cum præter illos citaueris Martialem, & Vegetium, uideris illos ipsos significasse, cum dixisti, aliorum illius memoriae fermè æqualium: & tamen tu ipse scis, quàm longe hi sæpe disceßerint a linguæ Latinæ candore. De Martiali sic scripsit Raphael Volateranus; Reliquit epigrammatum librum omnino reiiciendum, quippe qui neque elegantiae Latinæ, neque moribus profit. Vegetius similiter in multis parum Latinus est: ut mirum sit, te uelle etiam hos, si Dijs placet, ipsi Ciceroni æquare. Præterea, cum metaphoram, & analogiam maxime probè, non tamen adhibitam esse arbitror à Cicerone in  
illis*

illis uocib. nisi id alicuius loci auctoritate probe-  
tur. Nec quaero, utrum ipsis Cicero usi potuerit,  
nec ne, qua de re possunt esse uariae hominum inter  
se, discrepantesq. sententiae, quae sibi suo arbitrato  
Ciceronem conforment, sed an usquam usus sit.  
quod quia ego infitior, & tu, qui probare debes, nō  
probas, nisi per inanes quasdam tuas consecutio-  
nes, uter nostrum melius sentiat, alii iudicabunt.  
Sed pergamus ulterius. S I G. De iungenda di-  
ctione Cum, uocib. incipientib. à littera N. ita, ut  
ante, respondebo. Locus oratoris intelligendus est  
de praepositione Cum, iuncta cum uocib. incipien-  
tib. à No, ne obscæne dici uideatur, Cumno. id  
quod ipsa exempla ab eo, et Quintiliano, & cete-  
ris allata demonstrant. Quare neq. cum hic scri-  
psit, Cum natura, aut Cum nullo, neq. cum Virgi-  
lius dixit, Cum nauib. obscæne locuti sunt. R I C C.  
Si, quod tu ipse interpretaris, uerum est, sequitur  
nihilominus nec auctorem Consolationis recte scri-  
psisse, Cum nominis tui gloria, nec ne recte dixisse  
in secunda oratione tua, Cum nostris necessariis,  
quia praepositio Cum iuncta est cum uoce inchoan-  
te à No. Quamquam tibi concedere non possum,  
praepceptum illud tam strictim intelligendum esse,  
cum obscænitas representetur, non solum si dica-  
tur, Cum no, sed etiam Cum nī, Cum ne, & si-  
militer. Auctoritas enim Quintiliani genera-  
tim probat inter dictionem Cum, & uocem in-  
choantem à littera N. siue sit syllaba Na, siue Ne,

H siue

sive Ni, sive No, sive Nu, aliquid interijciendum  
 esse, quia in dictione Cum littera M, quæ exprimi  
 nisi labijs coeuntib. non potest, aut interstiteri nos  
 indecentissime cogit, aut continuata cum insequen-  
 te in natura eius corrumpitur, quæ ratio ualet de  
 qualibet uoce incipiente a littera N. & dictioni  
 Cum adhærente, ac notat deformitatem, aut inter-  
 sistendi, aut corrumpendi litteram M, dum muta-  
 tur in N. Si G. Si *Quintilianus* uerba illa sua  
 tibi uidetur ad alia retulisse: aut exemplum certe  
 ad Cum no tantum accommodauit. Ricc. Egre-  
 gie. Exemplum est, ut ita dicam, speciale. ergo quod  
 exemplo probatur, non potest esse generale? Nonne  
*Aristoteles* declarauit id, quod per se subsistit in  
 hunc modum? ἔστι δὲ οὐσία μὲν, ὡς ἐν τῷ πῶ ἐπ' αὐτῷ,  
 τοῦ ἀνθρώπου, ἵππου. Quemadmodum igitur sub-  
 stantia est, ut homo, equus, non tamen omnis sub-  
 stantia est homo, equus: sic iunctio prohibita uocis  
 Cum, & uocum incipientium à littera N, est, ut  
 Cum no: at non omnis iunctio prohibita est Cum  
 no, potest enim esse Cum na, Cum ni, Cum ne,  
 Cum nu. Itaque apparet generale esse præceptum,  
 etiam si exemplum sit speciale, cum ratio allata à  
*Quintiliano* sit generalis. Et auctoritas *Priscia-  
 ni*, quāuis agat tantum de uitato cacephato, cum di-  
 ctum est Nobiscum pro cum nobis: non tamen ic-  
 circò alia admittit cacephata. Nec excusatur Cum  
 natura, quia *Virgilius* dixerit, Cum nauibus. nam  
 & ibi cacephatum esse notauit *Seruius*. Et non  
 solum

solum Cum natura non excusatur, sed ne Cum nullo quidem, quia obscœnitas est in concursu litterarum uocem obscœnam quodammodo representantium. S I G. Ergo tu Seruij magis, quàm Virgiliij auribus, ac iudicio stabis? præsertim uero cum ille etiam Dorica castra apud eundem animaduertent, & alia omnia eiusdem generis, quib. tamen uidemus Virgiliũ esse plurimis delectatum? R I C C. Tunc maxime Seruij iudicio stabo, cum ex præceptis ipse iudicauerit, quemadmodum de hoc loco fecisse mihi uidetur. S I G. Quid de cæteris, ut Cum nostro uulneri medeamur, & similibus? An uero etiam de illis Cicero locutus est? Non puto. Itaq. & ipse, & reliqui Latini sic aliquãdo scripserunt. R I C C. Non negaui Ciceronem, aliosq. sic interdum esse locutos: sed dixi, non sæpe. S I G. Ratio, cur de illis Cicero locutus non sit, mihi uidetur esse, quòd in ijs non est Cum præpositio, sed aduerbium Quum. R I C C. At siue præpositio Tunc, siue aduerbium Quum iungatur cum uoce inchoante à littera N, obscœnum facit. Nam si dicatur, Quum nos te uolumus conuenire, Quum aduerbium est, & tamen, teste Cicerone ad Papyrium Pætum, obscœnitatem habet. S I G. Vide, quaeso, ne secus sit. Cicero enim ibi nullam, nec in re, nec in uerbo hæere obscœnitatem contendit. Si quidem ita scripsit; Quid, quòd uulgo dicitur, Quum nos te uolumus conuenire, num obscœnum est? Inde addit; Memini in senatu disertum consu-

larem, ita loqui, *Hanc culpam maiorem, an illam dicam? potuit obscœnius? non, inquis: non enim ita sensit. non ergo in uerbo est obscœnitas. Quippe declarauit, se nec Quum nos, neque An illam, obscœne edita reputasse, quia, qui id dixerunt, non id uoluerunt. Quare, si in sermone nulla erat sita deformitas, multo minus in scripto. Ricc. O miram subtilitatem, Quis non uidet ibi Ciceronem paradoxum Stoicorum defendere, quibus placebat suo quamq. rem nomine appellare? Supponit igitur Cicero, cum uulgo dicitur, Quum nos te uolumus conuenire, obscœnum esse ex linguæ Latinæ consuetudine, quam obscœnitatem etiam prohibuit in Oratore suo: sed tamen ex opinione Stoicorum per iocum (tota enim illa epistola iocosa est) non esse obscœnum disputauit. In fine tamen epistolæ contra scholam Stoicam ait, ὁ σοφὸς τὸ βυρρῆμον ἔσθ, quasi dicat, ut explicat Paullus Manutius, magnum lumen Latinitatis; Stoici superiora illa disputant: mihi autem hoc uidetur, sapientem ita loqui debere, ut obscœnitatem uitet: quod ego facio, Platonis uerecundiam seruans. Vides igitur ex communi consuetudine Latinæ loquendi, & ex præceptis oratorij, nihil interesse, quod attinet ad obscœnitatem, utrum dicatur, Cum nos, an Quum nos: utrumque enim obscœnum est, etiam si Stoici παραδόχον loco differant, nihil esse obscœnum, nihil turpe dictu cuius rei rationem Arist. lib. 3. Rhet. appellat σοφιστικὸν λόγον, & testatur, primum à Brysone fuisse*

se prolatam, quam tamen ipse soluit. eius uerba sunt, ἐτι δὲ τρίτον, ὁ λύει τὸν σοφιστικὸν λόγον. οὐ γάρ ὅς ἐστι βρύσων οὐδένα ἀισχρολογεῖν εἴπερ τὸ αὐτοῦ συμαίνει τὸ δε, ἀντι τοῦ τόδε εἰπεῖν. τοῦτο γάρ ἐστι ψευδός. ἐστι γὰρ ἄλλο ἄλλου κυριώτερον, καὶ ὁμοιωμένων μᾶλλον, καὶ ὁ οικιότερον τῷ ποιεῖν τὸ πρᾶγμα πρὸ ὁμμάτων. ἐτι οὐχ ὁμοίως, ἔχον σημαίνει τὸ δε ὥστε καὶ οὕτως, ἄλλο ἄλλου κάλλιον, καὶ ἀισχίον δετέον. ἄμφω μὲν γὰρ, τὸ καλὸν, καὶ τὸ ἀισχρὸν, ἢ τὰντα μὲν, ἀλλὰ μᾶλλον, καὶ ἥτιον. Dicebat igitur Bryson, Neminem turpi loqui. Nā si duo sunt, quæ idem significant, aut ambo pariter obscæna esse, aut neutrum. Non ambo, quod alterū eorum non esse obscænum, omnes fatentur. ergo neutrum. Respondet Arist. id esse falsum, primū quod aliud alio magis proprium, & similis est, & ad rem ante oculos constituendam accommodatius: deinde quia sæpe eadem res aliquo modo est honesta, aliquo modo turpis. Itaque uocabula, quæ exprimunt rem, quatenus est honesta, debent honesta existimari: quæ exprimunt rem, quatenus est turpis, turpia. Quamobrem mittamus sophisticas rationes, & a communi linguæ Latine consuetudine, atq. a præceptis Rhetoricæ artis non discedamus. Obiter autem, cum interpretatus sis in hunc modum; Num obscænum est? quasi dicat, minime; opinionem meam uideo tua interpretatione confirmari, ut dictio Num præponenda sit interrogationi exigenti negationem, contra quàm factum est in



ista Cōsolatione, ubi legitur; Num credamus filij mortem honestam, ac pro patria susceptam tali patri futuram fuisse iucundissimam? & Num ei multo melius euenisset? Quod uero ais, si in sermone nulla erat sita deformitas, multo minus in scripto, uideris fouere opinionem illorum amicorum tuorum, qui putant elocutionem scriptionis minus exaltam esse posse, quàm dictionis. quod tamen ex doctrina Aristotelis satis refutauimus. Verum, cum adhuc ostenderim obscenitatem repræsentari, non solum, si dicatur, Cum no, sed etiam Cum ni, Cum ne, & similiter: & ne me quidem negare, Ciceronem interdum sic locutum esse, sed uim argumentationis in eo ponere, quod Cicero non scipe, iste uero auctor sepe huiusmodi obscenitate sermonis usus sit: præterea siue præpositio Cum, siue aduerbium Quum iungatur cum uoce inchoante à littera N, semper obscenitatem esse, quæ ad refellenda tria prima argumenta tua pertinnerunt: quid aliud offers? S1G. Non de re nihil aliud. RICC. Recte facis: quoniam duo postrema argumenta tua satis à me aliàs sunt refutata. S1G. Obiter notasti in eo loco; Credamus sanè Apollini Delphico, qui exoratus a Trophonio, & Agamede, à quib. templum magnifice Apollini exædificatum Delphis erat, ut, quod esset optimum homini, tribueret, post diem tertium exanimis sunt inuenti; dictum fuisse, Apollini exædificatum, pro Ipsi exædificatum. prohi Dii immortales, hæc crimina eiusmodi sunt, ut aut tu inferendo,

do, aut ego depellendo fatiger? Non'ne Cicero alibi idem, ut docui, fecit? atq. ea loca eiusmodi sunt, ut in ijs docti pariter prænomen secundo loco libentius audirent. Ricc. Notavi id, quia, quamuis non damna rem earundem uocum repetitiones, quæ uenuste fierent; tamen ibi uox Apollini non satis pulchre mihi repetita uideretur. Sed addidi τὸ πρῶτον μέγιστον, in eodem loco solæcismum commissum esse, Qui exoratus, exanimes sunt inuenti. Sic. Sed iam ueniamus ad ea, quæ tu parum propria nominasti. Ricc. Veniamus.

PRO SEPTIMA CONIECTVRA,  
quòd quædam sint minus  
propria.

SIGONIVS.

**E**X minus proprie dictis hoc præcipuum statuisti, Animum ad futuram uitam, tamquam ad patriam, euolare: & dixisti te non laborare de sententia, quæ potuit esse eadem & Ciceronis, & Platonis, & nostrorum Theologorum, ut animi, cum è corporib. excesse-  
rint, si fuerint casti, puri, integri, incorrupti, bonis etiam studijs, atq. artib. expoliti, in cælum, quemadmodum etiam in priori iudicio scripsisti, tamquam in domicilium suum peruenirent. Sed quaesivisti de elocutione, ubi nam Cicero eam uitam,

quæ post mortem habetur, appellarent patriam. Ego uocem ipsam non propriam, sed translata[m] esse confiteor. Translationis autem auctor fuit Plato, qui dixit præsentem uitam esse peregrinationem. ex quo sequitur, ut Cicero futuram, tamquam patriam appellare potuerit. Constat enim omnia licere per similitudinem efferre, maxime adiecta particula Quasi, aut Tamquam. RICC. In orationib[us] testatus es, non Platonem dixisse, præsentem uitam esse peregrinationem, sed Aeschinem in Axiocho. Quare uide, quàm tibi constes. Sed ut Plato, uel Aeschines (nihil enim hoc ad rem) dixerit præsentem uitam esse peregrinationem, sequitur ne continuo, potuisse Ciceronem futuram uitam, tamquam patriam appellare? si præsens uita est tamquam peregrinatio, is potuisset fortasse dicere satis congruenter, Ad futuram uitam, tamquam ad patriæ usum euolare: si quidem ut præsentis uitæ futura opponitur, sic peregrinationi patriæ usus; uel in cælum, tamquam in patriam, quemadmodum dixit Cicero in prima Tusculana, In cælum, quasi in domicilium suum: sed ad futuram uitam, tamquam ad patriam, quàm congruenter dicere potuerit, non uideo. Longe enim aliter sentio, quàm tu scribis, Omnia licere per similitudinem efferre: sed similitudinis conuenientiam requiro, ac, tametsi solertis, acutiq[ue] ingenij esse intelligo, cernere, quid in reb[us] multum inter se distantib[us] simile sit, ac in dissimili genere inuenire similitudinem:

nem : tamen translationes non facile admitterem,  
 quæ parum congruentem habere similitudinem ui-  
 derentur; qualis ista potest apparere, ut uita, quæ,  
 ut tradunt Philosophi, est actio animi, appelletur  
 patria, quæ non est actio, sed laus, ubi ipsa actio  
 exercetur. Ac potest quidem uita appellari pere-  
 grinatio, quæ est quoque actio quædam, & fortasse  
 etiam patriæ usus, quia tunc maxime homines ui-  
 uere existimantur, cum patria perfruuntur, quo  
 fructu qui propter exilium carent, ciuilitate mor-  
 tui apud iurisperitos dicuntur: sed, an possit no-  
 minari patria, quod magis cogito, eò maiorem ani-  
 mo concipio dubitationem. Neque uero hæc mihi  
 eximitur, quod dicatur Tamquam, uel Quasi,  
 quod genus loquendi apud Aristoteli dicitur εἰκὼν,  
 & ut tradit Cicero, ualet plurimum ad mollien-  
 dam translationem, quæ esse paullo durior uidetur:  
 quia in translatione quantumuis mollita debet, ut  
 dixi, apparere aliqua conueniens similitudo. Quod  
 fortasse significauit Aristoteles, cum scripsit, ὅτι λα-  
 βεῖν οὐκ ἔστιν αὐτὸ πᾶρ ἄλλου. quem locum quam-  
 uis tu explicaueris, ut multi quoque alij, placere  
 Aristoteli, Translationes ex se excogitari, nō aliun-  
 de assumi, ita ut illud Ab alio intelligendū sit Ab  
 alio auctore: tamen non desunt, qui explicent, Ab  
 alio, id est, longe diuerso, et parū simili. quod efficit  
 τὸ ψυχρὸν ἐν ταῖς μεταφοραῖς, si sint ἀσαφεῖς, pro-  
 pterea quod petita sint, ut ait Arist. πρὸ ῥῶθεν. cu-  
 iusmodi ista metaphora existimari potest, quæ pa-  
 tria

tria acipitur pro uita futura. *Utrumque tamen sit, non debemus quærere, quid potuerit, aut non potuerit Cicero dicere, qua in re falli possumus, sed, quid dixerit, & an aliàs ita locutus sit. quod eum fecisse quia non probat, non facile tibi assentiendum esse arbitror, hanc metaphoram esse Ciceronianam, id est, Ciceroni congruentem, & Ciceronis propriam: sic enim intellexi, & non patriam eo in loco esse uocem propriam, ut meum sensum prauè interpretatus es.* S I C. *Alterum minus proprie dictum illud notasti; Præfinitum esse terminum à Deo, quem præterire, aut ex quo egredi nemini liceat.* R I C C. *Minus proprie, id est, Christianis, quàm Ciceroni congruentius, cum ex dicto Iob sumptum esse uidetur.* S I C. *Habeo: sed quis non hanc etiam sententiam esse Platonis, & aliorum gentilium nouit?* R I C C. *Ne hoc quidem in loco laboro de sententia, cum ego quoque legerim in Timæo, Animal unumquodque ab ortu fatale uiuendi spatium in se ipso continere: sed quæro de elocutione, ubi nam Cicerò dixerit, præfinitum esse uitæ terminum à Deo, qui præteriri non possit. quæ elocutio ex capite 14. prophetæ Iob sumpta est. Id si ostenderis, de eo amplius non controuersabimur.* S I C. *Non est, quòd planum faciam, hæc uerba esse Ciceronis, quia ad rem non pertinet.* R I C C. *Scite, ergo ad rem non pertinet ostendere huiusmodi elocutionem fuisse aliàs à Cicerone usurpatam, & hoc modo esse propriam eius, ut in ista Consolatione*

tione non reprehendatur, tamquam ea, quæ sit ma-  
 gis Christianorū, quàm Ciceronis? S I G. Satis est,  
 ut ostendam, non esse Iob. R I C C. Magnum erit, si  
 hoc ostenderis. S I G. Sic Iob de homine loquitur;  
 Constituisti terminos eius, qui præteriri non pote-  
 rūt: at hic, præfinitum esse terminum à Deo, quem  
 præterire nemini liceat. R I C C. Et si uerba non sunt  
 prorsus eadem, tamen & sententia, & eloquendi  
 ratio eadem est; Constituisti terminos Deus, Præfi-  
 nitus est terminus à Deo. Qui præteriri non pos-  
 sunt, Quem præterire nemini liceat. Quis merito  
 negabit hoc ex illo sumptum esse? S I G. Cur po-  
 tius dicemus Ciceronem ab interprete Iob, quàm  
 interpretem à Cicerone illud, Præterire terminum,  
 accepisse? præsertim uero cum censet, ipsum Cice-  
 roniam fuisse. R I C C. Non est dicendum, Cice-  
 ronem ab interprete Iob huiusmodi dictum acce-  
 pisse, siquidem Cicero ante Christum natum flo-  
 ruit, at S. Hieronymus interpres Bibliorum post  
 Christi natalem diem circiter annum quadringen-  
 tesimum: sed est putandum istum recentem scripto-  
 rem Consolationis, istum personatum Ciceronem  
 ab ipso S. Hieronymo mutuatum esse. Et, ut inter-  
 pres Iob modum dicendi à Cicerone acceperit,  
 quem tamen huiusmodi umquam sententiam protu-  
 lisse non constat, etiam iste imitator potuit ab inter-  
 prete accipere. S I G. Si, quia aliquis liber habet  
 aliqua uerba sacrorum Bibliorum, idcirco Cice-  
 nis non est; ne liber quidem primus de natura deo-



rum erit Ciceronis, quia ibi scriptum sit, Nihil semper in suo statu manet: at uero apud Iob eodem in loco, Homo numquam in eodem statu permanet. R. c. Non dico ualere hoc argumentum, Aliquis liber habet aliqua uerba sacrorum Bibliorum, ergo Ciceronis non est: fieri enim potest, ut aliquod dictum sit commune & Biblijs sacris, & Cicero-  
 ni, quemadmodum illud, quod protulisti: sed existimo hoc ualere; Liber habet dictum sacræ scripturæ, quod est in ore Christianorum, quodq. non apparet à Cicerone umquam usurpatum esse, & habet alia multa, quæ minime redolent Ciceronem, ergo suspectus esse potest, tamquàm non Ciceronis. S. g. Tertium reprehendisti tamquàm minus proprium Ciceronis; Animum simul cum homine interire. Nam cum obseruaueris apud Ciceronem hominem esse animum, interpretatus es, animum simul cum animo interire, idq. absurdum esse affirmasti. Ego autem puto hominem non solum pro animo usurpari, sed etiam pro corpore, ut Animum simul cum homine interire sit animum simul cum corpore interire. Cumq. multa alia disputauerimus, totam disputationem nostram redigo ad perpendendum locum Platonis in Phædone, ubi accipitur homo pro corpore, cum legitur, Num eodem die animus deletur, quo homo moritur? R. c. Dixisti, hominem mori nihil aliud esse, nisi mori partem eius mortalem, nempe corpus. Id ego refutavi, quia Plato in Gorgia definiuit mortem esse dissolutionem

lutionem animi, & corporis, unde intelligitur, hominem mori non esse simpliciter corpus interire, sed animum à corpore dissolui. In loco autem Phædonis accipi hominem non pro solo corpore, sed pro toto composito, quasi dicatur, Num eodem die extinguitur animus, quo totum compositum dissolvitur, & fit animi à corpore dissolutio? S I G. Nego ita esse. R I C C. Quomodo merito negare potes, si nunquam apud Platonem homo accipitur pro solo corpore, sed semper aut pro idea hominis, aut pro solo animo, aut pro composito? ut necesse sit, cum legitur homo apud Platonem, uno de his trib. modis eum interpretari. Primum enim homo est idea hominis in mente Dei collocata, in qua Platonici considerarunt ideas, ut constat ex lib. 7. de Rep. & ex Timæo. Deinde est solus animus, ut probatur in Alcibiade primo, quia instrumentum non est pars opificis: homo est opifex, corpus instrumentum eius; ergo corpus non est pars hominis. & homo est, qui imperat, & dominatur: solus uero animus imperat, & dominatur: at corpus paret, & seruit. postremo homo est compositum quoddam ex animo, & corpore, & hoc modo intelligitur in Phædone a te citato, S I G. Iam negavi. R I C C. Ne amplius neget, considera hæc uerba Platonis in ipso Phædone; Aliud ne quid nos ipsi sumus, quam partim corpus, partim animus? Nihil aliud. Quas tres hominis acceptiones explicauit quoque Plotinus Enneade 6. lib. 7. cap. 5. Non  
posse

posse autem accipi hominem in quarta significatio-  
 ne, quam tu attulisti, apparet ex eo, quia opinio il-  
 lorum, qui putarunt hominem esse solam materiā,  
 & solum corpus, primum a Pythagora, deinde a  
 Platone, denique ab Aristotele reiecta est. Quo-  
 niam uero in secunda significatione homo a Cicero  
 ne acceptus est, ut probavi ex lib. 6. de Rep. & ex  
 1. Tusc. iccirco scripsi, & recte scripsi, ex opinione  
 Ciceronis interire animum cum homine, esse interi-  
 re animum cum animo, & hoc modo a<sup>l</sup> surde, &  
 improprie dictum, si personam ipsius Ciceronis spe-  
 ctemus. SIG. Aliter ego sentio, ut de alijs omnibus.  
 sed, ut uideo, restant, quæ tu minus Latina uocasti.

## PRO OCTAVA CONIECTVRA, quòd quædam sint minus Latina.

RICCOBONVS.

**R**ECTE admones. primū uero declara-  
 ui, me minus Latina dupliciter intel-  
 lexisse, uel comparate, minus, & ra-  
 rius à Latinis usurpata, etiam si for-  
 tasse apud non nullum scriptorem inueniantur:  
 uel simpliciter non usurpata; quib. duob. modis acci-  
 pi minus Grammatici docuerunt. Ac primo sensu  
 scripsi, Filio suo, pro filio eius, esse minus Latinū.  
 SIG. Vnum aduersus te reuolui exemplum. RICC.  
 Ostēdi te nihil profecisse. SIG. Alij uiderint. RICC.  
 Eoq̃ primo sensu notauī Pœnitendum statum mi-  
 nus

nus. Latine dictū esse. S I G. At Pœnitendus uox est à Liuiο, ut docui, & Suetonio optimis in primis Latinitatis auctōrib. usurpata. R I C C. Est minus Latina, id est, minus, & rarius in Latinorum scriptis adhibita. Accedit, quòd, ut alij quoque uiro doctissimo respondi, Liuiο obiecta est à Pollione Asinio Pataunitas, id est, ut interpretatur Quinctilianus, peregrinitas sermonis, & in nonnullis uerbis minus Latinum loquendi genus. Quamquam dixi per Pataunitatem aliud intelligi posse, ut significauerit Pollio eam, quam Caius princeps, parum amicus Liuij, appellauit uerbositatem, artificiose nominans uicinum uitium pro uicina uirtute. non enim in Patauinis est uerbositas, sed eloquentia.

Quæ enim inimicis uerbositas potest uideri, amicis est eloquentia. Quam Pataunitatem, & nobilissimæ patriæ suæ proprietatem mire Liuium in historia sua secutum esse affirmari, etiam si, ut notauit Quinctilianus, aliquot peregrinas uoces in Latinitatem inuehere uisus sit. Atque hæc in nonnullis uerbis peregrinitas obijcitur quoque Suetonio, ut etiam stylus tenuis, & qui Grammaticum magis, quàm Historicum sonet. S I G. Ita ne uero? tu post hac poteris superbas te aures habere negare, aut si quis fortasse id dixerit, insignis contumeliæ loco accipere, cum Liuium, Suetoniumq. contemnas, quos ipsa in primis est admirata antiquitas? R I C C. Negabo, & uere negabo, me ulla umquā superbia elatum esse, insignemq. contumeliam existimabo, ut me-

merito alias existimaui, si quis id mihi uitio uerte-  
 rit, & uoluerit etiam, si Dñs placet, nugatorijs qui-  
 busdam captionib. contumeliam occultare, atq. in  
 ea inferenda persistere, eosq. uere superbos nomina-  
 bo, qui uel præter causam, ut aliquid pulchri, &  
 ingeniosi dicere uideantur, optimos scriptores cri-  
 minantur: ut tu ipse fecisti, cum errorem Liuij no-  
 tasti, quòd lib. 44. L. Valerium Tribunum pl. sic  
 contra Catonem Consulem loquentem introduce-  
 rit, ut se Origines eius aduersus eum reuoluturum  
 esse denunciarit, quos tamen constat Catonem lon-  
 ge post Consulatum conscripsisse. Hæcine est bene-  
 uolentia, quam in Liuium illum, illum inquam tuū  
 exerces, à cuius fonte ad magnam hominum famā  
 profluxisti? Quem ego, ne in eum ingratus uide-  
 rer, qui suis lucubrationib. tantum mihi amplitu-  
 dinis, atq. ornamentorum attulisset, potius defende-  
 rem, diceremq. M. quidem Catonem in extrema  
 ætate sua libros Originum confecisse, sed ante con-  
 sulatum inchoasse, eiusq. rei famam, ut de clarissi-  
 morum scriptorum solet operib. ad omnes perma-  
 nasse, ut potuerit illas L. Valerius in consulatu eius  
 nominare, etiamsi nondum ipsas uidisset, quasi di-  
 xerit, Ego reuoluam non manib. sed animo, & ora-  
 tione aduersus te Origines tuas, quas te scribere fa-  
 ma est. Commemorauit quoque Propertius Aenei-  
 dem Virgilij, priusquam illa edita esset, cum lib. 2.  
 scripsit; Cedite Romani scriptores, cedite Graij,  
 Nescio quid maius nascitur Iliade.

quo ex loquendi modo intelligitur Aeneidem adhuc inchoatam in honore, & in existimatione fuisse; & poemata, atq. historias nobiles, etiam non editas fama, & sermonib. hominum celebrari consueuisse. cuiusmodi etiam uidetur illud Horatii de Pollione, qui instituerat mandare litteris bella ciuilia, neq. tamen adhuc absoluerat, aut ediderat, li. 2. Carminum;

Motum ex Metello consule ciuicum,

Bellique causas, & uitia, & modos, &c.

& paullo post; Paullum seueræ Musa Tragedia

Desit theatris: mox, ubi publicas

Res ordinariæ, grande munus

Cecropio repetes cothurno.

quæ uerba indicant historiam inchoatam, nec absolutam. Iam sic defenderem Liuium: uel si non possem defendere, at saltem temere, & præter rem non accusarem. Tu igitur ea in re ualde Liuium contempsisti. Ego uero nec Liuium, nec Suetonium, ut tu criminariis, contempsisti; sed ut illum a uerbositate defendi, sic quæ illi, & huic ab aliis obiecta sunt, ad meam defensionem traduxi. Quare non est, cur tua superbia me in hominum odia trabas. S. C. Accipe in bonam partem, quæ dico: nam ego sexagenarius te quadragenarium, ut filiū prope iure meo moneo. R. C. In eam partem accipio, in quam debeo: sed pergamus. S. C. Addidisti etiam illud esse minus Latinum; Is se hominem esse meminere; nihil autem humanius esse mortē; ut si non ab ipso



diuelli, atq. auferri posset, dijs propior habendus esset, quàm hominib, nec omni ex parte hominis nomen ipsi congrueret, quia communi, & præcipua hominis conditione non uteretur. In hac re leuissima obmutueram. Nunc dico recte ista omnia se habere, atq. ita exponenda esse, se hominem esse meminert, nihil autem humanius esse morte, id est, nihil magis proprium hominum esse morte, ut, id est, usque adeo ut si mors ab ipso diuelli posset, dijs propior haberi posset, quàm hominib, R 1 c. Obseruaui in quarta disceptatione mea Humanum, cum sit cōparatiuum, aut superlatiuum, uideri benignum significare, præcipue apud Ciceronem, non quod hominis est proprium. Illum autem loquendi modū, qui congruit sic; Itaque, si mors ab ipso diuelli, atque auferri posset, dijs propior habendus esset, uel Quæ si ab ipso diuelli, & c. minus probare possum, si referatur ad uocem Vt, S 1 G. Verum fac aliquas in hoc libro labeculas residere iniuria librariorum contractas, cur non eas docti adhibito studio delēt? R 1 c. Labeculas appellas maximas maculas, & grauissima non librariorum, sed ipsius auctoris errata? At hæc plura sunt, quàm quæ sanari facile possint. S 1 G. Num plura, quàm quæ in epistolis quondam ad Att. aliorumq. librorum uoluminib. reperta sunt? R 1 c c. Certe plura, si debita ineatur proportio, & non solum uerborum, sed etiam rerum errata connumerentur. S 1 G. Quarto loco reprehendisti illud: De quo est apud Herodotum, illum

lum Xerxi respondisse. quinto illud; De quo traditum est, nihil eum putavisse. Cum autem hortaris, ut ab eo dicendi genere, tamquam impuro, abstinemus, quid aliud hortaris, quàm ut Ciceronem in Bruto impure locutum esse arbitremur? qui sic dixit; De quo sit memoria proditum, eloquentem fuisse. **RICC.** Non id hortor; indigne enim ex instituto tuo me criminaris. Nam locus videtur dissimilis, si integer legatur in hunc modum; Quem uero extet, & de quo sit memoria proditum, eloquentem fuisse, & ita esse habitum, primus est M. Cornelius Cethegus. Illud enim Eloquentem fuisse, et ita esse habitum, referri debet ad illud, Quem uero extet. præterea hic locus, non habet Illum, uel Eum. Et, si darem esse similem locum, quod tamen non do, negari tamen non posset, tale loquendi genus esse minus, & rarius à Latinis usurpatum. Iam tu astute illa uerba omisisti, Quem uero extet, & succenses, quòd astutus nuncuperis? **SIG.** Quod in iis sexto loco, te Latinitatis studiosis illud iudicandum relinquere, Lacanas matronas traditum est occisis filiis uulnera inspicere consueuisse. contra uero quos auersis uulnerib. concisos agnoscebant, ab ijs refugientes, clam sepeliendos curabant, nec statuebant, pro curasse, nec statuisse: quid aliud admones, nisi ut iudicemus, an Cicero in primo de Oratore Latine dixerit? Dicitur memini L. Crassum in Tusculanum se contulisse. Venisse eodem Q. Mutius dicebatur. exierant autem cum Crasso Cotta, &

*Sulpitius. Exierant autem, id est, Exiisse autem, et in tertio; Namq; latus tū ei condoluisse, sudoremq; multum consecutum esse audiebamus. Ex quo cum cohorruiſſet, cum feбри domum rediit, id est, rediisse. Demetrii autem Phalerei præceptum est, afferre amplitudinem in figuris, si non in eodem casu maneat. idq. probat exemplo Thucydidis. Ricc. At ne hi quidem loci uidentur similes. Nam in primo illa uarietas est maxime elegans; Dicitur memini L. Crassum: Q. Marius dicebatur: Exierant autem cum ipso Crasso. Nec poterat optari Exiisse, nisi subintelligeretur uox pluralis Dicebantur. In secundo autem interrupta est series uerborum per illud; Ex quo: nec poterat congruere uox Rediisse, nisi adderetur uox Eum. At in loco Consolationis sine ulla alterius uocis subintellectione, & siue ulla additione optime quadrassent illa uerba, Curasse, nec statuisse; ut minus congerentes mihi uidetur dictū, Curabant, nec statuebant; quod deberet pendere ab illo; Lacænas matronas traditū est. Quod attinet ad Demetrii præceptum, amplitudinē quidem habet non in eodem manere casu, sed congruenter, ut apud Thucydidem, cuius uerba congruentissime probata, quā similia sunt uerbis Consolationis, ubi deformis fieri casuum mutatio uidetur, studiosorum iudicio reliqui. Sic. Quæ, malum, est ista ratio, ut omnia ferme argumenta una, atque eadem responsione refellas? ut semper similitudinem abnuas? quod lumen ex eiusmodi responsione*  
*elucere*

elucere putas ingenij? quid enim expeditius, ne dicam obtusius, esse potest, quàm aut uocem aliquam Latinam esse negare, aut exemplum esse dissimile responderet? R. 1 c c. Facile patior, me maledictis superari, dummodo rationib. non uincar. Obtusio tamen potius uidetur esse eius, qui non intelligat, nihil admitti posse tamquam Latinum, quod haud optimorum scriptorum auctoritate, non adumbrata, & captionib. distorta, sed clara, & recta comprobetur; quiq. non uideat, optimam esse rationem refellendorum exemplorum, si non similia ostendantur. scribe[n]te Aristotele, *μαχρτέον, ὅτι τὸ πρὸν οὐχ ὁμοίον, ἢ οὐχ ἑμείας, ἢ διαπορὰ γὰρ τίνα ἔχει.* S. 1 c. Sed uideo finem. Extremum illud est, quod tu temere obiecisti, Adeo quòd. Ego uero hoc crimen temere simulatum esse dico, id est, fortuito, ac sine longa, ut saepe fit, animi meditatione conflatum, atq. ut dixit Cicero, temere effutitum. R. 1 c c. Ille locus duplicem sensum habere potest, quorum primus est is, quem ego dubitandi causa attuleram. Quandoq; animus medicinam refugit, idq. euenit maxime, cum dolore affligimur propter nostrorum mortem. Sed qua de causa id euenit? Respondet auctor; Ex eo fit, quòd erepti uel amici, uel affinis, uel filij cogitatio adeo nobis grata est, quòd illum pene ante oculos constituere uideatur, id est, adeo nobis grata est, ut, quia ea ualde delectatur, constituere nobis illos ante oculos uideatur. Nam, ut tradit Arist. *καὶ ἐν τοῖς πένθεσι,*

καὶ θρίνοις ἐγγίνεταιῖς ἰδὼν τῷ μεμνησθαι, καὶ  
 ὁρᾶν πως ἐκείνόν, καὶ ἀεπραττε. καὶ ὁλοσὺν. διὸ καὶ  
 τοῦτ' εἴρηται, ὥς φάτο. τοῖσι, δὲ πᾶσιν ἐφίμερον ὥρσε  
 γοῖο. Sequitur conclusio; *Vt, id est, ita ut, etiam si*  
*dolorem refricet, & lacrymas eliciat, tamen eam*  
*deponere nolumus, & hoc modo medicinam refu-*  
*giamus. Qui sensus adeo accommodatus fuit ad du-*  
*bitandum, ut etiam quosdam amicos tuos, alioquin*  
*uiros doctissimos, & maximo ingenio praeditos, ad*  
*id adduxerit, ut probare conati sint. Adeo quod esse*  
*Latinum, auctoritate Ciceronis pro Archia ab ip-*  
*sis non intellecta. Alter sensus est is, quem ego quo-*  
*que uideram, ante quam tua legissem scripta, &*  
*quo tu tam saepe contra me gloriaris, ut loquatur*  
*auctor in hunc modum; Medicinam refugimus, in*  
*obitu nostrorum, quia cum cogitatio eorum nobis*  
*grata sit, ponens eos nobis ante oculos, medicinam*  
*refugimus, ut si quis diceret, Homo est substantia,*  
*quia, cum animal sit, est substantia. Quem locum,*  
*quoniam nolui sophisticè agere, ingenue confessus*  
*sum, melius à te, quam ab illis amicis tuis explica-*  
*tum esse. Cum autem omnia dubitandi causa ua-*  
*lere debeant, pro uno errore satis tua responsione*  
*purgato, reposui duos, quòd in proposuione uidea-*  
*tur aliquid desiderari, & quòd in probatione pro-*  
*posuionis adhibita sit uox, Affinis, pro quolibet*  
*propinquo, ut etiam multis alijs in locis. Atque, si*  
*lapsus essem, & non nullis in reb. cecutisse existi-*  
*marer, (quis enim, inquit Cicero, est tam lyncæus,*  
 qui

qui in tantis tenebris nihil offendat, nusquam incurrat?) in eo saltem probari deberem, quod nulla pertinacia utor. non enim parum cognosse, sed in parum cognito stulte, & diu perseuerasse turpe est; illudq. communi hominum infirmitati, hoc uero singulari uniuscuiusq. uitio attribuendum est.

Quid tu putas te in omnibus oculatum fuisse, & omnia sapienter protulisse? Relinquo id oneris alijs, ut enumeret, quæ à te in hac causa existimari possunt temere effutita, quæ fortasse sunt plura, quam quæ mihi obijcis.

## EPILOGVS.

## RICCOBONVS.

**V**T tandem peroremus, demonstraui, sententiam illam in principio positam, siue probabilis, siue improbabilis, siue certa, siue controuersa, seu uera, seu falsa esset, rationem ullam non postulasse, ac sapientum, quos ille nominauit, auctoritate contentam fuisse. **RICC.** Ostendi absurdam esse eiusmodi rationem, ut dicatur aliquid non indigere ratione, quia probabile sit, illamq. sententiam probaui non modo probabilem non esse, sed falsam esse, & nullo-  
rum sapientum auctoritate firmatam. **SIG.** Demonstraui, quæ tu maxime contraria (nam minime pro maxime temere te uideo effudisse) in Catone



dixisti, ea nequaquam eiusmodi esse. R I C C. Ostendi uituperationem senectutis in Consolatione factam, mire (temere enim, & prauis senectutis tuæ conspicijls legisti Minime, pro Mire pag. 47. lin. 14. quemadmodum etiam temere in me allatrando Scipionem maiore pro Catone maiore nominasti) repugnare ijs, quæ in Catone maiore scripta sunt. S I G. Demonstravi, quæ ex alijs Ciceronis libris translata notasti, omnia ex consuetudine Ciceronis allata, pro arbitrio immutata, & sine deprauatione adhibita esse; Ciceronem autem non à Mureto, sed Muretum à Cicerone, uel te concedente, sumpsisse. R I C C. Ostendi ea non solum aliunde surrepta, & paullis per immutata, sed etiam ualde deprauata, nec Ciceronem, sed simulatorem Ciceronis à Mureto accepisse, Mureti autem nec primum locum, qui longissimus est, nec secundum fuisse ex Cicerone expressum, sed fortasse tertium, (id enim solum dedi) quem tamen iste simulator imitatus sit. S I G. Demonstravi ueterem Sigonianum fragmentorum ordinem certiorē esse, quàm eum, quem tu modo à te ipso recedens ostentādi ad tempus ingenij gratia confinxisti; quæq. Sigonius paullo ante coniecit, quoniam ratione, non uaticinatione continerentur, fieri posse, ut olim à Cicerone perscripta sint, quemadmodum tu in alijs tuis commentarijs alias approbasti, quæ sunt addita, ea buius maximi libri ueritatem confirmare, ac recte Consolationem eo modo patefacta Lactantij sententia perorata

ratam esse. RICC. Ostendi ordinem quidem Sigon-  
 ianum ingeniosum esse, sed certiore esse eum,  
 qui ex ipso Cicerone colligitur; & Sigonium quo-  
 dammodo profiteri se uatem esse, cum tam acriter  
 foueat ordinem à se excogitatum; fieriq. non po-  
 tuisse, ut Sigonius omnia prorsus fragmenta suo or-  
 dine digesserit; ac me alias ordinem Sigonianum  
 approbasse, quia Sigonio nimium credidi; turpis-  
 simumq. esse, ut locus Miloniane & locus Petrar-  
 chæ pro fragmētis Consolationis uenditentur; atq.  
 ex Lactatio satis apparere, aliter locutum esse Ci-  
 ceronem in Cons. de Fortuna, quàm iste Cicero  
 expresserit simulatus. SIG. Demonstrauī exempla  
 omnia idoneum ordinem obtinere, neque ex ijs li-  
 brum simulatum esse, argui posse. RICC. Ostendi  
 exempla quædam ordine inuerso narrata esse; idq.  
 argumētum si non solum, at certe coniunctum cum  
 alijs multis probare libri falsitatem. SIG. De-  
 monstrauī uocabula, & iuncturas illas, quas tu  
 tamquam à Ciceronis præceptis alienas notasti,  
 non item esse. RICC. Ostendi, ut notaueram, ita  
 esse. SIG. Demonstrauī, quæ tu parum propria di-  
 xisti, defendi nō posse. RICC. Ostendi defendi nō  
 posse. SIG. Demonstrauī denique, quæ tu tamquam  
 parum Latina reprehendisti, rationib. atq. auctori-  
 tatib. confirmari. RICC. Ostendi denique illas ra-  
 tiones, atq. auctoritates nihil ualere. SIG. Mirum  
 est, quòd isto ingenio, ac prudentia præditus non  
 perspicias, aut aliter hanc causam tibi agendam  
 fuisse,

fuisse aut ex his omnibus haud effici, hunc librum Ciceronis non esse; qui uero tecum, ut gloriaris, consentiunt, eos alij, & quidem fortasse firmioribus rationib. ad eam sententiam descendisse; te uero in huius libri iudicanda quasi pictura, non colorem ipsum, unde maximi similitudo elucet corporis, sed extrema tantū lineamēta spectasse. R I C C. Meum mihi ingenium, ac prudentia, qualecumque, & qualiscumque sit, dicat, & hanc causam non aliter, quā egi, mihi agendam fuisse, & ex his omnib. quæ in primo iudicio expressa sunt, confici, istam Consolationē Ciceronis non esse, quæ si per se haud satis esse uideantur, fortasse coniuncta cum ijs, quæ in quarta secundi iudicij disceptatione collegi, satis erunt. Ac gaudeo quidem doctos mecum quamplurimos consentire, etiam si extenuandi tuo more negotij mei causa illos firmiorib. rationib. ad hanc sententiam descendisse dicas: sat enim habeo uidere te consistentem, cum meæ rationes, ut arbitror, satis firmæ sint, etiam firmiores contra istam Consolationē adduci posse; ut si non probationes meæ, at saltem conclusio contra opinionem tuam uera esse uideatur. Me uero existimo in isto libro discernendo non nēuos, & crepundia, sed totum corpus spectasse, & in istius Consolationis quasi pictura internoscenda non extrema tantum lineamēta, sed colorem ipsum intuitum esse, quæ uere pictura est, siquidem ficta. Quid profecerim, alij, quā tu, iudicabunt. S I C. Ego, qui propter meam erga te beneuolen-

nevolentiam in tuis scriptis indicandis sum ceteris aliquanto remissior, illud doleo, quod me hominem tui ab ineunte ætate studiosissimū crebris tuis procurationib. quasi molestum aliquem aduersarium inuitum ad hanc responsionem attraxeris. **RICC.** Nescio, quos ceteros intelligas, nisi quosdam æspn-  
tous, quorum factum minime curo. Quod uero con-  
quereris de prouocationibus meis, iniuste facis, ut  
cum me ab ineunte ætate tui obseruantissimū pro-  
pter iudicium meum in incertam personam non  
sine honesta nominis tui commemoratione conscri-  
ptum duab. tuis orationib. atriter prouocaueris, &  
multis probris maledictisq. uexaueris, etiam pro-  
uocantem appelles, & noua responsione nouarum  
iniuriarum plenissima inuitum ad nouam defensio-  
nem attrahas. **Si C.** Cum ego aliud prope agens di-  
xissem, propter unā figuram Traductionis a **Quin-**  
**tiliano** prolata **Rhetorica ad Herennium** à **Ci-**  
**terone** ad **Cornificium** esse translata, tu terepente  
intulisti, inquires; Non una figura, Traductio, sed  
res quindecim à me collectæ hoc effecerunt. Quod  
ubi ipse tradideris, fateor, me adhuc ignorare. Ve-  
rum hoc nihil ad causam. Me uero, ut ita scribe-  
rem, impulit, quod scriptum in **Rhetoricis** ita ui-  
debam; Traductio est, cum idem uerbum modo  
ponitur in hac, modo in altera re, hoc modo; Ama-  
ri iucundum est, si curetur, ne quid insit amari.  
Apud **Quintilianum** uero hoc pacto; Aliter quo-  
que uoces, aut in eadem, aut in diuersa significa-  
tione

tione ponuntur, ut *Amari iucundum est, si curetur,*  
*ne quid insit amari.* Cornificius hanc Traductionem uocat, uidelicet alterius intellectus ad alterum. Nomina uero figurarum quindecim, quæ tu infers, in utroque illa quidem libro & *Herennij,* & *Quintilianij* reperiuntur. uerum neque exemplis eisdem, neque Cornificij nomine insigniuntur, unde certo *Rhetorica* ea esse Cornificij colligatur. **Ricc.** Quod in tuis orationib. pertinet ad materiam fragmentorum amplificandam, epilogo, maioris aculei gratia, reseruasti. Nesciebam uero, te tam labili esse memoria, ut oblitus esses, me, priusquam ederem, ad te misisse *Bononiam Commentarium* meum manuscriptum, quo per locorum collationem uniuersa *Ciceronis ars oratoria* explicata est, qui sententia tua probatus, quamuis inchoatus, atq. rudis, an. 1567. mihi excidit. Verum hoc, ut dicis, nihil ad causam. In eo libro scripsi, *Quintilianum* res quindecim de Cornificio attulisse, quæ omnes de auctore ad *Herennium* ueræ essent, nihilq. tribuisse Cornificio, quod in *Rhetoricis* non *Herennij*, ut tu loqueris, sed ad *Herennium* non inueniretur. Qui uero tibi in mentem uenit dicere, eas res Cornificij nomine non insigniri? Audi, postquam uis, & cognosce, uel potius, quod cognoscis, confitere, non minus ex alijs, quam ex tua figura Traductione colligi ea *Rhetorica* certo esse Cornificij. Age enim. Declarauit auctor ad *Herennium* Traductionem. *Quintilianus* eam declara-  
 tionem

tionem tribuit Cornificio, unde colligis scriptorem ad Herennium esse Cornificium. Consideremus cetera. Auctor ad Herennium scripsit integrum librum de elocutione, qui est quartus Rhetoricorum. Quintilianus lib. 9. ait; Hæc omnia de elocutione copiosius est executus Cornificius, qui proprie librum huic operi dedicauit. De translatione tu iam locum utriusque aperuisti. Ille inter figuras uerborum numerat interrogationem: Hic eodem libro testatur Cornificium numerasse. Ille nominat inter easdem figuras ratiocinationem: Hic dicit etiam Cornificium nominasse. Ille sententiam, et definitionem ponit inter schemata λέξεις: Huius uerba sunt; Cornificius, atq. Rutilius sententiam, & definitionem schemata λέξεις putant. Ille tradit contrarium idem fere esse, quod contentio est; & Contrarium esse, quod ex rebus diuersis duab. alteram breuiter, & facile confirmat: Hic lib. 5. scribit, enthymema, quo pugna constat, contrarium à Cornificio appellari. Ille membrum figuris uerborum aggregat: Hic quoq; lib. 9. tradit, Cornificium aggregasse. Ille articulum figuram uerborum facit: Hic affirmat Cornificium fecisse. Ille inter easdem figuras uult esse Subiectionem: Hic aperit Cornificium uoluisse. Ille simul Occupationem collocat: Hic declarat Cornificium collocasse. Ille etiam inter eas recipit Interpretationem: Hic exponit Cornificium collocasse. Ille in ipsis commemorauit Conclusionem: Hic ostendit



dit Cornificium commemorasse. Ille in eisdem collocauit Translationem: Hic meminit Cornificium collocasse. Auctor deniq. ad Herennium, præcipit licentiam esse, cum apud eos, quos aut uereri, aut metuere debemus, tamen aliquid pro iure nostro dicimus: Quinctiliani uerba sunt; Idem dictum sit de oratione libera, quam Cornificius licentiam uocat, *Græci παρρησίαν*. Non ne certo certius apparet, (si Quinctiliano fides habenda est, ut certe est) Rhetorica ad Herennium esse Cornificij? S 16. Dicis te grauiora, & firmiora in tuo secundo iudicio protulisse: at contra tamen usuuenire animaduerti, ut, quemadmodum ex amphora primum liquidissimum, deinde turbidissimum quidq. effluit, sic primus quisque ingeniorum quasi fœtus perfectissimus sit. R 100. Qualia sint illa, quæ noua attuli, uiri docti iudicabunt. sed non est eadem ratio amphoræ, & ingeniorum. In illa enim fit id, quod narraſti. Ingenia uero, quos fructus primus ferunt, haud sumpto congruenti temporis spatio ad eos producendos, minus perfectos ferunt. Si uero post illos primos adhibuerint ad aliquos alios perficiendos & tempus, & diligentiam, perfectiores producunt. Immo uero in hoc eadem ratio est, quod, si, quidquid in amphora est, totum liquidum est, nihil ex ea effluit, nisi liquidum, si totum turbidum, nihil nisi turbidum; sic excellentium ingeniorum & primi, & ultimi fœtus excellentes sunt, absurdorum absurdi. S 16. Miratus sum ualde, quod

non nullis tuarum disceptationum in locis me tecum dissentiente sic exarseris, ut neque præceptoris, neque patroni, sic enim me pro tua humanitate appellas, habita ratione ad maledicta eadem plane humanitate indigna prolapsus sis, quem que te admirari, ac sequi præcipue profiteris, eum tamquam æqualem ad summum certamen doctrinæ, atque eloquentiæ provocaris. **Ricc.** Non exarsi, nisi cum me exardescere tuis maledictis uoluisti; nec te unquam offendit oratio mea, nisi cum te ita obtulisti, ut in te non inuasisse, sed incurrisse uidear. Ac, tametsi propter aliquot publicas explicationes tuas à me auditas me dignum feci, qui te præceptorem appellarem, ac speravi me potius usum patrocínio tuo, quam à te accusatum iri, tamen non is sum, qui tuæ maximæ iniuriæ subiacere uelim; cumq. te non æqualem, sed longe superiorem, etiam insignib. Doctoris, quæ habeo, occultatis, esse confitear, mihi tamen laborandum existimo, ne me, ut uideris uelle, prorsus opprimas; nec, ut sæpe iam dixi, te prouocaui, sed à te indigne prouocatus sum, qui etiam tam multas, et tam magnas te obijcere mihi moles, ac quasi machinas professus es, ut me funditus euerteres. **Sig.** Equidem nūquam illo animo ad hanc disputationem accessi, ut præcipue te refellerem. **Ricc.** Tamen primum iudicium meum etiam enarratis uerbis meis refellisti. **Sig.** Sed, ut (libet enim proprium aliquando tandem aperire dolorem) uetus illud meum in argu-

mento

mento huius libri tam longe concipiendo non uaticinium, sed consilium à te omni ope ingenij refutatum, irrisumq. defenderem. **Ricc.** Tandem aliquando tu ipse confiteris id, quod ego conieceram. Nam, cum primum mihi allata est illa iam satis peruagata uox tua, **AvT Ciceronis, AvT Cicerone maioris**, statim multis audientibus dixi, & postea saepe repetui, aut eam falsam esse, aut, si uera esset, te tuae causae seruire, ut eum librum probares, ex quo te uatem fuisse appareret, aut, cum uterq. nostrum homo esset, non minus te, quam me, falli posse. Iam, dum proprium aperis dolorem, ostendis te istius libri defensionem suscepisse, adductum scilicet uaticinij gloria, quod consilium appellas. Atque hæc fuit uera causa, cur librum probaris, & me improbantem oppugnare conatus sis, non ea, quam adducis, quod ego istud tuum seu uaticinium, seu consilium reprehendissem. nam in primo meo iudicio nondum reprehenderam, & tamen occasionem mei impugnandi arripuisti. **Si G.** Vt finem faciamus, librum hunc neque scripsi, neque edidi, neq; auctor cuiquam edendi fui, sed tantum editum ita probavi, ut ad ueritatem propensiora multo mihi uideri dixerim ea, quibus confirmaretur, quam quibus euerteretur. quorum illa priore mea oratione complexus prorsus in hoc sermone præterij, quoniam tu de illis nullam mihi ferme occasionem differendi dedisti. **Ricc.** Ego quoq; contendi istum librum tuum non esse,

etiam

etiam si ille, qui eum edendum tradidit, quo tempore editum est primum iudicium meum, interrogatus, an ipsum contra me defensurus esset, respondisse pro certo dicatur, eiusmodi defensionem non ad se, sed ad eum, qui edendum miserat, Sigonium attinere. Quae uero priore tua oratione complexus es, non esse admodum firma, in prima disceptatione mea exposui, ubi cum ostendissem, contra quam tu ipse disputa ueras, multos inueniri, & te potissimum his temporibus, qui talem Consolationem, & multo meliorem conficere posse uiderentur, subiungi in hunc modum; Qui fragmentorum negotium susceperit, & necesse habuerit omnia loca percurrere, ubi mentio talis Consolationis fieri potuit, atque intellexerit, Crantorem, Theophrastum, Xenocratem, de luctu minuendo commentarios conscripsisse, is profecto minus difficulter, quam alij, non solum exprimere potuisse existimatur sub nomine Ciceronis, quicquid Ciceronem disputasse ex alijs eius libris, & aliorum omnium auctoritatibus constat; uerum etiam fingere, se habuisse prudentes de luctu minuendo commentarios, ex quibus praecepta collegerit ad leniendam doloris acerbicatem, & legisse ueteres uel de luctu, uel de morte scriptores, Xenocratem, Theophrastum, Crantorem, quos tamen non legerit, & sumpsisse ex Theophrasti libris sententias, quas ex arbitrio formauerit, praeterea persequi omnia consolandi genera, quemadmodum Cicero fecerat, & nona dicta, prout libuit, procedere; ac fragmenta etiam prius non collecta, & postea

inuenta, si modo ulla inuenta essent, interijcere, eorumq. non nulla secare, atq. in ea inferere, quæ liberet. Testimonia igitur illa, tum Ciceronis, tū ceterorum omnium, non magis meo quidem iudicio probant, Ciceronis librum esse, quàm imitatorē in eo diligentem fuisse, ut omnia complecteretur, quæ ab omnib. citata essent. Quod difficile quidem, & laboriosum fuit, non tamē eiusmodi, ut fieri aliquo modo ab homine industrio potuisse, non uideatur; maxime uero ab eo, qui fragmenta collegisset, nel certe collecta diligentissime animaduertisset, atque omnem de libro mentionem inuestigasset, omnesq. ea de re scriptores excussisset, ac totam Consolandi materiā animo perlustrasset. Hæc ego ibi. Adhuc autem tuis omnib. ni fallor, respōdi criminib. quorum si tu finem feceris, ego quoq. mei defendendi finem faciam. sin minus, ut facere institui, me defendam. Nosti enim illud Biantis à te citati; Si quid agere instituis, lente id aggredere: caterū in eo, quod elegeris, firmiter persiste. Quoniam uero ea, quæ isti Consolationi obieci, magis fortasse maledicendo, quàm solide diluēdo, tāquam leuia reijcis, ut etiam alij, cuiusmodi sint, facilius possint considerare, ea omnia, tum quæ obiecta sunt in primo iudicio, tum quæ in secundo, additis etiam quibusdam paucis, ne in infinitum progrediar, breui quodam Catalogo oculis omnium subiiciam. SIG. Ut magis appareat, id mihi non displicebit. RICC. Sic profecto de ijs commodius iudicabitur.

CATA.

# CATALOGVS EORVM,

QVAB

IN CONSOLATIONE

EDITA

SVB NOMINE CICERONIS

AB ANTONIO RICCOBONO

NOTATA SVNT.



IN PRIMA PARTE CONSOLATIONIS.



ECENTIBVS morbis medici- pag. 2. a.  
nam adhibere uetant sapientes.

Sententia prolata sine subiectio-  
ne rationis contra praeceptum  
Aristotelis, sententia falsa.

Probat auctor id, quod proba- 2. a.

tionem non indiget, suo se morbo uelle medici-  
nam adhibere, quia omnibus sit hominum mor-  
bis medicina adhibenda: omittit probationem  
eius, quod potissimum est probandum, cur uelit  
medicinam adhibere suo recenti morbo, etiam si  
id uetent sapientes; quae probatio ponitur in loco  
minus proprio, & ualde longinquo, atq. alieno  
à prooemio, id est, in quarta libri parte, pag. 19. a

Morbum suum esse recentem profitetur, cui etiam 2. a.  
contra sapientum praescriptum inderi uelit. in  
septima tamen parte non fuisse recentem, cum

K 2 se



se consolatus est, aperte testatur, pag. 40 a.

- 2.a. Cum superiore sententia non satis recte connexum est illud; Nihilq. aduersi hominib. accidere solet in uita, quod aut improuisum, aut inexpectatum uideatur.
- 2.a. Si omnia mala sunt prouisa, & expectata, ex huiusmodi consequitur preparatione non esse difficilem consolationem, contra quam significatur his uerbis, Conemur tamen, si qua ratione possumus, mederi nobismet ipsis.
- 2.b. Si quidem corpus animi gubernaculo, animus autem ministerio corporis indiget. Imitatione expressum ex Sal. Animi imperio, corporis seruitio magis utimur: et paullo infra; Ita utrumq; per se indigens alterum alterius auxilio eget. quod insulse dictum uideri potest, nisi legatur, ut quidam legendum arbitrantur, pro Eget, Veget, id est, Vegetum est. qua uoce usus est etiam Varro in Manio sic: Nec natus est, nec morietur: ueget utpote plurimum. & in Satyra ὄρος λύρας; Quam nobilem diuum Lyram. ἀρμονίαν quidam gubernans motibus dysueget. Sed hoc obiter.
- 3.a. Quorum extant satis multa sane sapienter literis mandata, in primisq. à Theophrasto, Xenocrate, & Crantore, pro, In primisq. Theophrasti, Xenocratis, & Crantoris, uel pro, A quibus extant satis multa sane sapienter literis mandata, in primisq. à Theophrasto, Xenocrate, et Crantore.

IN SECVNDA PARTE.

**C**rantorem sequor. Octo fragmenta Consolationis collecta à Sigonio, & Patritio, eodem ordine, quem illi excogitarunt, inserta sunt. qui si uerus esset ordo, nulla in parte fallens, illi essent uates. Hoc autem est fragmentum primum. 4.b.

**C**uius legi breuem illum quidem, sed uere aureum, & ut Panætio placuit, ad uerbum ediscendum de luctu librum. Sumptum ex Lucullo; Legimus omnes Crantoris, ueteris Academici, de luctu. est enim non magnus, uerum aureolus, & ut Panætius Tuberoni præcipit, ad uerbum ediscendus libellus. 4.b.

**Q**uasi luendorum scelerum causa nasci homines, & in hanc lucem ingredi. Hoc secundum est fragmentum secundo loco ex illorum præscripto insertum. addita est uox Quasi ex Sigonio: & in hanc lucem ingredi tamquam glossema. 4.b.

**I**nfantiam, & pueritiam uagitus, lacrymæ, imbecillitas, nullus nec rationis, nec corporis usus, dolores, molestiæq. quamplurimæ amplectuntur. Vagitus, non est uox Ciceroniana. Dolores amplectuntur, dictum est pro, Torquent, male habent. At Amplecti potius in bono. 4.b.

**H**uic inuidia, & æmulatio a bonis imminet. At nulla inuidia potest a bonis imminere. Aristotelis uerba sunt lib. 11. Rhetoricæ. Ἐὐδὴ καὶ ἐπὶ τοῖς καλοῖς 6.a.

ἐστὶν ὁ ζῆλος, καὶ ἐπικικῶν: τὸ δὲ φθονεῖν φαῦλον,  
καὶ φαῦλον. Quid? quod ne emulationem qui-  
dem huic loco conuenire probauit uir eruditis-  
simus, Vincentius Castellanus, non solum si in  
malam partem accipiat, quemadmodum in-  
terdum accipi affirmat Cicero lib. iij. Tuscul. diff.  
sed etiam in bonam, cum eo modo nemini obces-  
se possit?

- 6.b. *Insidiae intenduntur: aetas numquam sibi ipsi non infesta, numquam pacata. Insidias facere, para-  
re, seu comparare, ponere, struere, tendere, inue-  
nio: insidias intendere, numquam legi. Aetas pa-  
cata, quasi sermo habeatur de aliqua provin-  
cia, aut ciuitate pacata.*
- 7.a.b. *Vituperata est senectus, quae in Catone maiore lau-  
data est, nulla habita excusatione, ne in proce-  
mio quidem.*
- 7.b. *Non nullis uisum est, magnam esse senilis aetatis  
consolationem prudentiam usu rerum quaesi-  
tam. Pro, Nonnullis uisa est magna esse senilis  
aetatis consolatio prudentia usu rerum quaesita.  
Occulte autem significat Dialogum de senectu-  
te, qui, ut legerit Ciceronianam in senib. pruden-  
tia commendationem, uidetur uoluisse Ciceroni  
respondere, & ostendere, senes quidem esse pru-  
dentes, sed dolere, & angere, quod, quae prudentia  
dictat, efficere non possint.*
- 7.b. *Cur non doleat optime etiam perficere non posse.  
Pro, Se optime etiam perficere non posse.*  
Magni

- Magni constet uictoria. Pro, Magno constet.* 8.a.  
*Sua pacate possidentem, nulla hostium incurfione* 8.b.  
*uexatum. Pro eo, qui uexatur.*
- Auaritia in deside, atq. ociosa mente quàm maxi-* 9.a.  
*me exoritur: eaq. erectiores animos maxime*  
*sollicitat. Si maxime desides, & supinos, quo-*  
*modo maxime erectos?*
- Tam imo loco collocauit. Tam, cum superlatiuo.* 9.a.  
*Conditio expers esse cognoscitur. Haud scio, an Ci* 9.b.  
*ceroniane dictum.*
- Ex interitu parentum, fratrum, sororum, affinium.* 10.a.  
*id est, ceterorum propinquorum, & cognato-*  
*rum, cum tamen uox Affinis tam late non*  
*pateat.*
- Fæminæ non ut homines indagare possunt. Homi-* 10.a.  
*nes, pro uiris.*
- Malorum paucorum sensus ita acerbus est, ut bo-* 10.b.  
*nis uel plurimis, & maximis interdum præfe-*  
*ratur. Ita de sensu malorum, quæ bonis præpon-*  
*derent, & bona superent.*
- Innuptæ parentibus & affinib. parent. Pro, ceteris* 10.6.  
*propinquis, & cognatis.*
- Argumentatur sic; Fæminæ liberæ sunt post mor-* 10.6.  
*tem: ergo beatæ. Tamen per eum uiri in hac ui-*  
*ta sunt liberi, & non beati.*
- Vinculo conglutinatus. Pro, Vinculo copulatus.* 11.a.  
*Compæge. Vox non Ciceroniana.* 11.b.

## IN TERTIA PARTE.

11.b. **A**rgia Sacerdos, quod optimum filiis esset, à dea precata, eos reperit mortuos. Ex 1. Tusc. Sacerdos aduecta in fanum precata à dea dicitur, ut filiis præmium daret, quod maximum homini dari posset à Deo: post mane inuentos esse mortuos.

11.b. Credamus sane Apollini Delphico, qui exoratus à Trophonio, & Agamede, à quibus templum magnifice Apollini exædificatū Delphis erat, ut, quod esset optimum, homini tribueret, post diem tertium exanimis sunt inuenti, quo munere iudicauit deus, & deus is, cui diuinitatis partes à reliquis dijs sunt relictae, mortem homini omnium rerum esse optimam. Ex eadem Tusc. Trophonius, & Agamedes, cum Apollini Delphis templum exædificassent, petierunt, quod esset optimum homini: post eius diei diem tertium mortui sunt reperti, iudicauisse deum dicunt; & eum quidem deum, cui reliqui dij concessissent, ut præter ceteros diuinaret, mortem esse optimum homini. Hunc locum auctor Consolationis deprauauit. Non enim solum dixit, Apollini exædificatum, pro ipsi exædificatum, quod tolerari potest: sed etiā adhibuit solæcismum, Qui exoratus, exanimis sunt inuenti.

12.a. Immerentes. Vox non Ciceroniana.

12.b. Cur liberis, & affinib. diuersum? Non solum uox Affinib.

*Affinib. male accipitur pro ceteris propinquis,  
& cognatis: uerum etiam illud, Cur diuersum?  
uidetur potius olere hodiernas scholas, quàm  
Ciceronem,*

*Infelicit. Vox non Ciceroniana.* 12. b.

*Infantium uagitus. Dixi supra de Vagitu.* 13. a.

*Ex quo intelligi licet, non nasci longe optimum  
esse, nec in hos scopulos incidere uitæ: proxi-  
mum autem, si natus sis, quamprimum mori, &  
tamquam ex incendio effugere fortunæ. Quod  
fragmentorum inuestigatores tertium fragmen-  
tum fecerunt, tertio loco insertum est. Vt corre-  
xit Patricius, delens uocem Violentiam, sic le-  
git imitator. Addidit uocem Esse, ex Tusc. ubi  
sic legitur; Non nasci hominem longe optimum  
esse: proximum autem quamprimum mori.* 13. a.

*Sileni quæ fertur fabula idem certe confirmat, qui  
captus à Mida, missionem doctrina redemit. do-  
cuit autem Regem, numquam nasci optimum  
esse, sed celeritatem mortis proxime accedere.  
ex Tuscul. Fertur etiam de Sileno fabella quæ-  
dam; qui, cum à Mida captus esset, hoc ei mune-  
ris pro sua missione dedisse scribitur; docuisse  
Regem, Non nasci hominem &c.* 13. b.

*Idemq. Euripidis testimonio, poeta sapientissimi,  
comprobatur. Ex Tuscul. Qua est sententia in  
Cresphonte usus Euripides; Nam nos decebat,  
&c. Vitauit imitator recitationem uersuum, ut  
imitatio magis occultaretur.*

Sed



- 13.b. *Sed Crantor noster patri, filij mortem ægerrime ferenti, responsum ait datum esse in Psychomantio, filio suo bene, beateq. esse, utiliusq. futurum fuisse, si etiam pater pari ratione fatis concessisset. Ex Tusc. Simile quiddam est in Cons. Crantoris: ait enim Terinaeum quendam Elisum, cum graueret filij mortem mæreret, uenisse in Psychomantium, quærentem, quæ fuisset tantæ calamitatis causa: huic in tabellis tres huiusmodi uersiculos datos;*

*Ignaris homines in uita mentib. errant.*

*Euthymus potitur fatorum munere lato.*

*Sic fuit utilius finire ipsiq. tibiq.*

- 13.b. *Imitator dixit Filio suo, pro Filio eius; & Fatis concessisset; quod non est Ciceronianum.*
- 14.a. *Ne hic ad molestiam, doloremq. alendum angulus relinquatur. Pro, Ne huius argumenti uis, quæ posset molestiam, doloremq. alere, declinetur.*
- 14.a. *Angulū obijcere, Pro, Ansam præbere, uel locum, quo tuto se quis recipiat, aperire.*
- 14.a. *Obstringere nobis mortem argumentis. Pro, Argumentis probare, morti nos esse obnoxios.*
- 14.a. *Dicitur futuri post mortem temporis cura hoīs propria nō esse: quæ tamē uidetur esse propria hoīs.*
- 14.b. *Neceesse est autem sit alterum de duob. aut sensus penitus omnes mors auferat, aut in alium quendam locum ex his locis morte migretur. Quod si morte sensus extinguitur, obitusque noster eī somno similis est, qui nonnumquam etiam sine*

*uis*

uisis somniorum placatissimam quietem affert; quid lucri est emori? aut quod omnino tempus reperiri potest, quod ei tempori anteponatur, cui similis futura est perpetuitas omnis consequentis ætatis? Sin migrationem malimus esse mortem in eas oras, quas è uita profecti incolunt; quid optabilius. &c. Ex Tusc. Quæ est igitur Socratis oratio, qua facit eum Plato usum apud iudices iam morte multatum? Magna me, inquit, spes tenet, Iud. bene mihi euenire, quòd mittar ad mortem. necesse est enim sit alterum de duob. ut aut sensus omnino mors omnes auferat, aut in alium quidem locum ex his locis morte migretur. Quamobrem siue sensus extinguitur, morsq. ei somno similis est, qui nōnumquam etiā sine uisis somniorum, placatissimam quietem affert; dii boni, quid lucri est emori? aut quàm multi dies reperiri possunt, qui tali nocti anteponantur, cui similis futura est perpetuitas omnis consequentis temporis? quis me beator? sin uera sunt, quæ dicuntur, migrationem esse mortem in eas oras, quas, qui uita excesserunt, incolunt; id multo iam beatius est. Cicero ingenue confessus est, ut solet, illa uerba esse Platonis sub persona Socratis. Imitator uero, nulla habita mentione nec Platonis, nec Socratis, ea quamuis paullisper immutata sua facere conatus est. Præterea Cicero Platonem spectans, qui dixit, *εἰ το, εἰ δ'*, conuertit, Sine, Sin. At imita-

tor scripsit *Si, Sin.* qua in re etiam Ciceronem, si *Dijs* placet, de parum emendata elocutione *Sigonius* audet reprehendere. Ille numquam dixit ex sua persona, si animus est mortalis, admirabile lucrum esse emori, immo disputauit, si animus post mortem non est, eum nihil posse esse, ita ne quietum quidem esse. At hic id ipsum illi tribuit.

15.a. Ad meos autem et affines, & amicos ut peruenero, quantopere latabor? quae iucundior collocutio, qui suauior, uel congressus, uel complexus? Ex eadem *Tusc.* ubi conuertuntur uerba *Platonis* in *Apologia Socratis*, Vt uero colloqui cum *Orphæo*, *Musæo*, *Homero*, *Hesiodo* liceat, quanti tandem aestimatis? Ex sua persona *Cicero* reprehendit huiusmodi collocutionem. nec usurpat unquam Affines pro omnibus propinquis, & cognatis.

15.b. Si amor, si pietas filiae, si uirtus, si grauitas, si constantia, si cetera, quæ uix in foeminis spectari, nedum requiri solent, considerata sint; tanta facta iactura grauissime dolere debuimus. At plus est spectari, quàm requiri. At debuit *Cicero* maxime letari, si uerum est id, quod supra conclusum est, Mortem in beneficij loco tributam à *Dijs* immortalibus ijs, quos maxime dilexerunt, pag. 11.b.

IN QUARTA PARTE.

**I**S se hominem esse meminert; nihil autem humanius esse morte, ut, si mors ab ipso diuelli, atq. auferri posset, Dÿs propior habendus esset, quàm hominib. nec omni ex parte hominis nomen ipsi congrueret, & præcipua hominis conditione uteretur. Pro, Auferri possit, Habendus sit, Congruat, Utatur. Vel, Nihil homini conuenientius esse morte, quæ si ab ipso diuelli, atque auferri posset, & c. Humanus autem, cum sit comparatiuum, aut superlatiuum, uidetur benignum significare, maxime apud Ciceronem.

Respondere animum. Non Ciceroniane dictum. 16.b.

Ad futuram uitam, tamquam ad patriam, improprie dictum in persona Ciceronis. Morientium affines. Sæpe hæc uox male usurpatur in hoc libro. 17.a.

Libentius abhorrere. Quis umquam Libèter cum huiusmodi uerbo posuit? Indecentius, uox non Ciceroniana. 17.b.

Quid si nostrorum mortem dolemus, cogitemus, eos quoque suorum mortem uidisse, patienterq. tulisse. Quomodo potest hoc simpliciter dicere? 17.6.

Statim eorum consuetudinem regustabimus, & ad suauiissimam uel consuetudinem, uel conuietum redibimus. Quid ineptius hac Batologia? 18.a.

Cum nullo, uel certe cum modico dolore. Cacophonia 18.b.

nia à Cicerone damnata.

- 19.b. *Hic cine ille Cicero, cuius ob os Graij ora obuertebant sua? Ex 3. Tusc. & ex ultima epist. lib. 9. Fam. Cicero ille,*

*Quem aspectabant, cuius ob os Graij ora obuertebant sua.*

- 20.a. *Voce denique ipsa, & oratione frui. Vtimur uoce, Vtimur oratione, non fruimur. nisi si in alio aliquo nos ea delectet.*

- 20.a. *Tam multis ex aduerso miserijs. Pro, Ex altera parte.*

- 20.a. *Pharmacorum genera multa. Pro, Remediorum.*

- 20.b. *Si quis tibi in morte sensus est. Inepte uidetur ea de re dubitare, quam tamquam certam probat: & dicit, In morte, pro, post mortem.*

## IN QVINCTA PARTE.

- 21.b. *Sed nescio qui nos teneat error, aut miserabilis ignoratio ueri. Fragmentum à Sigonio quartum numeratum, & ab imitatore post tria priora insertum.*

- 22.a. *Mortem esse bonorum ministram. & ea, quæ dat, aut affert bona.*

*Cato sic è uita discessit, ut lataretur, causam se natum esse moriendi. Ex Tusc. Cato autem sic abiit è uita, ut causam moriendi natum se esse gauderet.*

- 22.b. *De quo est apud Herodotum, illum Xerxi respondisse.*

disse. Pro, *Quem est apud Herodotum Xerxi re  
spondisse.*

*Ne mortis suauitatem, quanta est, omni ex parte  
degustaremus. Si Degustare est leuiter gustare,  
& attingere, quo modo ex omni parte? si ex om-  
ni parte, id est, penitus, omnino, plane, quo mo-  
do leuiter?*

*Delectamur discentes, angimur ignorantes. Pro, di  
scendo, ignorando. hellenismum olet.*

*Ofor, Detractor. Voces non Ciceronianæ.*

*Dicitur, Miltiadem fuisse in exilium missum, qui  
non exulauit, sed post trecenta millia Persarum  
Marathone deuicta, in carcere, et uinculis mori  
coactus est. auctor Valerius, & Plut in uita Pe-  
riclis, quod mecum scripsit uir doctissimus, Vin-  
centius Castellanus.*

*Dicitur quoque, Ephialtem in exilium pulsum es-  
se, quem nusquam constat exulasse, sed tantum,  
cum esset populo gratissimus, inimicorū insidijs  
necatum fuisse. de eo enim sic scriptum reliquit  
Plut. in uita Periclis; Ephialtem, cum meticulo  
sus nobilitati foret, ex in exigendis rationibus,  
persequendisq. populi aduersarijs implacabilis,  
inimici Aristodico Tanagrigo percussore clam  
per insidias adhibito oppresserūt, ut Aristoteles  
affirmat. Hoc quoque mecū notauit uir præcla-  
ra doctrina ornatus Vincentius Castellanus.*

*Scipio Africanus inuentus est mortuus, & iccirco  
celebratur calamitosus, qui potius celebrari de-  
bet*



bet felix, si mors affert felicitatem, ut probatum est. pag. 111. a.

24. b. Metellus Numidicus, ne in legem perniciosam iuraret, in exilium abire coactus. Sigonius reprehendit quosdam, qui monuerunt, dici debuisse, Quod in legem perniciosam iuraret, & dicit eos plane neque historiam intelligere, neque Ciceronis consilium assequi. neque enim Metellum in exilium ire coactum esse, quia iuravit, sed quia iurare noluerit. ego uero puto dici debuisse, Quod non in legem perniciosam iuraret. quod etiam illi fortasse intellexerunt, & non id, quod dicit Sigonius, omnia trahens in peiorem partem.

25. 6. Luce utimur. Pro, Fruimur.

## IN SEXTA PARTE.

25. b. **M**ortem sibi dedita opera consciuisse scio. Illud, Dedita opera, uidetur superuacaneum:
26. a. Appetuerunt ultro mortem. Ergo uitam esse fugiendam iudicarunt. potest negari consecutio. appetuerunt enim mortem, non simpliciter, ut fugerent uitam, quæ per se iucunda, & expetenda est: sed, ut misérias sibi imminentes uitarent, quas se ferre non posse arbitrati sunt.
26. a. Homines à mulierculis exempla petere. Rursus  
Homines, pro uiris.
26. b. Celebratur miserum hominum genus ex eo, quod  
homi-

hominum crudelitate moriatur. At si mors est bonum, ut conclusum est pag. 11. a. minime græue esse debet, hominū extingui sæuitia, & acerbitate, qui, dum crudelitatem exercent suam, potius bonum, quàm malum afferunt ijs, in quos exercent.

*Pati mutationem. Pro, Immutari.* 27. b.

*Animum simul cum homine interire. Id est, animum simul cum animo, est enim apud Ciceronem Homo, animus.* 28. b.

*Fæmineam mollitiem exuere. Fæmineus, non est uox Ciceroniana.* 29. a.

*Vos etenim iuuenes animum geritis muliebrem, Illaq. uirgo uiri. Ex lib. 1. Officiorum.* 29. a.

*Pati mala. Pro, Incidere in mala.* 29. b.

*Summa est ratio, & sapientia, humanæ necessitati imperare. At quis umquam necessitati imperauit?* 29. b.

*Angamur liberorum, aut affinium interitu? Rursus uox Affinium perperam, pro omnibus propinquis, & cognatis.* 30. a.

## IN SEPTIMA PARTE.

**S**ic argumentari uidetur; Anaxagoras respondit, se filium, qui mortuus erat, mortalem genuisse. ergo Anaxagoras morte filij lætatus est.

Quæ conclusio est ista?

Significat, paucos Romanos fuisse fortes in obitu suorum;

suorum; ipsosq. Romanos reprehēdit tamquam  
 ea in re prostratos, ac penitus abiectos. Eius  
 uerba sunt; *Vellem & hoc ipsum de pluribus*  
*ex nostris dicere liceret, quos si qua interdum*  
*Fortunæ oppressit iniuria, nihil aliud iudices,*  
*quam prostratos illos, ac penitus abiectos. Se-*  
*quitur grauior reprehensio in hunc modū; Qua-*  
*si uero aliquid acciderit, quod uel antè ipsos ne-*  
*mini, aut quod ipsis si minus hoc tempore, saltem*  
*paucis post annis non euēturum fuerit, ac, cum*  
*maxime animo iugere deberent, tum præcipue*  
*non solum præterita, patriæque uirtutis, sed*  
*etiam humanæ legis, ac pæne obliuiscuntur sui,*  
*tantum in eorum animis mollities potest, ac ser-*  
*uitus quædam doloris, atque iustitiæ. Hæc ille.*  
*Vbi dicit, Vel, Aut, cum Cicero soleat dicere,*  
*Vel, Vel, &, Aut, Aut. Præterea, Si minus hoc*  
*tempore, saltem paucis post annis; cum hic, Si*  
*minus, at saltem. Sed hoc obiter. Iam, cum hoc*  
*in loco notet paucitatem Romanorum, qui ta-*  
*lem fortitudinem ostendant, & celebrans Græ-*  
*cos uituperet Romanos, qui nimiam mollitiem,*  
*ac seruitutem quandam doloris, atque iustitiæ*  
*præferant; tamen pag. 41. a. mire laudat Ro-*  
*manos tamquam, ut ipse ait, superioribus Græ-*  
*cis comparandos, atque etiam anteferendos. &*  
*pag. 45. b. scribit, Lacanis Romanarum uirtu-*  
*tem fuisse parem fortasse, uel etiam superiorem:*  
*ac, posteaquam plures commemorauit Roma-*  
*nos,*

nos, qui mortem suorum forti animo tulerunt, pag. 47. 1. concludit, de Romanis fuisse plurimos, quibus mortis sensus non modo non ingratus, sed etiam optatus, & iucundus accidit; intelligens sensum mortis, non quod ipsi morentur, sed quod sentirent suos esse mortuos, (egerat enim de illis, qui in suorum morte egregie se gesserant) etiam si statim subiungat exemplum Theramenis, qui fortis fuit, cum sibi ipse moriendum esse intelligeret.

Commemoratus est Xenophon ante Periclem, cum commode commemorari posset ex ordine temporum Pericles ante Xenophontem. 32. b.

Deos ipsos, quib. litabatur, testatus est, maiorem se ex filij uirtute uoluptatem, quam ex obitu molestiam cepisse. Ex Val. Max. Numina, quibus sacrificabat, testatus, maiorem se ex uirtute filij uoluptatem, quam ex morte amaritudinem sentire. 32. b.

Neque filij morte. Pro, Ne filij quidem morte. 33. b.

Videtur significare filium Xenophontis in prælio cecidisse apud Mantineam pro patriæ salute, atq. utilitate, qui mortuus est pugnans pro salute, & utilitate Lacedæmoniorum, quorum afflictis reb. Athenienses opitulati sunt aduersus Thebanos, & apud quos filij Xenophontis instituti fuerant. 32. a.

Miris laudib. effertur Pericles, quod mortem filiorum suorum mirabiliter tulerit. Non tamen tam 33. b.

constans fuit, ut de omnib. liberis suis, cum mortui sunt, dolori resistere potuerit. Nam morte Parali ualde est conturbatus.

- 34.a. De quo traditum est, nihil eum putauisse. Pro,  
Quem traditum est, nihil putauisse.
- 34.b. Cum ad eum, uelut ad agrum optimum cultura,  
ratio etiam accesserit, conformatioq. doctrinae.  
Ex oratione pro Archia.
- 35.a. Commemoratus est Harpagus, quem incertum est  
à Cicerone fuisse nominatum.
- 35.b. Cum nominis sui gloria. Cacephatum à Cicerone  
reprehensum.
- 36.a. Indecens. Vox non Ciceroniana.
- 36.b. Ut tyrannum nemo misereatur. Pro, Ty-  
ranni.
- 37.a. Mentio fit Dionis, quem non constat à Cicerone  
fuisse commemoratum.
- 37.b. Vbi legitur Traheaspas, correxi ex Herodoto, Præ-  
xaspes, quem quoque incertum est, an Cicero no-  
minauerit.
- 37.b. Dicitur Præxaspes nullum cepisse dolorem ex cru-  
delitate, qua usus est Cambyfes in filium eius,  
propterea quòd nullum doloris signum de-  
dit, nec usquam conuertit, aut commouit fa-  
ciem. At occultauit dolorem: & lacrymas  
non effundere, quandoque est signum maioris  
doloris.
- 38.a. Num credamus? Pro, Nonne credamus?
- 38.b. Cum nostro uulneri medeamur. Cacophonia  
sepe

sepe à nobis . obseruata contra præceptum  
Ciceronis .

*Notatur, deesse nonnulla : et tamen uidetur locus continuari . Id factum est, ut mecum sensit uir apprime litteratus, Vincētius Castellanus, tum, ut uideretur esse antiquum opus: tum, ut, si quid noui inueniretur ex uera Ciceronis Consolatione citatum, quod ab ista noua abesset Consolatione, id ibi fuisse dici posset, ubi lacuna est.* 39.

*Videtur aliquid desiderari, ubi legitur, Idq. si ullo in casu contingit, certe cum dolore affligimur, maxime solet euenire : intelligendum enim est, non simpliciter nos medicinam refugere, cum dolore affligimur, sed cum ob mortem nostrorum.* 39.a.

*Erepti uel amici, uel affinis, uel filij cogitatio. Frequentatur uox Affinis, pro omni propinquo, & cognato.* 39.a.

*Tempore ipso factum est, ut mens esset ad medicinam accipiendam magis idonea . At in principio dicebatur, Morbum esse recentem, cui medicina Consolationis adhiberetur contra præceptum Sapientum.* 40.a.

*Ad amicos, aut affines . Ignorat hic auctor propriam significationem Affinium. Ex affinitate, aut beneuolentia . Affinitas non debet accipi pro qualibet propinquitate, & cognatione. quod alibi satis probani.* 40.b.



- 41.a. Superioribus Græcis comparare. Pro, antiquis, & priscis. At superius uidetur significare ab ætate nostra non nimis remotum, aut etiam proximum.
- 41.b. Q. Fabius recensetur ante Puluillum. & tamen commode post Puluillum posset recenseri.
- 42.a. Ut nullum pæne doloris paullo acrius indicium ediderit. Pro, Acrioris.
- 42.a. Concionem ad populum habuit. Quis unquam addidit illud, Ad populum?
- 42.b. Horrida tempestate. Olet Horatium.
- 42.6. In congressu hostium, Duriuscule, pro, In pugna aduersus hostes.
- 43.a. Iam quid Pisones, Scaenolas, Brutos, Marcellos, Metellos, Lepidos, Aufidios enumerem? quorum singuli pluribus amissis filiis, uel uxoribus, uel parentibus, nec lugendum existimarunt. Haec est potius nominum congeries, quam orbitatū explicatio. At D. Hieronymus testatur, non breuiter exempla a Cicerone congesta, sed Maximorum, Catonum, Gallorum, Pisonum, Brutorum, Scaeuolarum, Metellorum, Marciorum, Crassorum, Marcellorum, aque Aufidiorū (nullam enim mentionem facit Lepidorum) orbitates in Consolationis libro explicatas fuisse. quod mecum uidit uir perspicaci ingenio præditus, Vincentius Castellanus.
- 43.b. Commemorantur Cæpio, & Lepidus, quos incertum est, an Cicero commemorauerit.

*Quorum singuli. Pro, Qui singuli, uel Quo-* 43.b.  
rum unusquisque.

*Populus Rom. in munerib. publicis inuisos habet* 44.b.  
gladiatores, qui omni modo uitam impetrare  
cupiunt; fauet ijs, qui contemptum eius præse  
ferunt. Ex oratione pro Milone; In gladiato  
rijs pugnis similes, & supplices, et, ut uiuere  
liceat, obsecrantes, etiam odisse solemus: fortes,  
& animosos, & se alacriter ipsi morti offeren  
tes, seruare cupimus. Mirum est, Sigonium uo  
luisse hunc locum primum pro fragmento in  
certo Ciceronis, deinde pro fragmento Conso  
lationis uenditare.

*Lacenas matronas traditum est, occisis filijs uul-* 45.a.  
nera inspicere consueuisse: ac, si aduersos uul  
neratos esse comperissent, letabundas funus  
ducere solitas esse: contra uero, quos auersis  
uulnerib. concisos agnoscebant, ab ijs refugien  
tes, clam sepeliendos curabant; nec illo pror  
sus honore funeris prosequendos statuebant:  
tantum in fæmineis quoque animis deus pote  
rat. Laetabundas, uox non Ciceroniana. Cura  
bant, nec statuebant; pro, Curasse, nec statuisse.

*Fæmineis. Vox non Ciceroniana.*

*Rutilia ponitur inter exempl. earum persona-* 45.a.  
rum, quæ fortiter mortem suorum tulerunt. 46.a.  
quam tamen incertum est à Cicerone fuisse po  
sitam. quòd si posita fuit, potuit eam Seneca  
à Cicerone accipere, & iste imitator à Seneca.

47.a. *Theramenes, ueneno epoto, maxima aequitate animi, ludens in morte, quod erat in poculo reliquū, Eritiæ propinauit. Ex Tusc. Theramenes, cum cōiectus in carcerem triginta iussu tyrannorum uenenum ut sitiens obbibisset, reliquum sic è poculo eiecit, ut id resonaret: quo sonitu reddito, ridens, Propino, inquit, hoc pulchro Critiæ, qui in eum fuerat teterrimus.*

47.a. *Nos in filiorum, aut affinium morte lugebimus? Rursus Affinium, idest, propinquorum, & cognatorum.*

47.b. *Nec amplius liceat homini, qui è uita discedat, suis opib. bonis, diuitijs, perfrui;  
 Astante, ut ille ait, ope barbarica,  
 Tectis cælatis, laqueatis.  
 Ex Tusc. Priamus si uiuis filijs, incolumi regno, occidisset,  
 Astante ope barbarica,  
 Tectis cælatis, laqueatis.*

## IN OCTAVA PARTĒ.

47.b. **E** *Lucescit, pro, Elucet. Non est uox Ciceronis.*

48.a. **E** *Metelli sibi fortunam sperant omnes: Priami sobolem, ac regnū exoptant alij; quasi nō & Metellus tā multos nactus filios, ac nepotes, cū maxime beatus esse posset, inuitus obierit; & Priamum non omni orbatum progenie, summoq. dolore confectū hostilis manus interemerit.*

rit. *Ex Tusc.* Metellus ille honoratus quattuor  
filijs: at quinquaginta Priamus, è quib. decem,  
& septem iusta uxore nati. in utroque eandem  
habuit fortuna potestatem. sed usa in altero est.  
Metellum enim multi filij, filia, nepotes, neptes  
in regnum imposuerunt: Priamum autem, tanta  
progenie orbatum, cum in aram confugisset, ho-  
stilis manus interemit.

*Metellus in eo miser fuisse dicitur, quod tam mul- 48.a*  
tos nactus filios, & nepotes, cum maxime bea-  
tus esse posset, inuitus obierit. Sed erat potius fe-  
lix celebrandus, si mors in bonis est, ut supra  
probatum est pag. 11.a.

*Hinc illa miserabiliter decantata ; 48.b*  
Hec omnia uidi inflammari;  
Priamo ui uitam auferri;  
Iouis aram sanguine turpari.  
*Ex Tusc.* Nec tam flebiliter illa canerentur;  
Hec omnia uidi inflammari;  
Priamo ui uitam euitari;  
Iouis aram sanguine turpari.

*Mutauit imitator uocem Euitari, in Auferri.*

*Num ei euenisset? Pro, Nonne ei euenisset? 48.b.*

*Quid fugam Marij, quid cetera, quæ in illius dis- 49.a*  
cessu acciderunt, maxime luctuosa, summeq. mi-  
seranda commemorem? quid redditum illum san-  
guinarium, cuius ex recordatione nemo est,  
qui non intimis sensib. exhorrescat. *Ex Mure-*  
*to; Quid iam illos turbines, illas procellas,*  
*illas*

illas tempeſtates ciuiliū diſſenſionum commemorem?

49.b. Tenemus enim memoria, aut ſaltem ex patrum ſcriptis accepimus, crudeliſſimam omnium eadem illo tempore eſſe factam. Ex eodem; Cum paſſim per uias immanium gladiatorū in principes ciuitatis debacchabatur furor.

49.b. Trucidatos bonos uiros, & ciues, incisas eorum ceruices, in Roſtrisq. poſitas, qui multorum ciuium ſalutem, & dignitatem eloquentia peperissent. Ex eadem; Cum quorum eloquentia ipsis gloriæ, alijs admirationi, Reip. ſaluti fuerat, eorum ex illi, ipsis roſtris, in quib. tam ſæpe concionati erant, incisis ceruicib. capita ſanguis nolenta pendebant.

49.b. Quam multos ex illa Reip. tempeſtate commemorare poſſumus innocentiffimos homines, atq. optimos, ut acerbiffimam calamitatem effugerent, libertatē morte quæſiſſe. Ex eadem; Quib. non unus, aut alter præclarus, et ſalutaris Reip. ciuis percuſus eſt, ſed ipſi acerui, ipſa millia immortalitate dignorum hominum nefarijs hominum conſceleratiſſimorum manib. trucidata iacuerunt.

49.b. O' acerbum, ac nemini non pænitendum Reip. ſtatū, condicionemq. uiuendi. Ex eodem; O' acerbū illud, & uel Romani nominis hoſtib. miſerabile ſpectaculū. Adhibuit imitator uocē Pænitedum, quæ rariuſ à Latinis uſurpata eſt.

Cum

Cum eos ipsos, qui Remp. suo labore, suoq. sanguine auxerint, iuuarint, seruauint, nusquam tutos, nihilq. magis, quàm propinquorum manes, ac gladios, timentes, horrescentesq. uideas. Ex eodem; Cum qui aliquando Reip. præsidio fuerant, eis nullum in ciuitate præsidium reperiebatur. Simulator dixit Iuuarint, pro, Iuuerint.

Itaque imbelles, & infirmas copias, tyrones, collectiosq. milites cum robustissimis legionib. conferre non dubitauit: & amisso exercitu, ereptisq. castris turpissime uictus in seruorum manus uir summus, & clarissimus incidit. Ex epist. fam. lib. 6. Ex eo tempore uir ille summus, nullus imperator fuit. signa tyrone, et collectio exercitu cum legionib. robustissimis contulit. uictus turpissime, amissis etiam castris solus fugit.

An non optimam, beatamq. mortem iudicabat L. 51.b.

Brutus, cū Tyrannum arcens, quem expulerat, uitam pronihilo ducebat? Item Decij quo tempore cum Latinis pro patria dimicantes sese hostium telis obijciebant? præterea Scipio, Paulus, Marcellus, Albinus, quos uitam in acie iuandæ patriæ causâ fortissime profudisse memoriæ proditum legimus? Ex Tusc. Mors quidem si timeretur, non L. Brutus arcens eum reditu tyrannum, quem ipse expulerat, in prælio concidisset: non cum Latinis decertans pater Decius, cum Etruscis filius, etiam cum Pyrrho nepos,



nepos, se hostium telis obieciſſet, non uno bello pro patria cadentes Scipiones Hispania uidisset, Paullum Aemilium Cannæ, Venusia Marcellum, Latini Albinum, Lucani Gracchum. Errauit imitator, dum scripsit, Decios cum Latinis pro patria dimicantes se se hostium telis obieciſſe, cum unus tantum Decius pater pugnans contra Latinos se deuouerit, ceteri contra alios. Errauit præterea, cum unum Scipionem nominauit, cum duo à Cicerone significentur. Prætermisit Gracchum, fortasse propter historiæ ignorationem, ob quam cauſſam poterat etiam Albinum omittere.

52. a. Cum auctor Consolationis dicat, Decios cum Latinis pro patria dimicantes sese hostium telis obieciſſe; Cicero uero tantum patrem cum Latinis, at filium cum Etruscis, & nepotem cum Pyrrho; pro ipso Cicerone ab aduersarijs oppugnato, quod Etruscos nominauerit pro Gallis, addendum est, ne Liuium quidem, quem illi adducunt testem, negare lib. X. non defuisse auctores, qui scripserint, in exercitu hostium, cum quibus pugnauit Decius filius, peditum quadraginta millia trecentos uiginti, equitum sex, & quadraginta millia, mille carpentorum fuisse, scilicet cum Vmbris, Tusciſque, quod et ipsi Tusci illi pugnae affuerint; quos auctores, fieri potest, ut Cicero secutus sit, & non eos, quos sibi Liuius sequendos putauit: ut mecum obseruauit

seruauit uir historiæ obseruantissimus, Vincen-  
tius Castellanus,

Cum nullo. Cacophoniâ, tam sæpe in hoc libro  
usurpata, & tantopere à Cicerone damnata. 52. a

IN NONA PARTE.

**Q**ui, ut Panætius Africanum dicere solitum tra- 52. b  
dit, ferociore equos domitorib. tradendos  
esse, ut paulatim parere, seq. mitiores, ac  
molliores præbere incipiant: sic ipse in gyrum  
fortitudinis, ac patientiæ reducendi sunt, ne, si  
mors imprudentes oppresserit, perterreantur,  
planeq. cõcidant. Ex lib. 1. Off. Panætius quidẽ  
auditorem Africanum, ac familiarem suum so-  
litum esse dicere ait, equos propter crebras con-  
tentiones præliorum ferocitate exultantes do-  
mitorib. tradere solcant, ut his faciliore pos-  
sint uti. sic homines secundis reb. effrenatos, si-  
biq. præfidentes, tamquam in gyrum rationis,  
& doctrinæ duci oportere, ut perspicerent re-  
rum humanarum imbecillitatem, uarietatemq.  
fortunæ.

Sed nescio, quo modo uoluptate, luxuq. delenta ho- 53. a  
minum consuetudo de recta maiorum uia defle-  
xit, eoq. sensim delata est, ut nihil minus, quam  
uerum, agnoscat, nec, cum aliquid agitur, re-  
ctum id, nec ne sit, magnopere cogitet. qua nul-  
la maior pestis, ac perniciies humanis reb. ualde  
iam

iam labefactatis, potuit afferri. Ex lib. 2. Off. In quo uerbo lapsa consuetudo deflexit de uia, sen-  
simq. eò deducta est, ut ab honesto utile secerneret, & constitueret honestum aliquod, quod utile non esset, aut utile, quod non honestum. quia nulla perniciēs maior hominum uitæ potuit afferri.

53 a. Acute cogitatum esse deprehenditur. Pro, Reperitur, aut Animaduertitur. At uix inuenias uerbum Deprehendere, non in malam partem acceptum, ut in adulterio, in furto, & similiter.

53 b. Itaque in fabulis, quos Dii maxime adamarunt, eos ne imminentem aliquam calamitatem sentire cogerentur, si uigilassent, à Dijs immortalibus. consopitos esse accepimus. Dicendum erat, Ab ipsis Dijs, uel Ab eisdem Dijs, ne alij Dii uideantur esse, qui adamarint, alij, qui consopierint. immo, cum loco secundo additum sit, Immortalibus. priores Dii uidentur quodammodo alterius naturæ fuisse.

56 a. Presinitum esse uitæ terminum à Deo, quem præterire, aut ex quo egredi nemini liceat. Ex Iob.

56 b. Quoties aliquid moleste experiantur, tū mortem exoptent. Quoties, pro, Quando. At teste Valla Cicero fere numquam utitur Quoties pro Quando, nisi addat Toties.

56 b. Videtur sic argumentum duci; Dum molesti aliquid experiuntur, mortem exoptant. ergo mors est bonum. Negari potest consecutio.

Cum

*Cum neminem probatum sit . Cacophonia, sæpe 57.a.*  
*alibi à me notata.*

*In cælestes ignes, sempiternasq. domus, unde exie- 57.b.*  
*rat, reuertit. Ex Somnio Scipionis.*

*Cum nec ipsi quidquã acciderit. Cum natura con 59.a.*  
*gruat. Cacephatum tam sæpe frequentatum.*

*Res communicat cum omnibus hominibus . Pro, 59.a.*  
*communis est omnibus.*

*Dij immortalib. gratulari. Si Gratulari, pro gra- 59.b.*  
*tias agere, quis ita usus est? Si in propria signi-*  
*ficatione, quis umquam cuiquam gratulatur de*  
*aduersis? & quomodo ea cadunt in Deos?*

*Cum nihil nisi rectum cogitaret. Viuitur, qua solet, 59.b.*  
*Cacophonia.*

*Quibus maxime reb. egere se & homines solemus, 60.b.*  
*fortitudo, & prudentia, hæ ita in muliere abun-*  
*dabant. Si spectetur uerbum Egere, dicendum*  
*esset, Fortitudine, & Prudentia. Si uerbum*  
*Abundabant, uidetur abundare dictio Hæ. Pra-*  
*terquam quòd ponuntur Homines pro uiris.*

## IN DECIMA PARTE.

**D***Eprehendi possit. Pro, Reperiri. de quo dixi 63.a.*  
*etiam supra.*

*Animorum nulla in terris origo inueniri potest. 63.b.*  
*& c. Hoc fragmentum inuestigatores fragmen-*  
*tum quintum fecerunt, imitator ex illorum*  
*prescripto quinto loco inseruit. Quamquam*  
*de*

de immortalitate animorum uidetur Cicero dis-  
sputasse in principio Consolationis, & non pro-  
pe finem, ut alibi ostendi.

65. b An censemus, aut sapientissimos homines tam  
aquo animo mori posse, aut tam iniquo, planeq.  
inuito stultos, & fatuos? Ex Catone Maiore;  
Quid? quodd sapientissimus quisque aequissimo  
animo moritur, stultissimus iniquissimo?

66. a Ex ipsis etiam sacris, caerimonijsq. maiorum eter-  
nam hominis uitam facile cognosci, atq. intel-  
ligi posse. neque enim illi aut mortuos tanto ho-  
nore coluissent, aut tam multas, tamq. ua-  
rias sepulcrorum caerimonias posteris tradi-  
disent, nisi cognitum, perspectumq. habuissent,  
uigere animum in morte, nec, quamquam cor-  
pus occidat, hominem ipsum penitus euanesce-  
re. Itaque statuisse uidentur, mortem ipsam non  
esse humanae uitae confectricem, nec ex ea sequi  
interitum, sed potius ad aliam multo feliciorem  
uitam ijs, qui recte uixissent, ducem optimam  
solere existere. Ex Tusc. Id cum multis alijs reb.  
tum est pontificio iure, & caerimonijs sepulcro-  
rum intelligi licet; quas maximis ingenijs praedi-  
ti nec tanta cura coluissent, nec uiolatas tam  
inexpiabili religione sanxissent, nisi haesisset in  
eorum mentib. mortem non interitum esse, om-  
nia tollentem, atq. dolentem, sed quandam quasi  
migrationem, commutationemq. uitae, quae in cla-  
vis uiris, et faeminis dux in caelum soleret esse. Di-

xit imitator, Vigere animū in morte. i. post mortē.  
Sterilitatem passa esse. Pro eo, quod est, aliquando  
fructum non tulisse.

67.b.

Contenditur homini morte suorum moderate do-  
lendum. At nihil dolendum, si attendantur, quæ  
de conditione mortis disputata sunt, pag. 11. a.

69.b.

70.a.

Cum nihil, nisi quod rectum. Cacophonia illa fre-  
quens in hoc libro.

72.a.

Nemo lacrymis decoret, ait Ennius, cur? quia uo-  
lito uiuus per ora uirum. Ex Tuscul.

73.a.

Nemo me lacrymis decoret, nec funera fletu

Faxit. Cur? uolito uiuū per ora uirum.

Hos uersus perturbauit imitator, & numerum poe-  
ticum quodammodo ad se traxit, uersum heroi-  
cum uel in soluta oratione contra Rhetorū præ-  
cepta conficiens, nisi quod in principio sylla-  
ba breui pro longa usus est;

Quid igitur est causa, cur fletum, lacry-  
masque recuset?

73.b.

Eum, qui sic doleat, ut recreari, confirmariq. non  
possit, ne diuinum quidem numen horrere. Pro,  
uenerari, & uereri. id mihi uidetur minus pro-  
prium, & superstitiosi, uel male conscij: at hoc  
in loco accipitur in bonam partem.

## IN VNDECIMA PARTE.

Non modo singulos homines, sed totas familias, &  
uniuersas funditus euersas ciuitates uidemus.  
Ex Mureto; Non singulos modo perdidērunt

74.b.

M homines,



homines, sed integras funditus afflixerunt, & euerterunt ciuitates.

75.a. Eorum animi tamquam hominum de Dijs immortalib. humanoq. genere optime meritorum, in cælum putentur elati. At non homines de Dijs, sed Dij de hominibus bene merentur, eisq. benefaciunt.

75.b. Disputatur, hominum non corpora, sed animos in cælum elatos esse putari; idq. probatur exemplo Romuli. At corpus quoque Romuli in cælum ascendisse vulgo creditum est.

75.b. Tempore mortis Romuli dicuntur fuisse homines litteris, & doctrinis exculti: cum tamen eo tempore Romani parum fuerint eruditi.

75.b. Quod de Romulo urbis nostræ conditore memoria proditum accepimus, quem singulare in genus hominum collatum munus tā præclaræ urbis condendæ in deorum numero collocauit. Ex Tusc. Ex hoc, & nostrorum opinione Romulus in cælo cum Dijs agit æuum, ut famæ assentiens dixit Ennius.

76.a. Quod & apud Græcos prius contigit, & inde fortasse ad nostros permanauit. nam & Hercules, & Liber, fratres Tyndaridæ, & sæminæ plurimæ, quib. nunc inter deos locus esse præcipuus creditur, & hominib. nati, & homines fuerunt. Sed, quod uirtute præstiterunt, & ut ceteris ad recte uiuendum, beneq. merendū pralucerent, laborauerunt, ideo eos hominum fama, beneficiorum

ciorum memor, in confessu, concilioq. cælestium collocavit. atque ipsos, quos uocamus maiorum gentium Deos, aliosq. quamplurimos, quos in Deorum numerū retulimus, hinc à nobis egres- sos, & in cælum profectos, facillimum erit agno- scere. Ex Tusce. Et apud Græcos, indeq. prola- psus ad nos, & usque ad Oceanum Hercules, tantus, & tam præsens habetur deus. hinc Li- ber Semele natus. Eademq. famæ celebritate Tyndaridæ fratres, qui non modo adiutores in prælijs uictoriæ populi Romani, sed etiam nun- tiij fuisse perhibentur. Quid? Imo Cadmi filia, nonne Leucothea nominata à Græcis, Matuta habetur à nostris? Quid? totum prope cælum, ne plures persequar, nonne humano genere com- pletum est? Si uero scrutari uetera, & ex his ea, quæ scriptores Græciæ prodiderunt, eruere co- ner; ipsi illi maiorum gentium Diij, qui habentur, hinc à nobis profecti in cælum reperientur:

**Celebratur Hercules tamquam ab omni cupidita- 77.a.**  
te remotus, qui præter alia multa, quæ dedit, in- continentiae, atque intemperantiæ argumenta, etiam, ut ait ille, seruiuit Omphalæ.

**Quorum alius alio genere uirtutis, omnes sum- 77.a.**  
mis, & singularib. uel in ipsos deos, uel in homi- nes meritis præstiterunt. At, ut etiam supra no- tavi, non homines de Dijs, sed Diij de homini- bus benemerentur.

**Nec enim omnib. iidem illi sapientes & c. Frag- 78.a.**

mentum ab inuestigatorib. fragmentorum sex-  
tum connumeratum, & à simulatore sexto loca  
insertum.

80.a. Numerare Lacedæmonas. Pro, Numerare Lacedæmonios.

80. a. Ille omnis plane doctrina, omnisque sapientiæ parentes Athenæ. Ex Mureto; Ille omnium laudandarum artium, ipsiusq. adeo humanitatis parentes Athenæ.

80. b. Traditur multos uirtute præstantes fuisse post mortem Deorum immortalium honore consecratos, ut eo modo posteri ad uirtutem magis inflammarentur. Ea; quæstio ita tractatur, ut illud conficiatur, animos ob unam uirtutem in cælum ascendere, & in Deos referri, ut non nisi, qui uirtute præditi sunt, penetrare ad globos cælestes, & ad Deorum honores possint. Tamen paullo post uidetur id tribui uni naturæ animorum.

82. b. Sine prioris naturæ corruptione. Pro, interitu.

83. b. In communi omnium gentium, & nationum consensu de uirtutib. ad immortalitatis famam consecrandis, & diuino cultu honorandis, ea commemorantur, quæ in hac materia reticere fortasse debebant, bestias quoque ipsas ferme omnes fuisse consecratas, & res multas inanimatas in deorum numero repositas.

84. a. Imma summis commutare. Olet illud Horatii; Vallet imma summis mutar.

Absu-

*Absurditas. Vox non Ciceroniana.* 84.a.

*Imperitia. Vox non Ciceroniana.* 84.b.

*Cū uero & mares, & feminas & c. Hoc octauum* 85.a.

est fragmentum, ideo octauo loco insertum, quia à Sigonio octauum numeratum est. nec integrum, ut apud Lactantium legitur, insertum, sed in duas partes sectum, cum multarum rerum interpositione, & quorundam uerborum deprauatione.

*Cedo, & manum tollo. Hoc Sigonius ultimum* 87.b.  
fragmentum fecit, & ideo simulator ultimum inseruit.

*Te consecrata, in cælumq. recepta. At ex septimo* 87.b.  
fragmento apparet, Ciceronem, cum se consolatus est, non consecrasset, sed consecraturum Tulliam fuisse.

*Exultare plane uideor, uictorq. de fortuna, ac de* 87.b.  
omni prorsus triumpho. At Lactantius testatur, Ciceronem in Consolatione sua confesum esse præter morem suum se subiaccere fortunæ. qua in re ab eo reprehensus est. nec reprehendi ullo modo potuisset, si dixisset, se de fortuna triumphare.

*Ego multo mihi grauiorem, multoq. iucundio rem* 88.a.  
cōgressum nostrum futurum intelligam, quàm insuauis, & acerbis digressus fuit. Pro, congressum multo magis mihi gratum, & iucundum intelligam, quàm insuauis, & acerbis digressus fuit. Vel, Intelligam minus insuauem,

182 Cat. eo. quæ not. sunt in Cons.

4. p. 3 & acerbum digressum fuisse; quàm mihi gra-  
 4. p. 2 tus, & incundus congressus erit. Vel, Non tam  
 2. p. 2 insuauem, & acerbum intelligam digressum  
 fuisse; quàm mihi erit gratus; & incundus  
 congressus.

38.4. Insuauis, & acerbus. Olet illud Horatij; Habeare  
 insuauis, acerbus.



# GRAECORVM VERBORVM INTERPRETATIO.

- D**ICEYVR enim uerum. 13.11.  
Criminanti quidem deprauandum esse, 14.14.  
in peius arripiendo: defendenti uero  
in melius.  
Prætextu tantum eget improbitas. 16.23.  
Habenti aduersus eum, qui non habeat, quod ueri- 17.29.  
similia iudicio subiecta non sunt, & quod nihil  
opus esset testimonijs, si rationes satis non pro-  
barent.  
Etiam in philosophia solertis esse, simile in longe 28.13.  
distantibus cernere.  
Respondet Dialecticæ. 29.10.  
Persuasibile est alicui persuasibile. & unum qui- 16.  
dem statim est persuasibile per se, ac credibile:  
alterum uero, eo quod demonstrari talibus ui-  
deatur.  
Non persuasibilia, propterea quod nec ex confessis, 20.  
nec ex probabilibus sint.  
Et hoc, quod sic apparet manifestum esse aut om- 23.  
nibus, aut plurimis.  
Est autem propositio quidem Dialectica interro- 31.18:  
gatio, probabilis, aut omnibus, aut plurimis, aut  
sapientib. & his uel omnibus, uel plurimis, uel  
maxime notis, non paradoxa.  
Probabilis, non paradoxa. 21.  
Thesis est opinio paradoxa alicuius eorum, qui no- 25.



ti sunt in philosophia, ut quod non est contradi-  
cere, quemadmodum dixit Antisthenes: aut  
quod omnia mouentur, secundum Heraclitum:  
aut quod unum est id, quod est, quemadmodum  
Melissus dixit.

32.14. Est autem hoc, quando sapiens quidem, sed cum  
improbitate deceptus fuerit, ut Sisyphus, & for-  
tis quidem, sed iniustus superatus sit. Atque hoc  
uerisimile est, ut Agathon dicit. Verisimile enim  
est fieri multa etiam præter uerisimile.

19. Et in Rhetoricis est apparens enthymema ab eo,  
quod non simpliciter uerisimile est, sed quoddam  
uerisimile. hoc autem non est in uniuersum, ut  
& Agathon inquit. Fortasse aliquis hoc ipsum  
uerisimile esse dixerit, Mortalib. multa euenire  
non uerisimilia. Fit enim id, quod est præter  
uerisimile. Quare uerisimile etiam est, quod  
præter uerisimile est.

33.16. Verisimile est propositio probabilis.

34.3. Propterea quod talib. demonstrari uideantur.

36.6. Ac demonstrationis quidem indigentes sunt, quæ-  
cunque paradoxum aliquid dicunt, aut contro-  
uersum.

7. De controuersis, uel paradoxis, non sine subiectione  
rationis.

14. Oportet uti sententia de iis, quæ non sunt parado-  
xa, sed obscura, adiungendo quamobrem concinne.

38.1. De iis, quorum actiones sunt, & ea, quæ eligimus,  
aut fugimus ad agendum.

- Contemplatio, actio, effectio. 17. 80  
 Quarum uero rerum fines quidam sunt præter actio- 15  
 nes, in ijs meliora actibus opera extiterunt. 101  
 Felicitas bona actio cum uirtute. 20. 1  
 In ore multitudinis posita. 41. 201  
 Persuasibile alicui persuasibile est, cum tota refe- 44. 3. 1  
 ratur ad alios traditio de Rhetorica.  
 Mala senectus, Bona senectus. 48. 8. 1  
 Mala senectus senescit cito, & dolenter. Bona se- 29. 29.  
 nectus habet tarditatem senectutis, & indo- 49. 2. 1  
 lentiam.  
 De ijs, quæ sunt extra rem. 50. 15.  
 Ea, quæ sunt de re. 16.  
 Proaulio in Anlesia. 25.  
 Procemium demonstratiuarum orationum, cuius 27.  
 rei exemplum est procemium in Encomio He-  
 lenæ.  
 Volumen. 51. 6.  
 Libere enim tecum agam. 65. 5.  
 Morsus canis rabidi. 67. 12.  
 Criminari criminantem. 28.  
 Videbitur autem fortasse melius esse, & oportere 78 7.  
 pro conseruatione ueritatis etiam propria tol-  
 lere.  
 Sanctum est principem tribnere locorum ueritati. 41.  
 Est enim munus Rhetoricæ apud eiusmodi audi- 80. 2.  
 tores, qui non possunt ex multis contueri, ne-  
 que ratiocinari longe, & indicator supponitur  
 esse rudis.

98.27. Quia initio quasdam suppositiones falsas, & præter rationem assumunt.

101.10. Impossibile.

107.28 Adepti.

108.13. Accuso tibi accusationem iustam. Bellum bellare.

114.15. Est autem substantia quidem, ut exempli gratia dicam, quemadmodum homo equus.

116.17. Sapiens rectiloquus eris.

28. Sophisticam rationem.

117 2. Præterea uero tertia honestas est, quæ soluit sophisticam rationem. Non enim est, ut ait Bryson, Neminem turpiter loqui, siquidem idem significat hoc pro illo dicere. Hoc enim est falsum. Nam est aliud alio magis proprium, & similius, & accommodatius ad ponendam rem ante oculos. Præterea non similiter se habens significat hoc, & illud. Quare sic etiam aliud alio honestius, & turpius ponendum est. ambo enim honestum quidem, & turpe significant: sed non quatenus honestum, aut non quatenus turpe: aut hæc quidem, sed magis, & minus.

119.7. Quod omnium maximum est.

121.15. Imago.

20. Et sumere non licet ipsam ab alio.

27. Frigus in translationibus. Obscure.

28. Longe.

133 12. Pugnandum est, aut id, de quo agitur, non esse simile, aut non similiter, aut differentiam aliquam

quam habere.

Et in luctibus, & lamentationibus exoritur quæ-  
dam uoluptas, quòd recordetur, & uideat quo-  
dammodo illum, & quæ ageret, & qualis esset.  
Quare etiam illud dictum est; Sic ait, & cun-  
ctis lacrymarum accendit amorem.

Quamobrem emulatio bona est; & bonorum: 149.12  
inuidere uero malum, & malorum.

**F I N I S.**

Pag. 5. lin. 9. impeditur. impeditum. 8. 19. indicandū. iudican-  
 dū. 14. 11. Hiccine. Hæccine. 27. nomem. nomen. 13. 6. uirtus.  
 uerus. 13. num. nunc. 17. 2. offentionē. offentionem. 18. 6. in-  
 dicandi. iudicandi. 28. 14. θεωρεῖν. θεωρεῖν. 19. 23. neq; meq;  
 23. 7. αὐτο. οὐτο. 32. 27. ἐκός. εἰκός. 34. 15. munus. manus. 36.  
 13. contrārsūm. contrarium. 24. obscurum. ofurum. 39. 9.  
 uirtuti us. uirtutibus. 41. 13. ha. hac. 43. 5. Hippocratis. Hip-  
 pocrates. 50. 16. περὶ τὰ. περὶ τοῦ. 53. 24. quæq; . quoque.  
 54. 11. hunc. hanc. 55. 5. Consolationis. Consolationis. 58. 1.  
 coniunxerunt. coniunxerant. 4. Nam. Non. 60. 25. proxi-  
 mi. proxime. 61. 26. emendare. emendate. 62. 19. & ea. 69.  
 25. profiteris. profitereris. 73. 7. putes. potes. 22. nunc. tunc.  
 78. 20. Incidere uirx: sic postea. incidere uirx, ut ornaret  
 illud adiunxit de suo, Nec in hos scopulos incidere uirx:  
 sic postea. 80. 4. διὰ πολλῶν. διὰ πολλῶν. 100. 10. La-  
 cessis. laceassis. 24. hic. hoc. 113. 2. usi. uti. 20. nec ne. necte.  
 114. 10. aut. at. 115. 20. Tūc. Cū. 116. 23. Latinæ. Latine. 117. 8.  
 τόδε. ὅδε. τόδε. καὶ τόδε. ὅδε. 10. τὸ αἰσχρὸν, ἢ ταῦ-  
 τα. τὸ αἰσχρὸν σημαίνουσιν, ἀλλ' οὐχ ἢ καλὸν, ἢ οὐχ  
 ἢ αἰσχρὸν, ἢ ταῦτα. 118. 20. Non. Hac. 120. 1. appellarent.  
 appellauerit. 121. 5. laus. locus. 122. 5. probat. probas. 132. 11.  
 optari. aptari. 16. siue. sine. 18. congerentes. congruenter. 24.  
 probata. prolata. 133. 1. quid. quid. 28. delectantur. delecta-  
 mur. 138. 6. maximi. maxime. 139. 3. procurationib. prouo-  
 cationib. 142. 19. primus. primos. 146. 27. appareat. appareāt.  
 157. 12. Respondere. Despondere. 158. 21. pro ea. pro ea. 24.  
 abij. abijt. 159. 22. ex. &. 168. 3. Eritia. Critia. 170. 11. eadē.  
 eodem. 19. eadem. eodē. 171. 3. manes. munus. 13. lib. 6. lib. 7.  
 175. 25. inuestigatores fragmētum. fragmentorum. 176. 27.  
 dolentem. delentem.

卷之五  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



The first of these is the  
 second is the  
 third is the  
 fourth is the  
 fifth is the  
 sixth is the  
 seventh is the  
 eighth is the  
 ninth is the  
 tenth is the  
 eleventh is the  
 twelfth is the  
 thirteenth is the  
 fourteenth is the  
 fifteenth is the  
 sixteenth is the  
 seventeenth is the  
 eighteenth is the  
 nineteenth is the  
 twentieth is the  
 twenty-first is the  
 twenty-second is the  
 twenty-third is the  
 twenty-fourth is the  
 twenty-fifth is the  
 twenty-sixth is the  
 twenty-seventh is the  
 twenty-eighth is the  
 twenty-ninth is the  
 thirtieth is the  
 thirty-first is the  
 thirty-second is the  
 thirty-third is the  
 thirty-fourth is the  
 thirty-fifth is the  
 thirty-sixth is the  
 thirty-seventh is the  
 thirty-eighth is the  
 thirty-ninth is the  
 fortieth is the  
 forty-first is the  
 forty-second is the  
 forty-third is the  
 forty-fourth is the  
 forty-fifth is the  
 forty-sixth is the  
 forty-seventh is the  
 forty-eighth is the  
 forty-ninth is the  
 fiftieth is the  
 fifty-first is the  
 fifty-second is the  
 fifty-third is the  
 fifty-fourth is the  
 fifty-fifth is the  
 fifty-sixth is the  
 fifty-seventh is the  
 fifty-eighth is the  
 fifty-ninth is the  
 sixtieth is the  
 sixty-first is the  
 sixty-second is the  
 sixty-third is the  
 sixty-fourth is the  
 sixty-fifth is the  
 sixty-sixth is the  
 sixty-seventh is the  
 sixty-eighth is the  
 sixty-ninth is the  
 seventieth is the  
 seventy-first is the  
 seventy-second is the  
 seventy-third is the  
 seventy-fourth is the  
 seventy-fifth is the  
 seventy-sixth is the  
 seventy-seventh is the  
 seventy-eighth is the  
 seventy-ninth is the  
 eightieth is the  
 eighty-first is the  
 eighty-second is the  
 eighty-third is the  
 eighty-fourth is the  
 eighty-fifth is the  
 eighty-sixth is the  
 eighty-seventh is the  
 eighty-eighth is the  
 eighty-ninth is the  
 ninetieth is the  
 ninety-first is the  
 ninety-second is the  
 ninety-third is the  
 ninety-fourth is the  
 ninety-fifth is the  
 ninety-sixth is the  
 ninety-seventh is the  
 ninety-eighth is the  
 ninety-ninth is the  
 hundredth is the



